





Digitized by the Internet Archive
in 2018 with funding from
Getty Research Institute



L'AGNANO ZEFFONNATO

POEMMA AROIECO
D'ANDREA PERRVCCIO
DEDDECATO

Alo Llofirissimo Signore

D. PIETRO PALOMMERA,
E VELASCO

Vedetore de-le Galere de Napole.

CO LA MALATIA D'APOLLO
Delo Mmedesimo.



In Napoli, per Gio: Francesco Paci 1678.

Con licenza de' Superiori.

Ad Istanza di Francesco Massari.

CV 125

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000

1000 125 1000



ILLVSTRISSIMO SIGNORE,



Vapori delle lagune ardimentosi
sogliono inalzati
dal Sole esser cō-
uertiti in lucide
fiammelle: non è
dunque stupore,
s'io gli humili vapori del mio LA-
GO vengo à consecrare ad vn
Apollo, che saprà conuertirli in
Astri; egli è vero, che questo è vno
scherzo della mia penna; però de'
scherzi anche s'appagano i Gran-
di; hò preso ardire di consecrarlo
à V. S. Ill. perche sò che le CO-
LOMBE sono amorose, e senza
fiele,

fiele, e con ragione sacrate alla
Dea delle Gratie, e degli Amori,
stimo non dourà sdegnare l'idio-
ma Partenopeo; poiche quelle co-
se, che sono più naturali, non co-
noscono affettatione mà deriuano
dall'affetto. Hò presupposto offe-
rendolo ad vn Caualiere, non solo
ricco per le glorie de' Predecesso-
ri, mà splendido per le proprie he-
roiche atttioni, hauer colpito à se-
gno: ritrouando in vna COLOM-
BA spiriti d'Aquila, e voci di Ci-
gno, e come idea del valore, per
fulminare gli Aristarchi: e co-
me caro alle Muse per radolcir
l'anime. E se potrà gloriarsi il no-
stro Cattolico Regnante d'esser
seruito da vn Ministro, che quasi
Argo con cento occhi degl'intere-
ssi Reali è veditore; io potrò
preggiarmi della protettione d'vn
Padrone, che saprà con occhio be-
nigno

nigno vedere la mia deuotione.
S'io volessi ingolfarmi nel mare
delle lodi, ò de' suoi magnanimi
Antenati, ò de' famosi suoi gesti,
tentarei circoscriuer l'immenso, ò
passare il non più oltre, che non è
concesso ad altri, se non à quelli,
che d'esser COLOMBE si preg-
giano; ed io non son solito d'in-
golfarmi ne' Mari, ritrouandomi
nelle Paludi della bassezza, & in-
habilità dell'ingegno; solo la sup-
plico per fine d'assicurarmi da
Corui sotto l'ali della sua protet-
zione; benchè dubio non me ne
esti, essendo amorosissime le CO-
LOMBE; onde di ciò sicuro ba-
ciandoli riuerente le mani, resto

Di V. S. Ill.

Humilissimo Seruo
Andrea Perruccio.



ALO' SIO ANDRÈA PERRVCCIO

Pe l'Agnano Zeffonnato.

*Se tocca la casata soia , e l'arma che è no
Cacciottiello ianco .*

DE LO SIO ANIELLO GIANNINO.

CHe tenche, che Pantano l'atta de mene;
Non è lo vero, troppo lo sbelisce;
Sfolago è de Caistro , e d'Eppocrene,
Addò li Cigne sautano pe pisce.

Na grotta a canto a isso Agnano tene.
Doue ogne cano viuo ntesechisce;
E tù pe dare a l'Arestarche pene:
Ntrà sso Lago Fenice, e cante, e crisce;

Cano, che mozzecanno li gnorante,
Cò l'acqua de ss'Agnano Zeffonnato,
Le faie schiattà pe umidia tutte quante.


Pinno c'haue lo lino ammatorato,
Ed azzò scritte nc'hauisse li canté,
Nn'hà fatto carta ianca , e te l'hà dato?
E pe te è deuentato

No maro sso Pantano nzapetito,
Co lo sale de gratie saporito.
Sò già iute à l'acito

Li mmidiuse; e à li nemmice tuoie
Na mmala tenca mannare le puoie.
E comme non te vuoe

Ammortalà cò sso Poemma raro,
Si t'è stàto sso Lago calamaro,

A LO STISSO
Toccannose lo mmedesemo
Delo M. R. D. Addenico de Tommaso.



TEbe, Corinto, Troia arze, e scadute,
E da le guerre, e pe l'antichetate:
Nullo nce fù che muoffeto à piatate
L'haueffe co li vierze arrepolute.

Marone, Homero l'heppero allostrute,
Quanno steuano nshiore ste Cetate;
D'Andrea Perruccio fulo la vertute
Sà ngrannire le cose zeffonnate.

Perruccio schitto hà trasportato Agnano
A non Prus vtra de le cose belle:
Decenno ch'è no Schiummo, e nō Pantano;

Dinto à sto shiummo posano l'ascelle
Cigne, e Serene; e fatto autro Oceano,
Doue se vanno à semmozà le stelle.



All' istesso.

Prosopopea del Fato.

PArla il Fato ad Andrea: Attendi al fine
Premij non ordinarij a' tuoi sudori,
Spirto gentil, di non volgari allori
Ti cingerò fra breue il nobil crine.


Addurrà tua Virtute onte, e ruine
Al Tempo ingordo, e a gl'inuidi malori:
E di Trinacria al patrio tuo confine
Per te s'accresceranno aurei splendori.

Ingrandire opre eccelse è lieue impresa;
Gli albori a decantar del Dio di Delo,
Non sudò mai Rettorica difesa.

Ma tu, ch'a rischiarar l'oscuro velo
D'un luogo già distrutto hai l'alma intesa,
Impiego è sol da registrarli in Cielo.



De lo Sio Bruno de Bruno.



TOffa a lo Tasso daie; faie stà marfusso
D'arraggia lo Poeto Mantouano :
E pe scuorno lo Grieco fatto russo,
Co chella Aliade cagnarria fs'Agnano.

S'auto pesca ranocchie; haie tù lo iusso
De pescà perne dinto sso Pantano ;
Si nne cacce nsonnennoce lo musso,
De recchezze de Pinno vn'Aoceano.

Cano; a lo canto iugne a tale signo,
Che pe chiammare a te da mò nne nanze,
Non derraggio, Ci, Ci, ma Cigno, Cigno.

Si de li cane pò so propie aofanze
Ghì appriesso a lo patrone; hoie tù sì digno
De ghì co sso Poemma a tutte nnanze.



Perzi a l'Autore, e a la Casata soia.

Pe l'Agnano Zeffonnato.

De lo Sid Ciccio Bauxano.


PErruccio, cò ss'Agnano Zeffonnato,
Chiù d'vno tù nne faie restare n focé,
Che s'attrippa à Parnaso d'acqua doce,
E cò no lince, e quince và ntosciato,

Tù de Napole bello haie forzetato
Lo parlà, ch'arrecreia, si ioua, o nocé;
Co lo quale Cortese ad auta voce
Le Baiasse laudanno, è nnommenato;

Na grotta rente ha chillo Pantano,
Che accide cane; e le grannizze soie
No CANE canta chiù saputo, e sano;

Sarranno aterne affè le grolie toie,
Ne scomparranno, si che tene Agnano
Ranonchie, e ghiunche, e nc'ararrà lo voie;





C Ride; Perruccio mio, ca quanno cante
Faie deuentare ogn'hommo māmaluoco;
E chi te sente, e non deuenta stuoco,
E' signo, ca farrà quarche gnorante,

Io non faccio sì cante, o puro ncante;
E quanno sento a te dongo n'allucco:
Perche vego ca daie no truoco mmucco
A Marino, a Guarino, a Tasso, e a Dante.

E sto Poemma tuio Napoletano,
La storia non è de Liombruno,
Ma no soeciesso de no caso strano.

A sso cantà non c'arreuaie nesciuno;
E mentre cante Zeffonnato Agnano,
Tù stopafatto faie restare ogn'vno.



Puro à i sso

Ncoppa à lo mmedesemo

De lo Sidò Domminaco Pignataro .

PErruccio, io de mè fora songo asciuto,
Ca chisso Agnano chiamme Zeffonnato!
Deuiue di chiù priesto ammortalato:
Mentre l'haie co li vierze annobeluto.

Haue Apollo sso Lago già bannuto,
Che lino non ce sia chiù ammatorato;
Ca si l'haie nn'Eppocrene tramotato,
Vò che lo fonte sia d'ogne saputo.

Dinto à la Grotta llà more ogne cano;
Ma lo tuio, ch'a la Morte spezza l'armè,
Sarrà sempe de Pinno Guardeciano.

Vola la Famma roia nfi a li Beiarme,
Decenno: ch'a la guerra de ss' AGNANO
Nce chiantaste ceprieste, e cuoglie parme.



210

A lo mmedesemo

*De lo Muto Reuerendo D. Felippo
Gammardella .*

Prosopopea dela Mmidia .

CHi pò contà l'arraggia, che mme vene,
Mò che sento sso canto accossì doce:
Donca no cano hà tanto bella voce,
Che lo nomme de Cigno le commene.

M'abbagliano le stelle, ch'isso tene:
Mme caccia chillo cano assaie feroce;
E puro, becche ANTREIA tãto mme noce;
Tutte io smacco , e de chisso dico bene.

Non faccio chi mme forza notte, e ghiuorno:
Laudo ss'Agnano, addoue hà già chiantato
Febo pe chisto sciure , e laure a tuorno.

Cossi, vedенno ANTREIA ammortalato,
La Mmidia disse; e pò pe rraggia, e scuorno
Se iettaie dinto Agnano Zeffonnaro.

Ad eundem .

Distichon .

Feruet Terra, Canis Coeli cū nascitur ardēs:
Ira ardet liuor, dum Canis iste micat.



Abi

A LI COREIVSE.

S Tracquo no iuorno de struiere chiù la vita , che le scarpe appriessò l'aucielle , trouannome a lo Lago d'Agnano , mme mise sotto a n'aruolo a riposare , ebenutosenne Compà suonno , mme fece serrare l'ùocchie pe la poruera ; quanno mme parze de vedere da miezo lo matreco d'Agnano ascire na capozzella , che accostannosse verso Terra , mostaie d'essere na Ranonchia , che zompanno , zompanno s'abbecenaie addoue steua io ; e mme decette : Dormeglione che faie ? io sentennola parlare happe a speretare , e pe paura , quanno dapò mme scetaie , trouaie ca lo suonno hauea puro fatta operatione de torriaca ; ma allecordatome le fauole d'Asuopo , e lo vierzo de lo Sannazaro :

Ne' tempi antichi quando i buoi parlauano.
me preiaie tutto vedennome fatto Ampollone Tiano , che senteu a le buce de l'animale , tornammo addonca a lo proposeto de li Todische de mprimma : che faie dormeglione : me decette la Ranonchia ; tutto lo iuorno nce viene a interrompere lo doce canto , che facimmo , co le scoppettate ; e non te vuoie imparare a cantare côm'a nuie , hauennote Apollo mbreacato de lo lecore de Parnaso , che dace ncapo , comm' a bino de Pezzulo ; io fattome armo , pare a che le responnesse : bella Ranonchiella mia , che buoie che canta ? si sò nzallanuto pe deuerze cose ; nprimmo e nnantemônia le
mme-

inmiserie inme scannano ; lo nciegno è tardacino , la voluntate è ghiuta a speluorcio ; la Musa Toscana pe troppo cantare , e sonare nō piglia quaglie , e non valeno quaglio de cano ; soggetto de scriuere nō lo faccio trouare ; li luoche sò accopate , e chi tardo arriua, male alloggia , e stanno de casa , pe desgratiamia , a lo Mantracchio , che cosa bona nne po ascire da me ?

Non me credeua : decette la Ranonchia : ch'iere tant'aseno, e pe non te fà stare chiù regnoluso comm' a peccorillo , c'hà fatto qualche male seruitio te voglio conzolare ; si tū pienze ale meserie, te schiaffarà nnante core, nnante li iuorne tuore : sì faie nfracerà ntrà le bafche lo nciegno , quanto primmo tū vaie a trouare Masto Giorgio : si la Musa Toscana te renne la ntrata, e la sciuta de Porta Capoana , che nce vuoie fare; lo Munno accossì corre : li Mecenate sò state macenate da la Rota de lo Tiempo , e fatte poruera se l'hà portata lo viento : si vuoie soggetto , tanto volisse scriuere quanto n'ascie; ne perche li luoche sò accupate , t'haie da sconfedare : chi fà zò che pote, non è tenuto a chiù; e si fosse chesso, nesciuno deuerria chiù scriuere, ne cantare : ogn'aseno se preia de l'arraglio suo ; chi te vò sentì, te senta, e chi nò, che s'appila l'arechie cò le chiommarole ; ne te sbauentare cà staie a lo Mantracchio, pocca lloco trouarraie l'antechetate de la bella lengua Napoletana, ch'a desppetto de li Toscani s'è conzaruata dinto a la vammace ; tanto che si Marrone se
ce

ce la scigna a lo cecato de sola de Smirna; Io
Tasso fò pappagallo de Vergilio; lo Marino iet-
te arreto a Nasone; tu haie no Cortese, che
becche vienghe da fora, te pò mmezzare l'ar-
te, e metterete lo graffio mmano.

Buono, le decett'io; mà chi mme pò saruare
da le male lengue, che facenno fuorfece fuor-
fece, non me tagliano lo cappotto? Siente, re.
sponnette la Ranonchia, si te parlano da dere-
to, hanno trouato lo luoco loro; si te parlano
nnante, o sò bertoluse, e ammice, e te defen-
zarranno, e compaterranno; o sò bertoluse,
e nemmice, e chiste parlarràno pe schiattiglia,
e crepantiglia; o pechè ne haie fatto sgarriglia,
e se ponno pegliare na striglia; o sò guorante, e
tù ridettenne cà chisse sò canosciute a la prim-
ma parola, che l'esce da vocca, pocca sarrà n'ar-
raglio com'a lo Ciuccio d'Asuopo; e pe scom-
pere puoie dire a tutte cà si li portarrobbe vā-
no cantanno pe s'alleggerì lo piso; comme
fanno li zappature, li marenare, e tutte chille
che faticano; tu puro cāte pe sfocarete, e pe no
affocarete ntrà li penziere: hora via, decett'io,
pocca vuoie, che trasa a st'abballo, che mate-
ria mme configlie ch'afferra? Si è pe materia,
n'haie tanta dinto sto pantano, the tenne puoie
sgoleiare decette la Ranonchia.

Io non ce trouo niente, decett'io, non bego
auto, che no Lago co folleche, mallarde, som-
mozzarielle, crouaste, e aute animale; che nce
voglio cantare ncoppa a chiste? li guaie mieie?
E comme si storduto, asseconnaie la Ranon-
chia, cerca cà truoue, non haie lietto maie cà
che-


che sta è stata na Cetate, che pò zeffonnaie? l'haggio licito, e ntiso dicere, decett'io, mà lo negotio è dobbiufo ne se scriue pè sicuro; te n'assecuro io cò sta zampa, decette la Ranonchia, cà lo saccio dala descenentia ranonchiesca mia, e sta marmoria nc'è restata a la Casa nòsta da la primma vauesa, che zeffonnato Agnano nce venne ad habetare. Famme no piacere, le decett'io, accossì lo Cielo te scanza da chille, che non hauenno, che fare, vanno ncappanno Ranonchie; contame comme soccesse lo fatto, ca pò io pe te da gusto, lo voglio cantare, e chiammare a tè pe Musa mia; lo boglio fare decette la Ranonchia, e accossì me còtaie tutto chello, che trouarrite scritto puosto da me mmierze, e mme contaie tutte le strasformatiune de l'animale: Segnure mieie Coreiuse, Io mò hauenno me nchioccato tutto chello, che mme decette la Ranonchia, da no strillo de li Compagne mieie fuie scetato, che mme dissero: eilà che faie? non faie cà ccà nc'è mal'aria? che te vuoie accidere? ma Io c'hauua lo vespone ncapo, misome da la Ranonchia; sceccata na penna da na folleca, c'hauua acciso, e temperatela, e squagliata no poco de poruera de la scoppetta, accommenzaie a scriuere ncoppa a certa carta straccia, L'AGNANO ZEFFONNATO, che ve presento azzò, che ve nce spassate pe dinto cò la varchetta de lo nciegno; ma si quarch'vno, mme vò dicere. chisto hauea sopierchio tiempo da perdere, hauenno fatta sta fatica: io le responno, ca l'haggio arrobbato a lo suonno; si n'auto dice:
e non

è non c'era autà matèria pe scriuère ? io le di-
co , cà si Homero se pegliaie le Ranonchie, a-
mè hà lassato no pantano ; e si Lalle le mosche,
io mme piglio l'aucielle cà sò chiù gruoffe ; si
ntoppate a quarche arrore , penzate cà pe lo
suonno socciello era storduto da lo suonno ; si
volite sapere a che tiempo soccesse sta guerra ;
la Ranonchia, mò che m'allegordo, me decette
cà fuie cenquanta anne dapò che lo Cerriglio,
essenno Regno addeuentaie tauerna ; si parlasse
a lo propofeto , scosateme cà parlo nzuonno ;
e si pe fine non volite credere chello , c'haggio
scritto io , puro ve conzeglio , che non credite
a suonno.

Le parole de Dieie, Fortuna, Sciorta, e quar-
ch' autà cosa, che tocca li sproposete de Ientile,
l'haggio scritto pe dellieggio lloro , e pe ride-
re , cà de lo riesto com' m'a bero Christiano
crego tutto chello , che mme commanna la
vera Fede mia, pe la quale sò lesto a span-
nere lo sango , e spennere la vita
ciento milia vote ; Couerna-
teue , e magnate forte
si hauite che magna-
re Addio .

(†)





EMINENTISS. PRINCEPS.

V Idi Librum, cui titulus, *V. A. gnano Zeffonnato*, compositum ab Andrea Perruccio, nec in illo quidquam, quod bonos mores offendere possit, comperi; Imò sicut illum, quà eruditione refertum, quà Patriæ linguæ puritate cultum, quà argumenti commentatione ingeniosum, multa laude, ita prælo dignum iudico. Neapoli 28. Ianuarij 1678.

P. Carolus Casalicchius Soc. Iesu.

IN Congregatione habita coram Eminentiſſimo Dño Cardinali Caracciolo Archiepiscopo Neapolitano sub 5. Martij 1678. fuit dictum, quod stante relatione retroscripti Reuiforis, imprimatur.

FRANCISCVS SCANEGATA
VIC. GEN.

*Ioseph Imperialis Soc. Iesu, Theol.
Eminentiss.*

EC.

ECCELLENTISSIMO
SIGNORE.

A Ndreà Perruccio supplicando
dice à V. E. come desidera
stampare vn Poema Napoletano in-
titolato *Agnano Zeffonnato*: per tanto
supplica V. E. si degni commetterne
la reuisione: Vt Deus.

Magn. V. I. D. Carolus Maria Be-
nessante videat, & in scriptis re-
ferat .

GALEOTA R. CARRILLO R.
VALERO REG. CALA' REG.
SORIA REG.

Prouisum per S. Exc. Neap. die 26.
Nouembris 1677.

Comus.

ECCELLENTISS. SIG.

H Auendo letto per ordine di V. E. il Poema Napoletano intitolato *L' Agnano Zeffonnato* di Andrea Perruccio, nè hauendoui ritrovata cosa ripugnante alla Regia Giurisdittione, mà bensì hauendolo ritrovato non poco ricco di poetiche inventioni, delle quali n'abbonda l'Au- tore, lo giudico degno da darsi alle Stampe, se così parerà all'E. S. al di cui sauo giuditio mi sottometto. Nap.li 20. di Gennaro 1678.

Di V. E.

Humiliss. Seruitore

D. Carlo Maria Benestante.

Visa supradicta relatione, imprima-
tur, & in publicatione seruetur
Regia Pragmatica.

GALEOTA REG. VALERO REG.
CALA' REG. SORIA REG.

Speſtabilis Reg. Carrillo non interfuit.



D E

L'AGNANO

ZEFFONNATO

CANTO PRIMMO.

ARGOMIENTO.

*Se parte Tartarone pe Sardegna,
Et à Borcano lo porta lo viento,
Feresce Bronte; Vorcano consegna
A lo smargiasso no scuto mpresiento.
Vede le maraueglie, e pò à Campegna
Scenne, addò vede co granne ornamento
Fare la mosta; vace à lo Rè nnante,
Conta liguaie, e capo è del' Arrante.*

CANTO PRIMMO.

C Antà de na Cetate zeffonnata
Voglio, e mò m'è benuto sto golio,
E chiù de na perzona siraformata.
Fare sentire cò lo canto mio;
No cierte tiempo Agnano fò chiammata
Stà Cetate, de chi mò ve parl'io;
Mà, pe bolè de Giove, auto d' Agnano
Mò remmaso non c'è, che no pantane.

A Musc-

2 CANTO PRIMMO.

Museche cantatrice, che strellanno
 Non lassate cantà tutto lo iuorno,
 Sautatrice vezzarre, che zompanno
 De sto Lago, che dico, iate à tuorno,
 Li vierze vuie me iate nfrocecano,
 Leuannome da canto lo taluorno
 De la Musa Toscana segnà Crio,
 Che bò che nTosco sia lo canto mio.
 Vuie, che non site vellane maligne,
 Comme ve disse chillo grà Nasone;
 Ma duce Muse cò cantà benigne
 Stordarrisseuo puro no Marone.
 Vuie, ch'à cantà vencisteno li Cigne,
 E de li laghe fusteuo Patrone,
 Comme deciso à n'aruolo ntagliaie
 Chillo Pastore, che sapette assaie.
 Vuie me sperate, ò Ranonchielle meie,
 Li vierze, ch'à cantare s'apparecchia
 La vocca, che bò dire de li Dieie
 La grà miennetta, pe na trista vecchia.
 Ve derraggio de cierte Semmedieie
 Lo gran balore à cuorpe de ferrecchia.
 Horsù, mentre che canto sto gran caso,
 Siane ches'acqua chella de Parnaso.
 A buie, Segnò D. Pietro, rreuerente
 Consacro sta nzalata boffonesca,
 Si Gique no sdegnaie ruzze presente,
 Puro azzettate Vuie stà mmesca pesca.
 A n'hommo non deueà cossì azzellente
 Stà cosa dà, mme mmereto na sesca;
 Mà, perche site vuie tanto ammoruso,
 Io deuentato sò nò presentuso.

Chi

Chi sà sì quarche ghiuorno, che la vena
 Me venesse à scetà Maddama Crio,
 Doce hauesse da fà chiù de Serena
 Dinto à le grolie toie lo canto mio;
 Tanno, nò chiù m'abbottarria d'auena;
 Cà lo lauro magnà puro facc'io,
 E farria, dele Muse ala fontana,
 Stò Menecordio Cetola Toscana.

Aufoliate mò chesta nzalata,
 Stò pasticcio, ò menestra, ò st'arrauuglio,
 Sta chelleta, che l'haggio fraucata
 Co fraudare à me stisso, e suonno, e ùoglio;
 Mà si ve faccio fare na risata,
 Haggio hauuto lo ntento, e chiù nò boglio.
 De Napole mentr'io parole accapo,
 Attendetemi dunque, e son da capo.
 'Era mmarcato ncoppa na falluca,
 Cò ntentione de passà nSardegna,
 No cierto smargiaffone sango zuca,
 Ch'era chiappo, e chiappino pe tre legna,
 Nui sta pareua propio na tartuca,
 E se vantaue de Regia streppègna
 Chisto granne anemuso smargiaffone,
 Ch'era à nome, & à fatte Tartarone.
 Chisto credeua ghire à fare Pasca
 NSardegna, addoue steano li Pariente,
 E ncuorpo haueua n'affannata basca
 Pe ghire priesto à fà ioquà li diente.
 Mà veccote cà vene na borrasca:
 O mamma mia: che non te dico niènte
 D'acqua, de lampe, e truone furiuse,
 Che forreiere fece à l'anemuse.

La virria porzi saglie à lo Maro,
 Che la falluca facea ghì pe l'aria;
 Sorrieffeto già onne marenaro,
 Istemma, e chiagne la sciorta contraria.
 Onne viento, onne cosa le v'aspara,
 Pocca lo stisso viento vota, e sbaria;
 Tanto che lo smargiasso c'hà gran core,
 S'allorda, e giallo hà nfacce lo colore.
 Lo Cielo la falluca anchieu d'acqua,
 Et abballare la facea lo viento,
 E mentre s'attenneua à sgottar acqua,
 Tutte le bele stracciau lo viento;
 Dapò lo Maro l'affennea cò l'acqua,
 S'isse mpoppa pigliauano lo viento;
 Tanto ch'erano affise d'acqua, e biento,
 Muorte pe l'acqua mò, mò pe lo viento.
 Perza la carta de lo nauecare,
 Rutte li rimme, e stracciate le bele;
 Chiù non sapeano addoue ghì à parare
 Pe chillo Maro amaro chiù de fele.
 Veccote nchesto, cà venne à scorare,
 E autaluce nce vò, che de cannele.
 M'entrà sta notte tenebrosa, e bruna
 Tartarone accossì pregaie la Luna.
 Bella Cornuta mia facce d'argiento,
 Che de tutte le stelle si Regina,
 Tù che là ncoppa de lo Firmamento
 Frateto è gallo, e tù sì la gallina.
 Praca Signora mia sto frusciamiento
 De sta sdegnata bestia Marina.
 Che nnauzarete statua nnargentata
 Prommecco, che sia sempre spressommata.
 Mentre

Mentre steua facenno sto locigno ,
 Vecco na luce vedeno lontana ,
 E Tartarone grida: ecco lo signo
 Cà già m'hà ntiso la grà Dea Diana,
 Haue de Giove pracato lo fdigno
 Chella Dea, che se laua à la fontana ;
 Vecco llà vego na shiaccola ardente ,
 Vecco Terra, compagne, allegramente.
 Pocca perduto s'era lo temmone,
 Se faceano l'assaruo co no rimmo ;
 Iogneno n'fine nTerra, e Tartarone
 A sautà come à grillo suie lo primmo.
 Ogn'vno se toccaua lo premmone
 Che le sbatteua; e lo Patrone , stimmo
 Disse: l'Isola chesta de Vorcano ,
 Addoue stà cò lo martiello nmano.
 Ogn'vno miezzo muorto, e tutto nfuso
 Se muta, e ghietta pò nTerra à dormire;
 Mà Tartarone cò core anemuso
 Ncoppa lo monte, disse, io voglio ghire;
 E becche nchesto sia no presentuso,
 Sciorta non manca à conca haue l'ardire,
 Aspettate; mà ccà cierto non torno,
 Si non rompo à Vorcano quarche cuorno.
 Nchesto à sagli se mette , o che gran core !
 E bedè p'ogne banna , che scarpisa
 Scire lo fummo, tanno lo valorè
 Iette mancanno , e allordaie la cammisa;
 Mà vò co tutto chesto vencentore
 Effere de la mpresa, e à la mprouisa,
 Se vedde nnante ascire messè Bronte
 Cò na locerna nmano , e n'autra nfronte.

Quann'isso vedde chillo gran Colosso,
S'agghiaiaie pouverello, e disse: Mamma
Chisto è anemale, ohimè de mè chiù gruof-
Vorria mò confedàreme à la gamma; (so,
Ohimmè ca chisto li mme cade adduosso
Mme fà auliuà nouella: e aiuto chiamma,
Mà nesciuno lo sente, e lo terrore
Lega le gamme, e fà tremmà lo core.

Mà tornato nse stisso, io, disse: addonca
Foi vorraggio da sto bestiale;
Che fuorze sta manzolla è accossì cionca,
Ch'accidere n'abbasta n'anemale:
Caccia la spata, che già fuie na ronca,
Tartarone, che nguerra e pote, e bale,
E botannose à chillo accossì disse:
Brutto Cecropo vecco n'autro Aulisse.

A le parole, & à la grà brauura
De Tartarone, chillo brutto fatto,
Facennole na brutta sguardatura,
No resillo se fece, e disse: ò matto?
Tu saie comme sta pella è forte, e dura;
Si cò sto dito te piglio, te sbatto
Tanta vote de capo à cheste prete,
Che chiù non paterraie propeo de sete.

Non serue de parlà, lo gran Sordato
Le disse; sù venimmo ala vattaglia:
E tira no sceunente spote stato
Decenno: piglia razza de canaglia:
Lo cuorpo, che de taglio era terato
Couze de ponta, e la carne le taglia,
Tanto, che fece torcere lo musso
A Bronte, ch'è de sango, e d'ira russo.

Ar-

Arrobbba chiaue accossì non se ncana,
 Quanno haue à tuorno tanta peccerille,
 Che chi le sona appriesso la campana,
 Chi arrobbba chiaue la chiamma co strillet
 Ch'essa sbroffanno : figlie de pottana,
 Le chiamma , secotanno e chiste , e chillo:
 Comme lo Mostro chiù s'dignato assaie
 Contra de Tartarone se votaie ,
 Sbroffiare, iastemmare , e la lucerna
 Tirà, no punto fù nmiero la facce ;
 Si lo coglieua nrequia nnaterna
 Non facea Tartarone sanguenacce,
 Scanza lo cuorpo , e disse. à la Tauerna
 Chiù non iarraie, e chesto da mè facce;
 E tiranno no cuorpo bestiale ,
 Couze Bronte à le parte gnenetale.
 Strillaie chillo cécato accossì forte ,
 Che parze propio de cadè no truono;
 E si co isso nce potea la Morte ,
 Cierto cà llà restaua acciso bnono .
 Ne ntronaie la montagna accossì forte,
 De chillo strillo a lo potente suono,
 Che Giunone, e Nettunno s'agghiaiaro,
 Eolo foiette, e se coietalie lo Maro.
 Steua facenno li furgole à Gioue
 Vorcano, & hauea nmano lo martiello,
 Quanno sente a lo monte cose noue
 Cà Bronte strilla comme no porciello;
 Lassa la ncunia, e subeto se moue .
 E bede da lontano lo maciello
 De lo grann'hómo , ch'appriesso de chillo,
 Ch'era Alifante pareva no chiattillo.

Sterope scette pò dall'auta gròtta,
Che stea facenno d'Amore li strale,
E tenea nmano de chell'àrma cotta
L'affaie chiù crudo frugolo mortale;
Pe defendè lo frate na gran botta
Le teraie, contr' à chi scampo non vale,
E fù lo cuorpo accossì iusto iusto,
Che le fece sentì caudo d'Agusto.
Non pe chello hà paura Tartarone,
Disse; commatto puro cò cinquanta,
E facenno de trippa corazzone,
Vò mostrà, cà de chille non se spanta.
Vorcano, c'hauea zuoppo lo tallone
Correre voze, e pe la furia tanta,
C'haueua de mpedì la granne guerra,
Co no immallazzo mesoraie la terra.
Lo Cielo voze, ch'appriessò venire
Fece à bedere chillo gran fracasso
A Piracmone, ch'aiutaie à sosire
Vorcano, che non pò mouere passo.
Ionsero nfine, e beddero l'ardire
De chillo speretato, e grà smargiasso;
Mà chillo vede chiste, e alliccia, e suie,
Ch'Ercole manco potte contra à duie.
Mentre foieua pe chille scarrupe
Comme à latro da sbirre secotato,
O' comme sole fuìj da li lupe
Quarche nigro aieniello stroppeiato,
Sentette cà ntronaua chelle cupe,
Na voce, cò no strillo spotestato,
Che le deceua: aspetta, ò tù, và chiano,
Cà p'ammico te voglio: io sò Vorcano.
Isto

sto tornatte arreto, e canoscio
 A Vorcano, c'hauea stuorto lo pede,
 Et essenno vecino disse: adio
 Vorcano, vii veng'io ncoppa la fede;
 N'haie paura; rêspose: figlio mio,
 E ala grotta pòrtannolo, mò siede,
 Le disse: ò Tartarone valloruso,
 De tutte l'anemuse chiù anemuso.
 Pecchè no lauorante m'haie feruto,
 Vennecà non me voglio, e t'haggio à caro
 Pecche ccà ncoppa à fà vedè venuto
 Sì lo gran core tuo famuso, e raro;
 Anze prommecco de te dare aiuto,
 E npace, e nguerra, e pe terra, e pe maro;
 E perche sì no forte, e gran sordato,
 Io t'haggio nò gran duono apparecchiato.
 Mà sacce tù, cà quanno te menaie
 Sterope chella frezza ntrà lo pietto,
 Era chella d'Ammore, e perzò guaie
 Pe isso paterraie cò grà despietto,
 Mà n'haie paura nfine arriuarraie
 A scompere la guerra ntra lo lietto;
 Cà lo trauaglio à la Vertù non noce:
 Dapò l'ammaro è chiù caro lo doce.
 piglia sto scuto, che contro l'incante
 Io cò le mano meie l'haggio compuo sto,
 N'haie paura de Maghe, e Nigromante,
 Onne nciarino da chisto stà descuo sto,
 Vencerraie onne cosa sì costante
 Sarraie dinto à l'affanne scuoglio tuo sto.
 Và cà pò trouarraie chi t'anneuine
 Che bonno gnefecà ste fegorine.

Da ccà à cient'anne, Tartarone dice:

Viechio mio bello , cierto te rengratio,
Me faccia puro, quanto vò nfelice,
Cà vinceraggio de Fortuna à sfatio,
De nnauzareme spero chiù felice,
Comme vattuta la palla de fatio .

Mà dimme addò ste cose hanno à sortire,
E pe la Grolia adoue haggio da ghire.

Mmarcate, e addoue te porta lo viento,

E tù vattenne, Vorcano responne :

De vient n'hauerraie chiù frusciamiento,

Coiete se staranno e Cielo, & Onne.

L'abbraccia, e dice: vattenne contento

Bello Giouene mio, ne te confonne

Chisso perecoluso, e grà beiaggio;

Appriessò Aprile sole venì Maggio.

Lecientia le cercaie lo Cauallero,

E scennette ncorrenno à la Marina,

Alcia llà la patrone, e dice autiero:

Miette ste bele sù, priesto cammina;

Lo tiempo non è buono, sì sommiero

Le dice lo patrone; addò destina

Lo Cielo: islo responne : io voglio ghire,

Sarpa sso fierro sù, voglio partìre .

Lo patrone schiattannose de riso.

Fece sagli li marinare ncoppa,

Mì ncuorpo le deceua: fuisse acciso ,

Addò vò ghire stò varua de stoppa ?

Tartarone decette , tù m'haie ntiso

Voglio, che piglie lo viento pe poppa ?

Responne chillo: facimmo , che buone,

Ch'assè ne vottaria li vische tueie .

Pe

e dinto l'acqua la varca scorreua
Chiù foreiosa, che bà na saietta,
E beccore ca nnante se vedeua
Na shioruta, e bellissima Isoletta,
Lipare se chiammaua, e se nc'haueua
De li viene lo Rè la Corte aletta:
O terreno felice all'hommo ammico
Fertele de coniglie, passe, e fico.
Da n'autra banna vede le Saline,
Ch'Eolie le chammaie l'antica aitate,
E se vedeua arreto pò li rine
Ch'Arcure, e Felicure hanno lassate,
Strongole, che ghiettaua nzine fine
Grà montagne de summo spotestate,
E da la vanna ritra se vede a
Lustreca, e da la manca Pannarea.
e volanno la varca comme auciello,
Quanno lo Sole scese nzino à Teta,
E lo Cielo apparette accossì bello,
Che sbrannente mostraua onne Chianeta;
Quanno pò ascette lo iurno nouiello,
Se trouattero nfronte de Gaieta,
Veddero fora lo stato Romano,
E chiù ccà dinto pò lo Garegliano.
Crapa pò se vede a, che stà chiù fora,
E se trouaieno d'Isca chiù becino;
Chella bell'Isca, ch'è famosa ancora,
Che stace sempe carrega de vino,
Addò nce sò li vagne, che nne n'hora
Sanano chi de male stace chino,
Addoue onne Poeta nc'hà notato
Che Teseo lo Gigante sia atterrato.

Appriesso pò Proceta bella steua,
 Ch'è puro ricca, enc'è na bella Terra,
 E nterra ferma pò se nce vedeua;
 Vaia, che co lo Munno pò fà guerra,
 Vaia, che tanto all'horà resbrannèua,
 Che la Famma pe tutto ancora sferra.
 E de lo sfarzo Romano già figlie
 De Pezzulo nce sò le marauiglie.

Lo Tiempio de Deiana, e chella rara,
 Che chiammano merabele Pescina,
 Che ntrà lo Munno non ascie la para,
 E bečno la fossa d'Agreppina.
 Nnauto pò se vedeà la Zorfatarà,
 Che ghietta fummo da sera, e matina;
 E ciento, anze mill'aure cose belle,
 Le stufe, cò le ciento cammarelle.

Pe Niseta pegliaie dritto la via,
 La falluca, e nnauzatte la bannerà,
 E Tartarone stea co bezzarrìa
 Tutto ncriccato cò na bella cera.
 Nc'era llà nterra na gran compagnia,
 E ntrà lo Maro chiù de na galera;
 E li sordate fotta de la nzegna
 Haueano campo fattose Campegna.

Ali Vagnule la falluca iette,
 E Tartarone mesase la spata,
 E lo scuto pegliatose scènnette,
 E scennendo vasaie la Terra amata;
 Rengratiaie Vorcano, e se mettette
 A cammenare dritto pe na strata,
 E co no core mmitto, & anemuso
 Ghiette à bedè lo Campo goleiuso.

No

No bardacchino fatto de mortella;
E tutto ntorneiato de shiurille
Era nnauzato, isce che cosa bella?
De shiure de ienesta, e de cardille,
D'ellera era lo Cielo, e mercolella,
Che nmano lo teneano duie ninaille,
Vna nmiezo, e doie segge à li cantune
Steuano ncoppa à sette scalantrune.

Ncoronato de lauro, e de gramegna
N'hommo ntosciato nmiezo nce sedea,
Che co na facce torbeta, e benegna
N'agrodoce cetrangolo parez.
L'ùocchie votua pe tutta Campegna;
No caulo sciore pe sceltro stregnea;
E de lo ritto, e lo mancino lato
Nce sò duie cò la varua de crastato.

Aiutateme Vuie Muse Strellante
A cantà de stò mmitto perzonaggio,
Pocca non faccio cò sti ruzze cante
Volà tant'auto, e fà tanto veiaggio.
Derraggio cose assaie, mà n'abbastante,
Pocca decenno assaie niente derraggio;
Cà nce vorria, à laudà stò smargiaglione,
Na lengua, che ncacasse Cecerone.

Era de iusta forma la statura,
Mà la facce chiù negra de li gruoie,
Ch'allordà facea sotto de paura,
Ed hà l'ùocchie chiù gruosse de lo voie,
Era fatta cò garbo la fegura,
Ed hà no niego ncanna, cà li suoie,
Che de streppegna nasceno reale
Portano stò bellissemo nzignale.

Era

Era vestuto tutto d'arme ianche ,
E no paggio teneua lo cemmiero.
Mà de chill'autre duie, c'haue ali shianche,
Si nne voglio parlà, sò no sommiero ,
Si pegliasse le penne cò le branche ,
Puro ne restarria zero, via zero;
Vno è stato à la guerra gran sordato ,
Mò lo Rè Conzegliero l'hà criato.

Ceccone l'vno se chiammaua; e l'auto
Sfratta la mamma le mese pe nommo ,
Ch'à le botte fegliulo chiù de smauto
Hà refestuto, e bale chiù d'ogn'hommo,
Nascette ntrà la prebbe, e pò stò sauto
Fece, nchesto aiutato assaie da Ciommo,
Lo quale, essenno de lo Rè parente ,
De st'afficio le dette la patente.

Se fà chiammare lo Rè lo trommetta ,
E facennole chillo lleuerentia
Disse: Signore, che fare m'aspetta ,
Che mme commanna Vosta Reuerentia;
Lo Rè le disse: priesto mò và ietra
Lo commanno, ch'auante à mia presentia,
Passeno tutte sotto le bannere
Sordate, Capetancie, & Arfiere.

Ala ncorrendo lo trommetta iette,
Ietta lo banno; e beccote cà siente
Lontarantarantà de le trommette,
E se pigliano l'arme li valiente ,
Sotta la nzegna onnunno le mettette,
Et acconciano à tutte li sargiente,
Et azzò che la fila vaga à paro,
Vanno comm'à nauetta de telaro.

Hora

Hora ccà sì te voglio, io sò sforduto
Musa non faccio addoue dà la capo !
S'alo maro Restotele saputo
Disse: capeme tù, ch'io non te capo .
A dirè tanto songo no paputo,
Shioshiame arreto, cà si lo fenapo
A lo naso me saglie, affè de Marte,
Non passo nnante , e straccio mò le carte.
Vecco lo primmo, ch'è lo Segnò Cjanno
Hommo, che pote assaie, vezzarro, e bello,
Ch'à le femmene hà dato lo malanno
Criccuso ntrà li punte de doujelto ;
Haueua co' mattuto chiù de n'anno
Cò li Franchese, e fattone maciello,
Mà contrastanno non c'auanzaie troppo,
E n'è restato no tantillo zuoppo.

Chisto portaua li Napolitane,
Che de le foglia fanno grà strapazzo,
Sò languacciute, e longhe hanno le mane,
Mà maie se danno, e fanno grà scamazzo.
Songo tutte sordate veterane,
A la bannerà portano no mazzo,
De vuroccole, e sto scritto: *Ntra la panza
Haggio de la vettoria la speranza..*

Biafe pò secotaua, hommo nParnaso
Cresciuto , e becche fosse scuccio muccio,
Vale pe ciento, ed hà no gruosso naso,
Che turzo pare de foglia cappuccio;
Và ntonato à cauallo adaso, adaso,
Ncoppa de na chinea, scilicèt ciuccio,
E porta nò cemmiero cò na lanza,
Che donato nce l'hà lo Rè de Franza.

Gente,

Gente ch'isto portaua ardita, e franca,
 Che chiù de vraccia adoprano le mole
 De la Varra, e Serino, e tale allanca
 Io creò, che n'haggia visto maie lo Sole;
 Pe bannera hanno pò na pezza ianca
 Cò ruospe pinte, e scritte ste parole:
Nesciuno sulo pe bista decreta,

Cà ntrà sto brutto s'ascia nà gran preta.

Iollo appriesso veneua, ò ccà te voglio?
 Hommo ch'assaie presumme, e poco vale,
 Che ntrecàno se vace ad onne mbruoglio,
 Fà lo saputo, & è nò bestiale,
 Ch'esto sì, cà nce vole auto che d'ùoglio
 A la feruta, ch'isso dà mortale,
 Ca pate d'ùocchie, e quanno stà nzorfato,
 Tira proprio li cuorpe da cecato.

De n'aseniello ianco v'à à cauallo,
 Che bà de trotto, & hà na stella nfronte;
 Porta li Canaiuole, ch'all'abballo
 De Marte fanno chiù de Rötamonte,
 Li reuierze, e polere senza fallo
 Danno, e le bite fanno ire à monte;
 Portano ncampo verde n'aseniello,
 Co no mutto: *Ntrà l'erba io mi fò bello.*

Cola pò secoteia, e bà marfuso
 Io poueriello, cà lo crudo Amore
 Pe l'ùocchie non trasie conform'all'vso;
 M'pe n'autro pertuso ije alo core,
 Sentie cantare, e lo strale ammoruso
 Trasie à l'arecchia à darele dolore;
 E duie nemmice ntrà lo pietto dinto
 N'haue lo scuro Pouertà, e Copinto.

De

De n'aseniello nigro vaze nfella,
Cb'è nigro, comme hau'isso li crapiccie,
Penza, pocca lo tira la centella,
Comme da chella guerra priesto alliccie;
Sotto na nzegna carmosina, e bella
Porta ciente Romane foieticcie,
C'hāno no māzo, e iscritto à stampa d'oro:
La Pella, e Corna vale no tresoro.

No Ciccio vene appriesso, arrasso sia,
Comm'arraggiato stà, comme stà brutto?
Io creo, che le sia patria Schiauonia.
Quase lo Munno hà cammenato tutto;
Si n'auto, comme à isso nce sarria,
Lo nemmico sarria vinto, e destrutto;
Pocca quann'isso dà nguerra no corpo,
Pare che tenga li Demmuonie ncuorpo.

Vace à cauallo à n'aseno polito,
Ch'è Sardegnuolo; e puro Sardegnuole
L'hà de sordate Puopolo nfenito,
Che songo Procetane, & Iscaiuole;
Ogn'vno vaze vezzarro, & ardito;
Ncolore hanno la nzegna de viole,
Addò no fiasco nc'è de vino; e scritto
Sto mutto: *Chisto dà fortezza schitto.*

Veneano appriesso ciente Pezzolane,
Che portate l'hauea lo forte Rienzo,
Che tanto nguerra sà menà le mane,
Che pare, che le piglie lo descenzo;
Hanno pe corpo de mpresa no cane,
Ncampo, che de colore è de nascienzo,
Co sto mutto cacciato da no tiesto:
Simozzeco à quarch'uno arraggia priesto.
Masillo

Masillo Asciutto veneua lo reto
 Ncoppa no ciucciariello tutto fuoco,
 Mà l'hauea poste le spine dereto,
 Perch'era zuoppo, e cammenaua poco;
 Chisto vantaue d'essere poierto,
 E meglio cierto cà facea lo cuoco,
 Spera cò li soniette, e matrecale
 De fà ghì li nemice à lo spitale.

Chisto, ch'à lo valore era no Marte
 Facea votà le spalle à li nemmice;
 Mà commattenno ntrà na stretta parte
 Scardaie là lanza, e remmanie nfelice;
 Lassare già volea de guerra l'arte,
 Mà tanto dire seppero l'ammice,
 Ch'isso nce venne, mà primmo ioraie
 Non ghì de li nemmice appriessò maie.

Certa agente portaie da lo paiese,
 Ch'hanno grã core, e chiù grosse le trippe,
 Che le vanno le mano à tutte mprese,
 E de loro non è chiù che nne strippe;
 Chiste, pe sparagnarese le spese,
 Poco stimmano mazze, fune, e cippe;
 Ncoppa li maccarune ste parole
 Hanno: *Il simile sempre, il simil vuole.*

Veneno mò li Caualiere arrante:
 Hora mò Musa mia nforza la lena,
 Spriemmete, e à luce fà scire sti cante,
 Cà lo sacco cà tù sì grossa prena,
 Si mammana songh'io, non sò bastante
 à farete fegliare, apre la vena;
 Votta sù priesto gioia mia, che faie?
 Via cà l'ò figlio mascolo farraie.

Micco

Micco lo primmo fù sordato forte
 Viecchio oftenato, c'hà lengua, che taglia,
 Co stò sordato commattie la Sciorte,
 E ghiocanno restaie senza na maglia,
 Stà desperato, e puro cò la Morte
 All'ombre iòca, e de spata la faglia;
 Mà chiù la Vertù soia faria stemmata,
 Si non hauesse chiù lengua, ca spata.

Pe chella lengua appontuta, e mmardetta
 Onne sordato lo luoco le cede,
 Mà quanno chisto à quarch'vno carfetta,
 Pe penetentia nesciuno lo crede.
 Pare ch'à Momo paura le metta,
 Na lacerta à lo scuto se nce vede
 Cò la coda tagliata, e chisto nuouo
 Mutto: *Quanto me taglie, io chiù me mouo.*

Peppo, che la mogliere hauea lassato,
 Venette appriesso à fare lo maciello
 Guappo, bello, galante, e aggratiato.
 Sulo lo sconcecaua lo scartiello.
 Portaua largo scuto nnargentato
 Co no Gammillo pinto, e stò cartiello,
 Che le fece vno de grà sonnamiento:
Chisto hauuglio me dà chiù ornamento.
 uccio appriesso venea, no Poetaccio,
 Che non cedeua alla Musa marina,
 Che de li liure nne facea scafaccio,
 Poeca tutte l'haueua à la cantina;
 Propio d'arraisso haueua lo mostaccio,
 E fà de li nemmice ielatina,
 E porta ncampo russo no pegnato,
 Co stò ditto: *Sò buono, mà affemato.*

Vene

Vene appriessò Tittone, e chistò nproua
 E' lo chiù foreiusò, e grà smargiaffo,
 E schitto ch'isso na manzolla moua
 Farria suì n'Orlanno, e no Gradasso,
 Dinto la guerra fà, che sango chioua,
 No cannone non fà tanto fracasso,
 Quanto nne face chella scemmetarra
 Quāno l'hà nmano, che maie cuorpo sgarra
 E auto de perzona vinte psrme,
 Hà mala lengua, e russo male pilo,
 Quann'isso parla, se vanta, vh quant'arme,
 C'haue mannato de la spata à filo,
 Chi scapezza, chi squarta, e nmiezzo all'
 De mille vite isso stroppea lo filo, (arme,
 Porta à lo scuto na Vallena, e ferine
 Che sta settentia: *Me v'agliotto viue.*
 Cola Iacouo pò mmitto sordato
 Se vede appriessò lo luoco accopare,
 Ch'ala guerra è accossi sproposetato;
 Comm'è sproposetato à lo parlare;
 Porta lo scuto, ch'è miezo ncarnato,
 E miezzo giallo; e nce fece pettare
 No Pappagallo, e sto mutto tremenno:
Io parlo, e zò che dico, no lo ntenno.
 Cicco veneua appriessò, e Tonno, e Antuono,
 Huommene tutte de la maglia antica,
 Che fanno chiù fracasso, che no truono,
 Quanno hanno à fronte la gente nemmica
 Mineco, Pizo, e Cienzo stanno ntuono,
 C'hanno no core quanto à na formica,
 Peppo, e Razullo ala guerra azzelliente,
 Masillo, Ciullo, e Titta lo valente.

Nce

Nce sò duie autre Tonne, e n'autro Lollo,
 E nce ieuva nfrà chiste la sia Rita,
 Che l'arme puro s'hauea paozte ncuollo,
 Et è venuta à guerreggiare ardita
 Remmedio d'Ascolapio, ne d'Apollo
 N'abbasta quanno dà chesta ferita,
 E' cierto c'hà chiù huommene squartate,
 Che no la Pasca piecore, e crastate.
 E' balorosa, & è chiù bella assaie,
 Solamente la guastano li diente
 Chella, pe quale Troia s'abbrusciaie,
 A chesta scrofa n'assemeglia niente,
 Hà na bella facciuzza verdeuaie,
 Hà n'ùocchio, che de gatta è chiù lucènte,
 E grassottella, e no poco chiantuta,
 E arrescemezia à Tolla la Nasuta.
 Essa steua spannenno la colata,
 Ch'era iuta à lauare à le Padule,
 E mentre à n'auta banna stea votata,
 Arròbbate le fuieno duie lenzule;
 Essa strellanno, comm'à sferetata
 Seppe cà fuieno duie canzirre mule,
 Essa s'armatte, e chille pe paura
 Foiettero d'Agnano into le mura.
 Lo Rè de llà, c'haueua de sti sordate
 Besuogno, l'azzettaie dinto la Terra,
 E becche Rita l'hauesse cercate,
 Issò de chille la defesa afferra:
 Rita perche le bo vedè scannate
 Pigliaie la spata, e benette à la guerra;
 Porta na scrofa, e scritto uc'è à lo scuto,
Voglio mennetta di chi m'hà feruto.
 L'vtemo,

L'vtemo, che benea de chesta scheta
E' Smafara, che n'hà legge, ne nfede,
Se vaueia, è zeilluso, & hà na cera
Proprio de n'huorco, & hà zuoppo no pe-
Lo negrecato perche ghije ngalera (de,
Perdiè n'ùocchio, e dell'auto poco vede,
Non sà parlare, e pe direla nfine,
E' lo retratto d'arrobba galline.

Mà de la guerra pò, niente te dico,
Nouantanoue nne vole isso sulo,
Chisto sulo spauenta lo nemmico,
E accrauaccato và ncoppa à no mulo;
De la vattaglia s'ascia ad onne ntrico,
Ne stinna lo contrario no cetrulo,
Porta sto scritto ncoppa de no puorco:
Puro stemmato sò becche sò spuorco.

Stette tutte à bedere Tartarone,
E pò, che fò passata sta marmaglia,
Ncàpo le venne na tentatione
De ghire isso perzine a sta vattaglia;
Iette nnante ali piede à Foreione,
E nghienocchiato: becche niente vaglia,
Disse: me t'offeresco ò Rè mio brauo,
Io Tartarone songo, e te sò schiauo.

Tanno lo Rè le tenne mente nfaccia,
E disse: o potentissimo sordato,
E nchesto dire lo vasa, e l'abbraccia,
Llebrecanno chi ecà t'haue portato.
Mò lo nemmico contra à me zò faccia
Che bole, c'haggio sto grann'homo à lato:
E Tartarone lo stato nfelice,
C'hà passato, le scopre, e accossì dice.

O Rè

CANTO PRIMMO.

23

O Rè mio, tù saie buono cà partie
Da Napole, ca diebbete nc'haueua,
E nTermene nSecilia me ne ghije.
Addoue arreposare mme credeua;
Mà lla nfruscie chiù triste nce patie,
Pocca all'aute cauzune mme nne icua,
Si non decea lo Miedeco mut'aria.
Ca chella de Secilia t'è contraria.
Stette nò poco buono, e me mmarcaie
Pe ghi nZardegna à trouà li pariente,
Mà venne na borrasca, e mme portaie
Lo viento tristo a n'Isola cocante,
Io llà ncoppa Vorcano nce trouaie.
Che disse: mpoppa mò piglia li viente.
Subbeto io l'obediette resoluto,
Et ali piede tuoie songo venuto.
Mò vego, cà li Dieie songo coiete,
Disse lo Rè, & aiutà me vonno,
Mò sti sordate, c'hanno na gran sete
De sango, satorarese se ponno,
Voglio d'Agnano à le gente ndescrete
Cò li tammurre rompere lo suonno;
E ammico, tù che à chello sì bastante,
Capo sarraie de li sordate arrante.
Nchello vennero à scì li sportegliune,
Cà già era notte, e sceuano le stelle,
Lo Rè lecentiaie l'aute Batune,
Che se ieffero à nchire le bodelle;
Cò Tartarone pò ali pauegliune
S'abbiate contanno cose belle;
E pò ch'ogn'vno à dormire se mise,
Sen zonna guerra, sango, e gente accise.

Scompetura de lo Canto Primmo.

44
D E
L' AGNANO
ZEFFONNATO

CANTO SECVNNO.

ARGOMIENTO.

*Vace à lo Rè de suonne la Paura,
E co no tristo vada lo Rè d' Agnano,
Vista de la moglie la fegura,
Fà conziglio arraggiato comm' à cano,
De le Turre se pigliano le mura;
Smasara, e Rita veneno à le mano;
Peppo co Ciommo, che se desfedaro,
L' uno nterra è agliottuto, e l' auto à maro.*

CANTO SECVNNO.

N Coronata de rose, e de papagne,
Che de scarlato haueua la gonnella,
Colorenno de minio le montagne
NCielo veneua à scì l'Arba nouella;
S'allegrauano tutte le campagne
Veneno essa scornola, e rossolella,
Mentr'erue grelleiauano, e sciurille;
Rescegnuole cantauano, e Cardille.

Quanno

Quanno scetaiese la brutta Paura,
Che sempre tremma, ed è na scura vecchia,
Essa haue ncuollo na grossa armatura,
Et à foijre sempè s'apparecchia,
S'essa sente parlare pe fortuna,
Pare c'haggia magnato felechecehia;
Lo nigro cuollo maie le stà coieto,
Pocc'essa sempe tene mente arreto.
Egliatose co essa lo sospetto,
E lo penziero, e la malanconia,
La basca, co la zirria, e lo despietto,
L'ira, e lo tremmoliccio, arrassio sia!
Pe tromentà n'addolorato pietto
La paura co chiste fà la via,
Penzano nprimmo, e resolute vonno
I propio into la grotta de lo Suonno.
Face lo Suonno addò sempe nc'è scuro,
Addò sèpe nc'è notte, e maie nc'è ghiurno,
Nce sò doie portè nnante de lo muro,
L'vna de crestall'è, l'auta de cuorno.
Nc'è no Palazzo de crestallo puro,
Addò vanno facenno no taluorno
L'Ascie, e le Coccouaie; e nuarie forme
Mille Suonne nce stanno, e ogn'vno dorme.
coppa no lietto muollo de vammace
Lo lloro Rè d'adduobbio ncoronato
De galiere è bestuto, e se stà npace,
Ronfanno comme fosse no scannato.
Smorfeo, e Tatone de na banna stace,
E Fantaseo, e Tarasseo a l'auto lato,
Sulo remmore fà, mentre reposa
Lo sciummo, che scordà face onne cosa,

Lo scetaie la Paura , e se sofette
Lo pueriello tutto sorreiuto,
Ferma, non te partire, le decette ,
La Paura, ch'io ccà vengo p'aiuto ,
Ma mentre essa parlaua, isso se mette
A dormire de nuouo; e n'hà sentuto
Chello, che la Paura le contaie,
Tanto, ch'essa de nuouo lo scetaie .
Che Deia schence vuoie, la capo rutto
M'haie, lo Suonno le disse, e se losie.
Io da te Suonno lo chiù Suonno brutto,
Le disse chella, voglio che mme diè ,
Tanno lo Suonno tenne mente tutto
Lo Puopolo de Suonne , e nne sceglie
Lo chiù nigro, e le dice, e capozzea :
Vattenne priesto co sta brutta Strea.
Chisto, ch'era de sango tutto chino,
Ed' hauea de Ceuettola l'ascelle ,
E bommecaua tutto lo venino
De sierpe, sollemato, e cantarelle ;
Chisto, che ntrà li Suonne pe Destino
Sempre sole portà triste nouelle ,
Nfacce a Hipparco lo sango le iettaie ,
E c'haueua a morì le gnefecaie .
Chisto pegliaie la forma de Creonice,
Che Pausania stropaie, è pò l'accise,
E nghiodicio chiammaie chillo nfelice,
E de la morte soia dettele auuise ;
A Gracco puro cà da li nemmice
Acciso restarria paura mise ;
A Cassio, che dormea dinto a lo muollo
Disse: tagliato te farrà lo cuollo .

Ad Asteiage, & a Creso comparze,
 Et ad Asterio Ruffo lo Romano,
 Ad Arcebiade, à Lucio Silla apparze,
 Ad Amircaro puro a muodo strano.
 Chisto apparette, quanno Troia s'arze,
 Na notte nante a lo grà Rè Troiano;
 Nzomma sto Suonno è accossi bestiale,
 Che de sango, e de muorte è lo nze gnale.

Co' chisto Suonno schiecaièno l'ascelle
 La Paura, cò tutte li compagne,
 E perche delo Munno sò rebelle
 Nfettaieno de venino le campagne,
 Seccattero perzì l'erue nouelle,
 Scorzero sango li sciumme, e li lagne,
 Cadettero le rose, e le beiole
 A tale vista, e se scoraie lo Sole.

Subeto s'abbiajeno verzo Agnano,
 E trouaieno dormenno Rotamarte;
 Rotamarte, che hà lo sceltro nmano
 D'Agnano, che de guerra sape onn'arte;
 Forte ronfaua; quanno chiano, chiano
 Trasie lo Suonno, e misose a na parte,
 Da ll'auta se nce mese la Paura;
 E subeto motaie forma, e fegura.

De lutto ncuollo se stese no manto,
 E nbella straformaie la brutta cera,
 Ed haueua lo pietto tutto quanto
 Nsangueneiato, e na feruta nc'era;
 Da l'ùocchie facea scire nò gran chianto;
 E ghiusto assemegliaua a la mogliera,
 E mpaurenno a chillo hommo feroce,
 Lettaie no strillo, e pò sciouze la vòce.

Rotamarte lo tiempo è già venuto,
 Che lo Cielo de me farrà mennettà,
 Sto core affritto, sto pietto feruto
 Sulo da Giove la Iostitia aspetta.
 Si pe tè songo ionta a lo taxuto,
 Mò propio trouarraic chi te carfetta ;
 Sacce, deuentarrà no lago Agnano,
 E tu Mallardo dinto a sto pantano.
 Lo tremmoliccio le mese a lo core ,
 Le mpizzaie ntrà la capo lo penziero,
 La basca le trasette, e lo dolore ,
 E ghiette l'ira ntrà lo pietto autiero;
 Vedenno Rotamarte heppe terrore
 Sto brutto suonno, che parzele vero ,
 Voze parlare, e lo mantol l'afferra,
 Ma strenze ombre, e cadie zuffete nterra.
 A la caduta de lo lietto forte,
 Se scetaie lo scur'isso pauruso ,
 Penza a chelle ammenacce, e de la morte
 Chiù tremma , che de l'auto temmoruso.
 Chiamma subeto, ò gente, olà de Corte?
 Corre lo Cammeriero comm'è l'vso;
 Ma lo Re niente a chillo voze dire,
 Ma semmolanno fecese vestire.
 Scette ala Sala, e se fece chiammare
 A Popa, c'hauera nomme de Ianara,
 Dinto a no cammariello reteraro
 Se voze, e le contaje la storia amara .
 Mmitto Rè, cride a mè , non dobetare,
 Crìde a la scientia mia fammosa , e rara,
 Le disse Popa, non c'hauere fede ,
 Pocca è no pazzo chi a li suonne crede.

Lo Rè cò ch'èsto manco se coietta,
Cà lo penziero le deua tromiento,
Lo sospetto, l'arraggia, e lo ncoietta,
Tanto, che lo nigr'isso n'haue abiento.
Già schiatta, ne tenè pò chiù secreta
La causa, che le dà sto frosciamiento;
E sto leione fattose coniglio,
Ordena, che s'agune lo Conziglio.
Vennero tutte quante li Barune,
Ch'a Rotamarte steuano soggette;
Et a la sala nmiezo a duie liune
De lo grà Rè lo trono se mettette.
Erano aunite tutte le perzune,
Quanno, che Rotamarte se sedette
Ncoppa la seggia miezo nzallanuto,
Tutto penziere, e tutto ncepolluto.
Nmano ha lo sceltro, e ncapo la corona
Haue sbroffata d'oro macenato,
Pocca se stette zitto onne perzona
Disse accossì, dapò c'happe penzato:
Fammosa gente mia, che sempe bona (to,
Fusse nguerra, e chiù d'vno haie stroppeia-
Pocca ntrà li penziere io sò sperdutu,
Io ve cerco conziglio, e boglio aiuto.
Moglierema sta notte m'è comparza
Cò la feruta, ch'io le dette mpietto,
Tutta la vita hauea de sango sparza,
E mme disse accossì cò grà despietto:
No sperà Rotamarte, che fia' scarza
La grà mennetta, che de te nn'aspetto;
Sarrite, e cride a mè non sarrà tardo,
La Cetate Pantano, e tù Mallardo.

Sto tristo suonno manco mme sbauenta,
Cà n'haggio core accossì peccerillo;
Ma sulo è chello ohimmè che me trômêta,
Cà mme vò assedeiare no verrillo.
La Sciorta cierto non era contenta
de stratià st'assritto speretillo,
Facennole da chillo fare guerra,
Me commatte cò suonne into la Terra.
Quanno lo Rè scompie, no grà besbiglio
Sentiste fare ntra chille Barune;
Iusto comme se sente a lo Conziglio,
Quanno vanno a chiaitare le perzune;
O comme quanno nc'è quarche greciglio;
O comme sempe fanno li vèspune.
Ma da la seggia no viecchio s'auzaie,
E tutto lo remmore accoietaie.
Chisto era tutto ianco, e na cocozza
Era la capo, e la moletta haueua,
hauea l'acchiaro, e ncaana hauea la vozza,
Manco nmocca no dente nce teneua,
Era chiamato lo Dottò Scatozza,
E lo Donato a la mente sapeua;
Tossie, rascaie, l'acchiaro se mettette,
S'acconciaie la caionza, e pò decette.
Grà Rè, gran Capetanio, e Sordatone,
De chi pe mille vale la manzolla,
Che ntrà li Campe fa destrozzeione,
Massemamente addoue nc'è chiù folla;
Se te mette paura Foreione,
Pocca le gente noste accide, e zolla;
Se de mmestere n'haie forza cò tico,
Io te conzeglio a faretillo ammico.
Nufrio,

Nufrio, ch'a chisto viecchio apprieffo fede,
Ianco iffo puro co le masche roffe,
Sosì se voze; ma perche ali piede
Nc'haueua la pelagra non se mosse;
Puro disse strellanno: senza fede,
Che nce conziglie? non saie, ch'a le fosse
Vò ghì chiù priesto sta famosa gente,
Che mostrà non hauè core pe niente.
Peppone de lo Rè figlio chiù caro,
Nufrio, le disse: cierto c'haie ragione,
Che se crede ffo viecchio pedetaro
Ca n'abbasta a commattere Peppone:
Io puro voglio fà ncampo no Maro
De sango, anze lo stisso Foreione
Voglio ncampo chiamare pe bedere,
Si ncontra de sto fusto iffo ha potere.
Saccio, disse lo Rè, cà tù sì buono,
E mmieste nguerra, ed haie la capo tosta,
Ma si nguerra tù puoie chiù de no truono,
Ll'autè ponno seruire pe sepposta:
Si cade tù, cade perzì sto trono;
E Peppone chiù russo de ragosta,
Sentenno, ca lo Patre haue zò ditto,
Se zezzaie a la seggia, e stette zitto.
Ogn'vno lo parere suio pò disse,
E commattere vò la meglio parte,
Ogn'vno dice, ca farrà d'Aulisse;
Ogn'vno crede de scacà no Marte.
Lo Rè ch'ogn'vno ntese, nzomma scriffe
A cierte ammicc snoie deuerze carte,
Cercannole foccurzo, e quarche armata;
E bò, che Peppo porte la mmasciata.

Ierta lo hanno pò, ch'ogn'vno allesta
Li scute, li lanzuottole, e bannere ;
Pèrche bole vedè da la fenestza
Passare tutte quante le soie schere:
Chi s'acconcia la spata, e la valesta,
Chi s'arrepezza l'arme, e le schenere,
Siente rommure d'arme senza fine,
E fanno tuppe tù li tammurrine.

Nchesto s'haueua già Rè Foreione
Chiammate tutte li sordate antiche;
Pocca già de pegliare se despone
Chella matina le turre nemmiche;
S'afferìe lo primmo Tartarone,
E ll'autre pò faceano comme a piche,
Che pe se fa vedè cà sò perfette,
Vonno a sta mpresa tutte essere aliette.

Ma lo Rè boze, che sulo l'arrante
Iessero pe peglià l'antiche Turre,
Onne smargiassò s'arma nn'vno stante,
E le trommette sonano, e tammurre.
Abbraccia a Tartarone lo Rè nnante,
E disse, ammico sù, priesto và curre;
A te sulo è saruata chesta gloria;
Và chianza lo Stannardo de vittoria.

Tartarone a lo Rè fece no ncrino,
E se ne iette cò li mmitte Aruoie;
Ogn'vno de valore stace chino,
Ogn'vno vò tozzà comme a lo voie.
Primmo a la Torre de miezo cammino
Lo Capetanio le gran forze soie,
Mostare cò grann'anemo descorre,
E mette asseddio a tuorno de la Torre.

Pe primmo le mannaie le trè mmasciate,
 Si rennè a isso se voleano a patte;
 Ma loro le resposero arraggiate:
 Commattere volimmo azzo nne schiatte;
 Vonno, isso dice: cierto hauè mazzate
 St'huommene valoruse, che sò matte,
 Assautammo sù, dice, e nchesto dire
 Onne sordato se mette a saglire.
 Chille d'Agnano stanno a la defesa,
 E tirano pretate, e caroselle;
 Ma chiste ccà, pe bencere la mpresa,
 Pareuano c'hauessero l'ascelle.
 Na preta a Lollo la capo le pesa,
 E fece a Titta scì le celleurelle;
 Ma Lollo cò na frezza a Spinaronte
 Le couze iusto nmiezo de la fronte.
 Uccio saglienno: ah cornute vegliacche
 Deccua, e ncapo se tenea lo scuto,
 Figlie de tore, e ghienimma de vacche,
 Male pe buie io songo ccà venuto.
 Quanno sentette fare tricche tracche
 A la scala addou'isso era sagliuto,
 Pe non cadere a la scala s'afferra,
 E zuffete cadie de culo nterra.
 Tonno na scala de cinquanta parme
 Se piglia nmano, e l'appaia a le mura,
 Lo scuto nnauza, e disse nfrà ch'est'arme
 Lo core chiù se grolia, e n'ha paura:
 Ncoppa lo scuto haueua diece sarme
 De prete, e de sagli perzi precura;
 Ma Vufaro la scala tanno arrassa,
 E Tonno cade, e tutto se sfracassa.

Micco teneua nmano na bannerà,
Ed era sopra la Torra sagliuto ;
Li nemmice vedенно chella cera
Foieuano, strillanno: aiuto, aiuto.
Tronto le resesteua, e isso s'era
A no miergolo appiso ntrattenuto ;
Quanno nce venne llà lo grà Scarfascio,
E lo fece cadè zuffète a bascio.
Tittone de galera co doie ntenne
Fece na scala, ed a sagli accommenza,
Quanno volanno na preta le venne,
Che lo lassaie quase de sienze senza.
Ma becche a bascio vrocioiranno scenne,
Torna a saglire cò chiù biolenza,
Ed haue tanto core, e tanto ardire,
Che bole proprio vincere, ò morire.
Comme chi sole ontato de sapone
Sagli lo Maio, e desprezzà la vita,
E pe guadagnà sulo no cianfrone,
Cerca la morte, e la sciorta nterrita;
Accossì ogn'vno becche fuie potrone,
Caduto ch'eie, cò chiù boglia ardita
Torna a saglire, e chiena è già la fossa
De muorte, e fango, e de ceruella, e d'ossa.
Anema Rita li sordate, e nzegna
Lo muodo de saglire, ed essa piglia
Na scala longa, ch'era de vennegna,
Ch'a li nemmice fece arcà le ciglia.
Da l'Arfiero se piglia pò la nzegna,
E pare che de Gioue sia la figlia,
E co tal'armo sagliette a la Torre,
Che lo iaio pe l'ossa a ogn'vno scorre.

Tar-

Tartarone dapò da l'alta banna

De la Torra arreuato è già a la cimma,
Chi scapezza, chi smasara, e chi scanna,
Tanto ch'ogn'vno no Marte lo stimma;
Ogne nemmico tremma comme a canna,
Perche haue nmano de la Morte grimma
La fauce, e tanto che maie nò scennette,
Che non accise pe lo manco sette.

Resistere non ponno li nemmice,

Vonno foire ma non fanno addoue;
Cadeano da le mura li nfelice.

Iusto iusto comm'acqua quanno chiove;
Chi la contraria Sciorta nne mmardice,
E chi chiamma nn'aiuto Marte, e Giove;
Ncoppa a la Torra Tartarone arriua,
Mpizza la nzegna, e grida viua, viua.

Ed a lo stisso tiempo la sia Rita

Ncoppa la Torra mpizzaie lo stannardo;
Ogne sordato desprezza la vita,
E saglie ncoppa a fare lo mmasardo.
Ma Rita scese: ò veramente ardita?
Menanno chillo fierro assaie gagliardo,
E ghiette a bascio ad aprire le porte,
Strellanno: sango, fratie, guerra, e morte.

Traseano li smargiasse comme a laua,

E ghieuanu attaccanno li sordate;
Ma no giouane brauo contrastaua
Le stantie azzò non fossero pegliate,
Ntrà li nemmice la spata menaua,
E chiù de diece nn'hauea stropperate;
Quanno ccà Rita venne, e se nne spanta,
Ca vede a vno contra de cinquanta.

Sù fermateue, dice a li valiente,
Non affennite chiù sto Cauallero;
Riennete a mene ò giouene potente,
Ca si vuoie contrastà si no sommiero;
A te, disse, mme renno, e rreuerente
Le diè la spata, e leuaie lo cemmiero;
All' hora Rita nce perdie lo core,
Ca chillo sott' all' arme era n' Ammore.

Ma Smafara, c' haueua contrastato
Isso lo primmo co lo gioueniello,
A Rita disse: io m' haggio guadagnato
Chisso, nè tù puoie vèncere st' appiello;
Rèspose Rita: facce de crastato,
Hora chësto mò sì ca sarria bello?
Isso pe cortesia a mè s' è riso,
Pocca a chëst' hora tù sarriessè acciso.

Non tè credere segnà Sordateffa
De te fa ricca co la robba d' auto,
Disse Smafara: e tanno rëspose effa:
Tienre chi mme vò fare lo smasauto;
Viene ncampagna sù vocca de sguessa,
E nchësto dire scette de no sauto,
Smafara le và appriessò, e pe na via:
Iettero dinto de na massaria.

Chiude la porta dapò ch' è trasuta
Rita, azzò che non benga nullo appriessò,
E botatose a chillo resoluta,
Sù via, le disse, c' haie da morì ciessò,
Smafara caccia la spata appontuta,
Ca lo spengeua a chësto lo nteressò;
Vanno a la guerra tutte duie costante,
L' vno, ch' è nteressato, e ll' auta ammanante.

Neoppa

Ncoppa de lo cemmiero nà gran botta
Rita à Smafara dette, e lo sfordie ,
Torna nse sfisso, e de la zizza sotto
Smafara à Rita doie deta coglie:
Lassano l'arme, e beneno à la lloffa;
Ma Smafara, che zuoppo era, cadie,
Mà ala mpressa se sosc da la Terra
Piglia la spata, e tornano ala guerra.

Ntrà sto mentre hauea ditto no Sordato
A Tartarone delo grà doniello,
Iffo à no pazeaglione carcerato
Subbeto nne mannaie lo gioueniello,
E à l'ancorreno lla se fù abbeiato
Co Tonno, e Cicco, cò Rienzo, e cò Lello,
Sapenno addò faceano à costeiune
Scaffaie la porta, e le mannaie presune.

Lo Rè d'Agnano ntanto stea facenno
Dinto de la Cetate già la mosta,
E passa nprimo Mase lo tremmenno,
Che n'auto paro non haue à la ghioffa,
Anemo à li Sordate và facenno ,
E no grann'armo, e no gran core mosta,
N'ainiello haue pe nzegna, e duie craftate,
Ed hà d'Agnano dui milia Sordate .

Veneua appriessio Pacicco lo brauo ,
Ed ha seiciento Sordate valiente,
Che songo de Chianura, e de Soccauo ,
E che la vita sfimmano pe niente;
Chisso Pacieco figlio era de Schiauo ,
Mà à la guerra rescie troppo azzellente,
Và iffo, e bà l'aggente tutta allegra
Ed hà pe nzegna na recotta negra.

Ca-

Carella haue la gente de Marano,
 Che songo quattrociento fante à pede,
 Porta pettato nmiezzo de no chiano
 Coli mborzune de fico no pede.
 Lillo pò co le gente d'Antegnano
 Lo luoco appriesso accopare se vede,
 Che songo mille, e ncampo verde cupo.
 Porta n'ainiello nmocca de no Lupo.

Veneno appriesso pò Stracqua, e Schiroffo,
 C'haue trè milia Sordate de Quarte,
 E secotaua pò Ncicco lo gruosso,
 Che la Zappa lassaie pe fare st'arte:
 Veneua Ciullo cò grann'arme adduosso,
 Che de tutte li guappe è capo parte,
 E porta ncampo gente veterana
 Cona campana, e songo de Campana.

Haueua appriesso da passare ancora
 Cesaro, ch'era ncegnuso, e saccente,
 C'hauea raccuoto solamente à n'horà
 De Marianella, e Polleca la gente;
 Hauea da secotare Lanzafora,
 Che portaua Sordate chiù baliente, (chia
 Che sò l'arrâte, e nfrà ll'autre nc'è Arrocc-
 Grà nemmico de Rita, cò Scartocchia.

Quanno chiagnenno Vufaro trasie
 Tutto chino de sango, e stroppeiato,
 E à lo Palazzo de lo Rè venie
 Decennole: sio Rè sì arroienato,
 Fanno li nuoste nemmice resie:
 Vecco le Turre s'hanno già pegliato,
 E Tartarone de chiù raggia chino
 Pegliaie la Torra de miezo cammino.

E muor-

E muorto ahimmè rommaso Spenaronte ,
 Scarfascio hà hauuto puro male iuorno ,
 Rita de cuorpe muorte fice monte ,
 Becche cièto nemmice haggia d'attuorno ,
 Trippa, rutto sentenno se lo fronte ,
 Se iettaie zuffè à bascio pe grà scuorno ;
 Mà chillo, che fà chiù destrozzeione
 E lo forte , e balente Tartarone .

Io contà non te pozzo, ò Segnò Rè
 Quanta ne strippa, à quanta morte dà ,
 Nfilà à no corpo pe lo mancò trè ,
 E isso sulo chiù de mille và ,
 Pare, che fosse à tiempo de Noè
 Cà lo delluio, à lo vraccio chist'hà ,
 Crego cà Achillo comme à isso fù ,
 Aseno songo si nce ntorzo chiù .

Sentenno Rotamarte chist'auiso ,
 Comme à chillo restaie, che sente noua ,
 Che lo poscraie deue essere mpiso ,
 Entra lo core grà dolore proua ;
 Fattose giallo, e scoloruto puiso :
 E possibile, disse, ohimè che chioua
 Le desgratie à mè forte sinestra ,
 E de guaie sò na chiaueca maestra ?

Commenza à fà no triuolo vattuto ,
 E chiagne cò lo Rè tutta la Corte ,
 Onne Sordato è d'anemo perduto ,
 E se scicca la facce, e strilla forte :
 Hauerriano le femmene sfurduto
 Le prete, pocca temmeno la morte ,
 Pe tutto Agnano se senteno strille
 De femmene, de vecchie, e peccerille .

Mà Lanzafora Capetanio mmitto

Disse à lo Rè; ed accossì te pierde?

Lo chianto tuio fà stà stò Regno affritto;

E puro la speranza ancora è berde,

Pare, che singhe n'hommeniello guitto,

Pocca dinto à li guaie te ntriche, e spierde,

Torna ntè stisso, lascia lo dolore,

Armonce vole, ò Rotamarte, e core.

Peppo già s'è partuto pe Maiure,

E aiuto portarrà, che sto lo faccio,

E farrà de sti guitte tradeture

Chillo puopolo mmitto grà scafaccio.

Non te perdere, ò Rè, ntrà li dolore,

Confida, hagge speranza à chisto vraccio,

Ch'io mme confido nguerra Foreione

Acciso de portarelo, ò npresone.

Cò che sto mancò lascia lo sciabbacco

Lo Rè, mà và cadenno nzallanuto, (co?

Decéno: ò che bregogna. ohimmè, che smac-

O bell'Agnano nno, t'haggio perduto,

Và strellanno, e decenno, ò grà Dio Bacco,

Tù mme protiegge, e non me duone aiuto,

E nzorfato è accossì lo Rè d'Agnano,

Come quanno mbreaco stà Troiano.

Troiano, quanno lo vasciello, è chino

Sbruffa, haue l'uocchie ruffe, e bà cadenno,

Piglia tabacco, e bommeca lo vino,

E spreposete sempre và decenno,

Nmeste à conca le vene da vecino,

E catubba catubba và facenno,

Ntroppeca, e fà palillo ad orza, e à poggia

Rotamarte accossì và pe la loggia.

Ma

Mà lassammolo nuie stare marfuso,
E tornammo à Ritella carcerata,
Che stace cò lo core addoloruso,
Pocca la pouerella è nnammorata,
Lo sperone c'hà npietto, ch'è ammoruso
La fà trottare comm'à speretata,
Mà tanto n'hà dolore de le pene,
Quanto cà lontan'è chi vole bene.

O bella facce mia (la pouerella
Steuà decenno) e comme non te vego,
quale tristo chianeta, ò quale stella
Azzò, che me te mosta io scura prego;
Quanno vediette chessa facce bella
Me scippaste lo core, e cierto crego,
Che fù no suonno, cà te vidde appena,
E pe no suonno senco tanta pena.

Che suonno sto mbreaca? ohimè fò beglia
Lo bedere stà facce ianca, e lùsta;
Tanto ch'Amore mme dace la veglia,
E cò li lazze m'attacca, e me frusta;
Chella facce, ch'Ammore arresfeme glia
Pecche da mè l'arrasse, ò sciorta nghiusta,
O giòia mia, ò negra sciorta auerza,
Appena te vediette, e t' haggio perza.

Manco conciesio m'è comme se chiamma
Sapere chi npotere haue sto core.
Ed a che punto me fegliafte ò mamma,
Pe mme fare abbrosciare ntrà st'ardòre?
Mara mè, cà me sò scoperta à ramma,
Quanno sprezzare me credeua Ammore.
Accossì stà chiagnenno Rita bella,
E se scicca, rascagna, e se sceruella.

Mà

Mà nuic tornammo de lo Rè a lo figlio,
Che già d'Agnano hauennose arraffato,
Pe n'essè canosciuto iea n'zenziglio
Cò lo brocciero, e cò la spata a lato;
Iea guatto guatto comme a no coniglio,
Tanto ch'à la marina fò arreuato,
E na galera lesta nce trouaie,
E da la Terra subeto sarpaie.

Mentre pe Mare vace cammenanno,
E da la Terra d'Agnano s'arrassa,
Parea, che ghieffe la varca volanno,
Tanto ch'erano già vecino a Massa;
Mà Ciommo, che galere stea concianno,
Vede la varca, che lontano passa;
Ciommo, che bà pe ciento cò la spata,
Ch'era lo Cennerale de l'armata.

De Foreione è frate consoprino
Ciommo, e tenette mente a la bannerà,
E bette quanno steua chiù becino,
Cà la nzegna de vruoccole non c'era;
Vierzo de chella pegliaie lo cammino,
Trouannose alle stuta na galera,
Et tanto fece terare palata.
Che quase la Galera haue arreuata.

Peppone disse: chesto nce volea,
Pe mme fà ntrattenere lo veiaggio,
Vengano l'arme sù, priesto, che bea
Chisto verrillo, chello che farraggio;
E tutte l'arme nchesto se vestea,
Ch'apparecchiate l'hauera no paggio.
Ciommo perzine se facette armare,
E benno le galere a contrastare.

Se fecero na sarua de saette,
E se mmeftieno pò cò li sperune,
Tirate Ciommo na frezzata, e ghiette
Nfilanno pe fi a cinco sordatune;
Mà Peppo stroppiajene passa sette
Cò pretate, e li meglio smargiaffune;
De fango tutto se tegnè lo maro,
E le galere nfine s'abbordaro.
Se ieano danno fuoco, e nzanetate,
Lo fummo facea commo a na montagna,
Mà lo vanno astutaanno li forzate,
E chi fuie, chi perde, e chi guadagna;
Cierte mostà se vonno da sordate,
Mà quarc'vno lo cuoiero, se sparagna.
Nc'è de tamurre, e de trommette fuone,
E fanno facce l'huommene chiù buone.
Peppo menaua chella grà spataccia,
Che parez propeio, che metesse grano,
Chi accide, chi scarpisa, e chi scafaccia,
Ne tira cuorpo maie, che resta vano,
Da isso ogn'vno votaua la faccia,
E crede hauere la vittoria mmano,
Quanno sente ch'a proda fà fracasso
Ciommo, ch'è no terribele smargiaffo.
Nò stemmaua lanzuottole, e spontune,
A chi spacca, a chi squarta, a chi scapezza,
De li chiù baloruse sordatune
A chi dà npietto, a chi la capo spezza,
Peppo le strilla: eilà piezze d'Anchiune,
Oie Mammalucche, ò huómene de pezza,
Sperate de foijre a quale lide?
A lo manco vedite chi v'accide.

Pegliata de Peppone è la Galerà,
Iſſo lo ſente è ghietta nò grà ſtrillo,
Vede a baſcio cadè la nzegna autera,
E dice: iente me vence no chiattillo,
vede de lo nemmico la bannera
Nnauzare, e zompa comme foſſe grillo,
E crede Ciommo de fà iì da ſotta,
Tirannole a lo pietto nà gran botta.
Ciommo lo ſcanza, e ſe face da banna,
E le reſponne, te pigliate cheſſo,
Teranno no ſcennente, e comme a canna
Peppo chiegaieſe, ò comme no ceprieſſo,
S'auza de nuouo, e nuouo cuorpo manna
A Ciommo, e Ciomo le reſponne apprieſſo,
E dice: non t'arrienne, cà vuoi fare
Da cannela che luce a l'aſtutare.
Non ſi tù, dice Peppo, mà li Dieie,
Che mme sò contra, e li ſordate tuoie,
Che ſi potruno sò ſtate li mieie;
Sulo de cheſto grolia te puoie,
Commattimmo nuie ſule, e ſi tù rieie
Contra de mè, vantà da pò te puoie;
Mà ſi mò contr'a mè la meglio nn'haie,
E pecche meglio accompagnato ſtaie,
Puro fuorfece, fuorfece vuoie dire,
Le diſſe Ciommo, puro sì nzolente,
Te vide npizzo npizzo de morire,
Ed è ſſa lingua raſulo tagliente;
Mà pe moſtrare, cà non puoi foire
De reſtare d'a me vinto, e perdente,
Pocca haie tù de morì ſſa voglia freſca,
N terra iammo, e la guerra ſe forneca.

Con-

Contiente de isto fatto tutte duie
Le galere votaïeno nmicro Terra,
E pè mostà cà non sò arranca, e fuie,
Conciano l'arme, e allestano la sferra ;
Vecino terra decettero: a nuie
Chisto sia lo steccato de la guerra,
E comme a caperrune sengolare
Nterra Crapa se iettero à scornare.
A muodo l'loro spartieno lo Sole,
Pocca llà non ce vozeno patine,
E pe fare de fatte, e non parole
Ale spate venettero pe fine:
Peppo arraggiato, che scompere vole
Chella vattaglia , e benne cà perzine
L'aggrauio, le tiraie na grà stoccata,
Che comme chirchio ficese la spata.
Pocca Ciommo lo scuto, mese nnante,
E la stoccata receuio llà ncoppa;
E no scennente dettele pesante,
Credenno se de farenne na stoppa;
Se ncanano, e li cuorpe songo tante,
Ch'vno te dice massa, e ll'auto toppa,
Vene vno nnante, e ll'auto se fà sottà,
E da le spate veneno à la lloffa.
Hora chi pò contà li strammazzune,
Cò li ferra poteche, e parapiette,
L'ancarelle , le punia, e sbottorune,
Mà Ciommo dà la terra se sofette;
Peppo se sose, e perche tarda chiùne
Ciommo, chiù de no cuorpo le mettette,
Mà mentre stace à seconnà le botte;
S'apre la terra, ed à Peppone agliotte.
Comme

Comme sole restà lo peccerillo,
 Quanno sole vedere lo mammone,
 Agghiaiato accossì rommase chillo,
 C'hauea gran core, ed era smargiaffone.
 Arrecciare se sente ogne capillo,
 E no piezzo restaie comme à cestone,
 E à conca steua à bedere la guerra
 Lo tremmoliccio subbeto l'afferra.

Pocca Ciommo nsè stisso retornaie
 Disse : Compagne chisto è quarche ncanto
 E li Sordate suoie tutte anemaie;
 Mà isso è chiù allordato de lo schianto,
 Nmarcaiese, e la galera arremorchiaie,
 Facenno li presune duppio chianto;
 Mà mente groleiuso de ntrà spera,
 S'apre lo maro, e agliotte la galera,

Scompetura de lo Canto Secunno .

D E

L'AGNANO

ZEFFONNATO

CANTO TERZO.

ARGOMIENTO.

*Fuie lo presone, Arroccchia è secotato
 Da Tartarone, à chi arrobbaielo scuto,
 Se sperde, se nnammora, e desfedato
 Cò lo ncogneto resta ascevoluto;
 Parla à la mamma à lo Nfierno arreutato
 Peppone, ed haue gran duone da Pruto.
 Tartarone, e chill'auto songo schiaue.
 Ciòmo parla à Nettuno, e l'arme nn'hauere.*

CANTO TERZO.

LO Gioueniello, che ghie carcerato
 Steua attaccato ntrà lo Paueglione,
 E nce steua à la guardia no Sordato,
 Ch'era troppo valente mbreacone;
 Dapò che chisto s'hebbe mborracciato,
 Se ietta nterra, comme à no cestone;
 Chisto, mentre dormea, chillo se sciouze,
 Fece netta paletta, e se la couze.

Tanto

Tanto se mese forte à cammenare,
Ch'addoue ieua manca s'addonaie;
Mà po ala fine venne se à stracquare,
E de n'aruolo sotto se cocciaie;
Ali guaie suoie mesese à penzare,
E penzanno, penzanno appapagnaie
L'ùocchie tantillo, e subeto se stese
Ncoppa de l'erua, ed à dormì se mese.

Nchesto Scartocchia s'hauea dato vanto
D'arrobare lo scuto à Tartarone,
Ch'era compuoſto contra d'ogne ncanto,
E se groleia cò grà presontione;
Ntiso haueua lo fatto tutto quanto
Da Popa, c'haue commertatione
Cò Farfariello, e tanto ſeppe dire
Che Scartocchia ala mpresa fece ijre.

Chisto veſtì se voze tutto d'arme
Da capo à pede, mà ſenza lo ſcuto,
Hauea na lanza de cenquanta parme,
E se iette abbeianno ſorreiuuto;
A Tartarone manna à dì, che s'arme,
Ch'è no ſmargiaſſo nouiello venuto,
Che le vò proprio ſperciare la panza,
Vedenno s'iſſo è buono à ſpata, e lanza.

Nò ſtette tanto ad azzettà l'afferta
Chillo grã hommo, e chiamma lo ſcutiero,
Subeto la perzona l'è coperta
De coſciale, de pietto, e de cemmiero;
Reſtarrà comm'a n'aſeno à la lletta.
Diſſe: ſto preſentuo Cavaliero,
Vederrà ſi de iſſo haggio paura,
O sì peglià le ſaccio la meſura.

erca à lo Rè lecientia, e le decette:
Và vince ò sciore de tutte l'Aruoie,
Iffo na lleuerentia le facette ,
E s'abbeiate cò l'ammice suoie;
Quanno à lo luoco à l'vtemo iognette
A lo nemmico disse: eilà che buoie ?
Tù si benuto pe sentì lo schiuoppo ,
O nigro tene, c'haie campato troppo !
e responne Scartocchia: cò auantaggio
Non me venire, ma iammo de paro,
Ietta ffo scuto, cà te mostarraggio
Lo grà balore mio famuso, e raro;
Saccio cà viene (e de chesto m'arraggio)
Cò lo scuto ncantato, ò fattocchiaro.
Face pelea no Caualiere arrante
Cò l'arme, e spate sì: nò co l'incante,
ammaro fritto addeuentaie pe l'ira
Chillo grann'hommo, quāno chesto ntese,
E ncepolluto lo scuto se tira
Da lo vraccio, ed a n'aruolo l'appese.
Chesto facenno lo cauallo gira ,
Decenno: Caualiere descortese,
Mò vederraie si ccà te dò la morte,
Si sò li ncante , ò chisto vraccio è forte.
Ma quanno no tantillo fò arraffato;
Scartocchia s'accostaie mmiero lo scuto,
E hauennolo da l'aruo'o sceppato ,
Joca de sprone, e subeto è fojuto;
Tartarone deceua correuato
Correnno: ferma figlio de cornuto ,
Strellaua ogn'vno: ferma, para , piglia;
Ma chillo haueua fatto ciento miglia.

Le ieuà Tartarone sempe appriessò,
Ma chillo se n'foscaie dinto a lo vosco,
E Tartarone de dolore cieffo
Disse: vattenne và, cà te canosco;
No iuorno de t'hauè si m'è concieffo,
Farraggio sì; ma contr'a chi mme nosco
Io cierto haggio sgarrato lo cammino,
E ntrà la stoppa paro pollecino.

Potta de Bacco, deceua, mannaggia,
Puoie dire c'haie gabbato Tartarone;
E mentre chiù se n'fosca, e chiù s'arraggia;
Quanto a n'otra era fatto lo premmone;
Le ngrossa la polletra pe l'arraggia;
Ma ntrà lo vosco chiù s'ascia presone;
Hora mentre la strata non sapeua,
Sente na voce, ch'accossi deceua.

Pouera Pimpa scura, e a quale stella
A chisto Munno tù sciste a la luce,
Addonca pe na facce tanto bella,
Pouerella a morì mò t'arredduce?
De sequì Amore è meglio hauè la zella,
Che crediue magnà castagne, e nuce?
Pe dapò pasto nce volea de pene
Cicere de Copinto, ò mara tene.

Ausolea lo taluorno, e chiano, chiano,
Tartarone accostaiesele vecino,
Quanno vede corcata ntrà lo chiano
Na giouenella, che stea ali'erua nzingo;
Mprimmo maraueglià l'habeto strano
Lo fece, ch'era vestito hommenino:
ma alo parlare l'happe canosciuta,
Che d'hommo era na femmena vestuta.

CANTO TERZO.

51

Le tenne mente nfacce: ò mamma toia
 Primmo t'hauesse fatto morì nfœce,
 Acciso meglio t'hauesse lo Boia,
 Che stà soggetto ad Ammore feroce;
 Ammore non sà dà, ch'affianno, e annoia;
 Non dà contiente maie, ma sempe noce;
 Rommase nfine da chella ncantato,
 E feruto restaie, muorto, e cecato.
 Mò sì cà lo valore è ghiuto à mitto,
 Mò sì ca la braura è già barata,
 O maro tene negrecato, affritto,
 Mò sì alo fummo appennarraie la spata.
 Tene mente lo scuro, e se stà zitto,
 E hauuto hà da chill'ùocchie na frezzata,
 Che le dà tanto male, e tanto fuoco,
 Che pe no piezzo strellarrà: me coco.
 Pocca tornaie nse stisso, voze dire
 Le shiamme soie; ma chella auza lo pede,
 Se mette comm'a fragolo 'a fojre,
 Ne stampa nterra lassare se vede;
 Iffo le corre appriesso, e steua a dire:
 Fermate, ferma, ed arreua la crede:
 Mà mentre corre, e secota l'ammata,
 N'auto sordato le rompie la strata.
 Non accossine lo cane arraggiato
 Sbruffa, mozzeca, abbaia, e strilla forte,
 Quanno da peccerille è secorato,
 Ch'a chi mmatte le dà la mala sciorte;
 Comme s'è Tartarone mmenenato,
 Ca vede le spetanze cà sò corte,
 Comme se sente abbottà lo premmone,
 Vedenno cà l'è curto lo ieppone.

Contra de chillo la spata cacciaie,
 E chillo puro lesto mese mano;
 Fò Tartarone primmo, che teraie
 Credenno de mannarelo a lo chiano:
 Chillo lo cuorpo subbeto scanzaie,
 e responnette: zitto mò te sano,
 Si tù cò mico te la vuoie pegliare,
 Haie pegliato grà lino a pettenare.
Songo tutte duie fuorte, ed anemuse,
 Hanno tutte duie core into a lo pietto,
 Se danno cuorpe tanto foreiuse,
 Ch'ogn'vno d'isse nne pò stà a lo lietto,
 Pareno iusto daie gatte geluse,
 Che lo Iennaro pateno despietto,
 Ed a la guerra tutte duie ncanate
 Tozzano, comme fossero craftate.
A la facce fà nfenta de terarc
 Tartarone, e dapò couze a lo pietto,
 Ma quanno chillo lo sango sghizzare
 Se vedde, le pegliaie tale despietto,
 Che bole cò no cuorpo termenare
 La guerra, e couze ncoppa de l'ermette,
 Tanto, che Tartarone se chiecaie,
 E da la botta sforduto arrestaie.
Torna nse stisso, e tira no scennente,
 Pò dà de ponta, e lo vraccio le coglie;
 Ma chillo pe non effere perdente
 Tutta la forza a l'vtemo arrecoglie,
 E teranno nà botta assaie potente,
 A lo nemmico dà tromiente, e doglie.
 Ed a le botte de sta granne guerra
 Ntronaie lo monte, e nne trémaie la terra.

Tira

ira no cuorpo tutto resolutò
Stezzato Tartarone, e nò le resce ,
Pocca lo cuorpo de taglio sagliuto,
Scese de chiatto, ed a chillo sfordesce;
Ma isso pe lo sango, che l'è sciuto
Cade appriesso, e porzì s'asceuolesce;
Ogn'vno è nterra, e de sango stà tinto,
Ne se pò dì, chi è bencetore, ò vinto.
assammo chiste, e tornammo a Peppone ,
Ca la Terra agliottuto sel'haueua,
Isso trouaiese ntrà no cammarone,
Ed essere già muorto se credeua,
Ma le pareua suonno, ò veseione ;
E beccote cà nnante se vedeua
Na vecchia tutta de sango allordata,
Cò l'ùocchie de scazzimma, e scartellata.
eppo s'era agghiaiato, e nò grà strillo
Iettare voze, ma morette nfoce ,
Arrecciare se sente onne capillo,
Volea parlare, ma no scea la voce ;
Essa decette : e che sì peccerillo,
Haie sia paura, e sì n'hommo ferocè ,
Io te voglio aiutare, e che te cride ?
Non me canuscie, e Popa toia non vide ?
anno Peppone le tenette mente,
E tornaiele ala facce lo colore,
E le decette: ò femmena azzellente,
Non tremma de mill'huommene sto core;
Ma de lo brutto Zefierno fetente
Io te confesso, c'haggione terrore ,
Addonca famme forzetare nterra,
Ca voglio ijre a scompere la guerra.

Mò staie mbreiacò, chella le respòse,
Chillo sopra de tè nc'hauèa chiù sciorte,
Perzò pregaie Protone, e t'annascole,
Iffo ccà dinto, pe scappà da morte.
Viene cò mico saparraie gran cose,
Viene a lo Nfierno, ma stà sempe forte,
Demosta a tutte, cà paura n'haie,
E da Protone gran duone hauerraie.

Accossì disse; e dettele la mano,
E s'abbeiaieno pe na grotta scura;
E cammenanno accossì chiano, chiano,
Vennero a scire nmiezzo a na largura.
Ieuano cammenanno pe lo chiano
Tanta Demmuonie cò brutta fegura,
E nmiezzo a tutte cò no brutto aspetto
Nc'è Mecera, Trefisone, ed Aletto.

Nce sò l'Arpie, nce sò li Gereiune,
Nce sò le Sfince, nce sò le Chemere,
Nce sò Draghe, Serpiente, Vrze, e Leiune,
Cò Bipare, Cerafte, Hidre, e Pantere,
Nce sòngo Coccodrille cò Gotgune,
E Anfesebene, cò tant' aute fere,
Nce sò cane arraggiate, cò Centaure,
Lacerte, Vafalische, e Menotaure.

Vedenno chiste, mesese a foijre,
Già schiantato, e sorriesseto Peppone,
E la via non trouaua de n'ascire,
Ma Popa le strellaie: fermate anchione,
Si non te lo mpar'io, non saie addò ijre,
Piezzo de varuazianne, maccarone,
De chi haie paura? non saie bestiale,
Ch'ombre sò cheste, ne te fanno male?

Bene.

Bene mio, Popa mia, si vago nnante
Nce restu muorto, Peppone responce;
Popa decette: Zì de che te schiante,
Sì cò mico, che cosa te confonne?
Iammo a lo sciummo, ca lo nauecante
Caronte nc'haue da passà pe l'onne
D'Auerno, e danno le vace confuorto;
Ma Peppo de lo schianto è miezo muorto;

A la ripa iognettero pe fine.

Addò scorre lo sciummo d'Acaronte,
Nc'è no delluio d'aneme meschine,
Che pe passà n'hanno monete pronte.
O quanta forza c'hanno li zecchine,
Nullo senz'isse vò passà Caronte;
L'oro si stimmato è ntrà gente morta,
- Nzomma è la chiaue ch'apere onne porta.

Popa a Peppo decette: no zecchino.

Alle sta pe pagà lo varcaiuolo;
Issò decette: io pe no carrino
Mò nnante me mpegnaie lo farraiuolo;
Essa pegliaie no piezzo d'oro fino,
Ed a Caronte nne pagaie lo nuolo;
La varca Peppo saglienno, e la Strega,
D'acqua s'anchiette, ed hora maie s'annega.

Caronte hauea la facce propio d'ùorco,
Senza capille, e haueua lo scartiello,
Ha pe mostacce setole de puorco,
Cò l'ùocchie de scazzimma a zennariello,
E tutto vaueiato, e tutto spuorco,
Hà no vestito pò, ch'è tanto bello,
Ch'appennere nce pote lo Zefierno
Tutte le fuse, che stanno a lo Nfierno.

Le fusa dico, che tenè la Parca,
 Che stà felanno all'huommene le bitca.
 Ed a che serue nascere Monarca,
 Sì a no filo mortale appise fite?
 Da l'acqua de sto Munno non c'è barca,
 Che nce pote saruà, ne lo credite;
 Chi è forte, vertoluso, granne, e bello,
 Ntrà la fossa ha da fà lo papariello.

Scennette n'fine cò Peppo a lo lido
 Popa, e sentette abbaiare lo cano,
 Che facea tanto forte strillo, e grido,
 Che nne ntronaua lo monte, e lo chiano.
 Peppo decette: io mò non me confido
 Dè passà nante; e Popa pegliaie nmano,
 Na pizza, ed a lo cane la iettaie,
 Che se stie zitto, e pò nante passaie.

Vedeno li soperbie, e presentuse,
 Che se credeano de volà tant'auto,
 Saglire à cierte munte scarrupuse,
 E da llà ncoppa pò fare no sauto:
 Nce sò porzì li vanagroluse,
 Che se credeano d'essere de smauto,
 No seruetiale a chisse pe tromiento
 Comme a pallune abbottale de viento.

La pena appriesso nce stà de l'auaro,
 Che die treciento muorze a no fasulo;
 N'auto Dio canoscìe de lo denaro,
 E nchisto la speranza hauette sulo,
 Chisto patisce no tromiento raro,
 Ch'a beuere le danno into a n'arciulo
 L'oro, cò zurso, e co pece squagliato,
 E la pena ch'est'è de sto peccato.

La pena ne'è de li lollureiuse,
 Che s'arzero p' Ammore, sò abbrusciate;
 Chille, che d'ira fuieno regnoluse,
 Da ll'vrze, e da li cane sò stracciate:
 La pena de mbreiache, e goleiuse,
 E' magnà ruospe, e bipere arraggiate:
 Ed a chi pe la mmidia happe dolore,
 Da l'aucielle magnato l'eie lo core.
 L'accedeiuse pò cò li sperune
 De lanze sò forzate a cammenare
 Nntrà sierpe, ntrà lacerte, ntrà leiune,
 Ne luoco se le dà d'arrepofare.
 Sbirre, sbandite, affassinie, e latrune
 Se vedeno attaccate strascenare,
 Fauzarie, e tradeture p'onne luoco:
 Chi patisce ntrà iaccio, e chi ntrà fuoce.
 Si volesse contà tutte le pene,
 Io pe cient'anne manco scomparrìa.
 Che mpara ogn'vno d'elsè hōmo da bene,
 Penza a sta scura aterna presonia.
 Ne'è sto scritto a la porta: *Chi cc.à bene*
De nn'ascire non troua chiù la via.
 Lo pentire llà dintò non te vale,
 Primmo, che bughe llà, penza ò mortale.
 Peppo nnante passà Trippa se vede,
 Che de la Tofra vrociolatte a bascio,
 E mentre a l'occhio propeio nò lo crede,
 Vede appriello passà porzì Scarfascio.
 Ma mentre a chello manco vò dà fede,
 A Spenaronte vede, che Cardascio
 Era no tiempo de Peppone anice,
 E Spenaronte canoscio l'ammico.

Abbracciare l'ammico se credeua

Peppone, e pare che stregna lo viento,
E comme s'è ccà dinto, le deceua:

E comme ammico pate ccà tromiento?

Responne chillo: mentre defenneua

Le Turre, me ferì cò grà spauiento

Lollo co na frezzata, e me mannaie

De pesole a patì tromiente, e guaie.

Mentre Peppo parlaua cò l'ammice,

Vecco la mamma nante le compare,

Che stèa chiacchiare inno co Euridice,

E li guaie de lo Munao stèa a contare;

Isso ietta no strillo, e accossì dice:

Mamma mia non partire, a conzolare

Vieneme, e chella le votaie la faccia,

Ma issò corre, ed a la mamma abbraccia.

Comme a lo peccerillo le soccede,

Che fà cò la lescia le campanelle,

E le v'è appriessò, cà peglià se crede

Chelle pallucce, che sò tanto belle;

Ma stregnennole pò, niente se vede

Dinto a le mano, cà niente sò chelle;

Accossì niente mbraccia se trouaie,

Quanno Peppone la mamma abbracciaie.

Fremmate, mamma mia, non te nne ije,

Ed a lo manco lassate vedere,

Che t'haggio fatto, di, che buoie f'è ije?

Fuorze n'è te fice despiacere?

Aspetta, mamma mia, stamme a sentire,

Non ghì chiù nante, famme sto piacere;

Vih, ca si t'è chiù suie, tutto mame scippo,

E pe restà cò tico, io ccà mme strippo.

Peppo

Peppo accossì decette, e se votaie
 La mamma a isso, e le decette: ò figlio,
 Che si benuto a fà ntrà tanta guaie?
 Chi è chillo, che t'hà dato sto conziglio?
 Si passe mò chiù nnante, sentarraie
 Chiù assaie de li dannate lo greciglio,
 Perche ccà dinto sfortonato arriue?
 Chisto è Regno de muorte; e non de viue.

Io nce l'haggio portato, cà Protone
 L'hà commannato, Popa le decette;
 S'è chello, disse chella, haie tù ragione,
 Mentre Protone st'ordene te dette;
 E disse pò votatafe à Peppone.
 Quann'io te vedde saie peche foiette?
 Peche da te non songo vennecata
 De Patreto, che ccà m'haue mannata.

Pocca nnozentemente isso m'accise
 Pe no sospetto vano, e gelosia,
 Se credea, che facesse male pise,
 E de lo nore sgarrasse la via;
 Mà lo Cielo lo sape, si se mise
 A sgarrà nchello la perzona mia,
 Sulo songo ccà dinto connannata,
 Peche quanno morie steua arraggiata.

Dapò d'hauere no piezzo trascùrzo,
 Addemmannaie à la mamma Peppone,
 Dimme: che fine se darrà à sto curzo,
 E chi à la guerra haue da fà scassone?
 Essa le disse: lo Cielo soccurzo
 ve darrà, non vencentno Forcione;
 Mà restarrà lo Regno arroienato,
 E ogn'vno cagnerrà fegura, e stato.

Non bence Foreione, e arroienato
Sarrà lo Regno, comme v'è sto mbruoglio?
Mamma sciuogllelo tù, cà st'è nericato,
Peppo disse; sto nudeco no scioglio.
Accossì scuro, disse, l'hà lo Fato,
O Figlio, scritto ntrà l'antico fuoglio,
E comme argento viuo nn'vno stante,
Dittole ch'èsto, le squagliaie da nante.

Peppone remanè tutto penziere,
Penzando à chillo ditto tanto scuro;
Papa decette: te v'è sta sàpere
Cà vinto non sarraie, stanne securo;
Fruscia co l'arme tù, cò lo potere,
Ne chiù pensare à lo tiempo futuro,
Cà maie de lo futuro se n'è data
Na certa veretà spralesfecata.

Iammo via sùffo, iammo nnanze à Pruto;
Perche è già tardo, ed hauimmo d'ascire,
E Peppo disse, mà tutto sfurduto,
Sù iammoncenne addò hauimmo da ijre.
Lassa l'ammice, e addoue stea seduto
Pruto iettero, e Papa accossì à dire
Se mese: ò Pruto, t'haggio ccà portato
Peppone lo valente, e gran Sordato.

E Peppo disse: ò Rè fammuso, e raro
Veccome nnante de li piede tuoie,
E lo Rè d'Vorco disse: auzate ò caro
Ammico, e sciore de tutte l'Aruoie,
Lo grà balore tuo troppo m'è chiaro,
Perzò d'ammè hauerraie zò che tu vuoie:
Saccio, cà quanno tù te muoue nguerra
Tremma st'è Regno nziemme cò la Terra.

Lo piglia pe la mano, e se lo porta
Cò Popa à no secreto gabbenetto,
Pe li capille, disse, haie tù la sciorta,
E de darete aiuto, io te prommetto.
Dinto lo gabbenetto aprie na porta,
E dinto nc'era d'argiento perfetto,
E d'oro fatto cò no sfuorgio bello
No ricco, e stralocente cammariello.
Na boffetta de preta prezeiosa
Nce steua nmiczo cò na sottacoppa,
E de prete ncraftata assaie famosa
Na rota, co duie pizze nce stea ncoppa:
Corna Pruto solez chiammà sta cosa;
Mà pò lo Munno, ch'à onne cosa ntoppa,
Anze guasta onne cosa, che sia bona, (na,
N'aut', O, nce mese, e la chiammaie Coro-
Dapò scette da llà pe n'auta via,
Ed aprenno na porta de diamante,
Trasieno dinto de na gallaria,
Ch'arme deuerze nce steuano vñ quante;
Arme, che fatte sò co Magaria,
Ch'à sperciarele nullo è maie vastante,
Pruto le disse: vide ch'arme vuoie,
Sù pigliatelle, e sengano le toie.
Iffo nne piglia certe lauorate,
Ch'erano nmiezo à tutte chiù leggere,
E da lo summo tutte annegrecate,
E l'ermo negre hauea le pennacchiere;
Pruto le disse: affè cà l'haie nzertate,
Ch'est'armè sò le meglio, haie da sapere,
Ca songo fatte da duie nigromante
Cò zuche d'heruc, cò parole, e ncante.

E le dezero ad vno, che fù acciso,
 Ch'Argalia se chiammaua, hōmo affai forte;
 Mā de l'incante Ferrau stea ntiso,
 E cō na mazza dettele la morte.
 Io le fice pegliare, e l'haggio appiso
 A chisto luoco; à te tocca sta sciorte,
 E pocca t'è benuta, pegliatella,
 C'hauè non puoie da mè cosa chiù bella.
Fattose tardo dettele lecientia,
 E Peppo lo rengratia, e se nce ncrina,
 E dapò iette nnante à la presentia,
 De chella, ch'ā lo Nfierno è la Regina,
 Facennote na bella lleuerentia,
 Vasaie la vesta à la Dea Proserpina;
 Essa c'hauette à caro lo saluto,
 Lo Cornacopia le donaie à lo scuto.
E Radamanto pò ntuorno nce scrisse,
 Nparlare lletterummo, ste parole:
 DEVITIAE MVRTÆ: e tanno Popa disse:
 Sù scimmo nnante, che scura lo Sole.
 Patrocro, Achillo, Ammennola, ed Aulisse.
 Lo corteggiaiono, ed ogn'vno lo vole
 Accompannare, ed issò le rennette
 Le gratie à tutte, e fora se nn'ascette.
Sguigliano à Crapa n'autra vota è asciato.
 Hanno doie varche nterra a la marina;
 Popa disse: sù priesto ò gran Sordato.
 Ncoppa la varca vā, saglie, e cammina,
 Cà de Maiure arreuarraie a lo stato,
 Ch'io vago a zerzetare la dottrina.
 A la cetate, e toccate le mano,
 Issò vace a Maiure, essa ad Agnano.

Doie.

Doie galiotte de Turche ntrà tanto
Ntèrra a Pezzulo erano già arreuate,
E ghieuano cercanno tutto quanto
Lo vosco chille cane arrenegate;
Ièano mpizzano l'òcchie p'onne canto,
Pe quarcosa azzuffà com'arraggiate:
Iogneno a chillo luoco, addoue ntèrra
Nce sò li duie, c'hàueano fatto guerra.
Vedenno tanto fango, se penzaro
Ch'erano muorte, e s'accostaieno à loro,
L'arme pe l'arrobbar le leuaro,
Pocca pareano iusto fatte d'oro;
Mà quanno chille all'aria se trouaro,
Pegliattero no poco de restoro;
Che non fossero maie nloro tornate,
Cà rommasero schiaue ncatenate.
L'Arraiesenprimmo hàueano fatto patto,
De se spartire zò, che se pegliaua,
Tanto che separato lo recatto,
Lo suo ncuollo ogn'vno se ntorzaua:
Nse stisso retornato s'era affatto
Tartarone, ed à tuorno se trouaua
Li gargiubbula cane senza fede,
E schiauo fatto d'essere s'abbede.
Tanno accommenza à fare no lamento,
Che chiagnere hauerria fatto le prete:
O negrecato mene, ohiemme scòtento (te;
Che mmatto nmano à sti Turche ndescere-
Non me despiace nò de sto tromiento,
Cà recattà mme pozzo cò monete,
Ne ca sò schiauo a chiste haggio dolore;
Mè despiace cà sò schiauo d'Amore.

Vedennolo l'Arraiese lammentare,
Che desperato tutto s'accedenà,
Ne se voleua proprio mmedecare,
Pe darele conzuolo le deceua:
Seniur baciencia, che boliri fare,
Così libro de stelle scritto steua,
Mi ti nò maltrattar bor fidi mia,
Sciù nò sciancir chi tanta fantasia?
Sglauu statu mi pur, e pò scabbatu,
Nnatu Bais, e statu ligramenti,
Si mi haur hura bor ti acciarratu,
Borchi fari sciabaccu, cù lamenti?
Si bezzi d'ott barenti tuia mannatu,
Tornar bais, nò dubbitari nenti,
Lassar firita midigar seniur,
Lassar sciantu, lassàr chista dular.

Tartarone se fece mmedecare
Cò acito, e sale à muodo de galere;
Mà becche fegna lo chianto lassare,
Li sospire non pò chiù ntrattenere.
Quanto de terra se vede arrassare,
Tanto arrassà se vede de vedere
La bella facce, che le dà trommiente,
E co lo sospèrà cresce li viente.

Chill'auto, ch'era a l'auta galiotta,
Pocca fù mmedecato addebboluto,
Tornaie nse stisso, e npietto na gran botta
Se volea dà co no fierro appontuto;
Mà lo gran sango de la capo rotta
Cadè lo fà de nuouo ascevoluto,
E lo dolore de chella ferita
Co lo fà ascevolì, le dà la vita.

Tornato n'auta vota cò lo vino
Sbroffato nfacce, se volea sofire;
Mà n'autro, che le steua da vecino
Tenennolo accossì pegliatte à dire;
Era chistò no Zingaro nneuino
E sà, perche haue voglia de morire;
Disse: non ti partiri statti zittu
Senti casù nniuino, e sù d'Agittu.

Lu facciu cà tu voi morì pr'Amuri
Saccio cà guerra facisti per chistu
Mà non ti dispirà, cà lu duluri
Dintu à lu pettu tò passerà prestu,
Lassa fà de li stilli lu tenuri,
Haij patientia, e non penzari à restu,
Vidu na linea nfrunti, che mi dici:
Chistu dapò li guai sarrà felici.

Sacciù ca sì (e lè parlaie à là recchia,)
E ca pati pr'Amuri tanti peni,
Sacciù cà cintu sì comu varrecchia,
E di lazzi, e di funi, e di cateni,
Chilla, che ami tu, pertia spetecchia,
Si tu li porti ammuri, ti vò beni;
Mà ben chi siri nzembra amanti, amati,
Su ss'amuri di vui sprupositati.

Non pozzu parlà chiù, mi si mpidisci,
Vedè chiù chiaru lu tempu futuru,
Prichi a nui autri chistu nn'apparisci,
Commu vna cosa dintru di nu scuru;
Chistu ti dicu, cà pri tia spirisci
Chilla che ami tù, stanni sicuru.
Finnirà zertu d'ammuri stà liti.
E nfini tutti dui sariti vniti.

Sentunno, ca lo vero l'hauea ditto

Chillo nneuino, chella arraggia lassa,

Mà manco pò co chello stare fitto,

Perche na frezza l'anema le passa;

La Terra tene mente, e se stà zitto,

Mà chiù sospira quanno chiù s'arrassa,

Senz'arma parte affritto, e sconzolato,

Cà lassa nterra l'anema, e lo shiato.

O stato sconzolato de l'ammante !

N'hauere abiento, e stare cò dolore,

Magne sempre tromiente, e biue chiane

E te struie comme à suo ntrà l'ardure,

Cò caczuessè campare, e co schiante,

Vedè lo meglio, e correre à l'arrure.

Mà lassammole fare sto veiaggio,

Cà n'auta vota pò nne parlarraggio.

Tornammo à Ciommo, che co la galera

Agliottuto era stato da lo maro,

E abbascio de lo funno asciato s'era,

Senza d'essere nfuso (ò caso raro !)

L'otra galera de tornare spera.

Scapola; mà de preta arreuentaro

Le gente, e scuoglio la varca se fece,

E mò vecino à Massa è lo VERVECE.

Ciommo asciatte lo funno, isce che cosa !

E subbeto scennie cò l'auta gente,

Nc'è na ca'a de preta prezeiosa (nente,

De Craunchie, e diamante è chiù sbran-

Nc'era na porta granne, e spazeiosa,

E tanto era la fraueca azzellento,

Che se vedeua, cà l'archetettura

S'haue schiaffato arreto la Natura.

Nc'era.

Nc'era à la porta la storia scorpita
De Nettunno, che dea soccurzo à Anca,
Quann'Eolo pe leuarele la vita,
Pe tanta mare frusciato l'hauea:
De l'Argonauta la falluca ardita
Cò Giasone depenta se vedeà;
Hercole, che dapò de tanta mprese
Nfrà doie colonne: Non Presutto mese:

Nc'era lo ponte pò, che fece Xerze,
Che ncatenare voleua lo Dio
De l'acqua; mà lo suonno isso nce perze,
Perche lo mare lo ponte rompio:
Chèste, e cient'autre storie deuerze
Scorpite steano, e cò no gran golio
Ciommo le storie steua à tenè mente,
E le ghieuà mostanno à l'auta gente.

Sagliettero dapò nà bella scala,
Ch'era tutta de scuoglie frauecata,
E trasettero pò dinto nà sala,
Che steua de verd'aleche aparata:
Nc'erano matreperne cò la pala,
D'ostreche, e de patelle stoccheiata,
Nc'erano p'onne banna, ò marauiglie
Carnumme, spere, spunnole, e sconcigli.

Segge fatte porzi nce sò d'ancine,
De cannicchie tauole formate,
De cocciole, e de gongole marine
Screttorie, e scarabatte nquantetate,
Attuorno appise ciente quatre fine
Cò cornice de perne lauorate,
Nmiezo no bardacchino de cretallo
Nc'è, tutto arragamato de corallo.

A no

A no quatro pettato è lo Darsino,
Ch'Areone saruaie nmiezo lo Maro:
A n'auto nc'è chillo, che Dio marino
Pe l'erua deuentaie da marenaro:
A n'auto pinto stace Ace meschino,
Che fece à Galatea fà chianto amaro:
A n'auta banna pò nce stace chillo
Pesce, che boze bene à no nennillo.
Teneano mente, e non c'era nesciuno,
Quanno ascije nnitto nfatto nò Tretone,
E tornato à lo Rè disse: nc'è vno,
Ch'à la nfantia mme pare n' hommenone:
Saccio chisto chi è, disse Nettuno,
Và stà co isso ncommerzatione,
Dille ch'aspetta fulo na mez' hora,
Pe si ch'io sia vestuto, e benga fora.
Lo Tretone facette l'ammasciata,
E Ciommo disse: aspecco à ccà à cient'anne;
Pò cò Tretone fece na parlata
De lo palazzo, quanto è bello, e granne,
Scette pò na serena, e na sonato
Fece, che fece ascire da li panne
A Ciommo, e pò accossì cò muodo doce
Scije da lo cannaruozzolo la voce.
Sol con sudori si conquista honore,
Con le fatiche nasceno le parme,
Fugga sù sù il Zerepillo Ammore
Chi vuol vittoria, e chi tasteia l'arme;
Non annette due cure il nostro core
Amor la borza ammoscia, e bruggia l'arme,
Egli è vn seruitial, ch'entrando arreto
Trase addoruso, e nn'esce pò co fieto.

Hauca.

Hauea fatto restà tutte ncantate

Lo cantare de chella sopra homano,

Quanno venette la grà Maiestate

De chillo Rè cò lo chilleto nmano.

Ciommo , e le gente se sò addenocchiate:

Sufete, isso le disse , Aroe soprano;

Iette a sedere pò, ed attuorno hauea

Grauco, Dore, Anfetrite , e Galatea.

E disse a Ciommo: si stato agliottuto

Da l'acque , ch'accossì commannatt'ie;

Pocca a frateto voglio dare aiuto ,

Che stà soggetto a lo commanno mio,

Porzì Peppone a n'auta baana è ghiuto,

E lo defenne lo Zefierno Dio;

Ma perche ammo frateto, no scompo ,

Si a fratemo no cuorno no le rompo.

Vattenne a Foreione , e che commatta

Subbeto dille, e che no aspetta niente;

Sarrà d'Agnano la Cetà desfatta,

Tanto te iuro affè pe sto Tredente.

Le mura struia, sfraueche, ed abbattz,

No nn'haggia filo, cà sarrà bencente,

A lettere de scatola lo Fato

Ha scritto : *Agnano sarrà zeffonnato.*

Agnano caderrà; n'auta Cetate

Da Partenopa mia sarrà auanzata,

Che de bellezza , e de nobeletate

Sarrà da l'Oneuerzo annommenata:

Sedarrà co treiunfo, e maiestate,

De chiù Regne Règina ncoronata ,

E no monte hauerrà pe bardacchino,

E pe scanniello messere Marino.

Disse

Disse accolsi Nettunno, e commannaie,
Che portasse cert'arme lo Tretone;
Che d'ossa de no pesce frauecaie,
Ch'a resistere a l'arme songo bone;
A lo gran Ciommo dapò le donaie,
Decenno: tozza comme a caperronc,
Sbentra, smedolla, smafara, e contrasta,
Contra d'ogn'vno st'armatura vasta.

Ciommo disse a Nettunno: o Rè soprano,
Manciatore de lo gran tredente,
Rengrazeiare a te pretengo nuano,
Pocca confuse sò li sentemiente.
Si quante mbrogliè face no Screuano,
E si quante ha penziere no pezzente,
Tanta lengue haues'io, puro coieto
Me le porria schiaffare da dereto.

Addonca si non pozzo me fiò zitto,
Si chiacchiare non haie pigliane l'armo.
Disse Nettunno: Sordatone mmitto,
Ch'auanze l'aute assaie chiù de no parmo,
Fruscia sse mmano, pocca puoie tù schitto
Essere vncetore d'ogne nciarmo,
Disse: vattenne, e dice ale Serene:
Accompagnate chist'hommo da bene.

Sagle Ciommo co l'aute a la galera,
E mentre scorre sott'acqua felice,
Vede pisce natà d'ogne manera
Luare, sparagliane, aiate, alicè,
Cernie, mafrune, e de vope na schera,
Spicare, aluzze, scuorfane, e schefice:
Lassato nzomma lo Regno marino,
Sguigliaieno a summo a Niseta vecino.

Scompetura de lo Canto Terzo.

D E

L'AGNANO

ZEFFONNATO

CANTO QVARTO.

ARGOMIENTO.

*Pe li munte Scartocchia cò lo scuto
 Fuie: ascia Popa, che face li ncante:
 Corre nagra borrasca, ed è bennuto
 NTunna se Tartarone, e fà gran chiante.
 De la Vertute à l'Isola sbattuto
 L'auto, vede l'aadotte tutte quante.
 Fà guerra Rotamarte, e Foreione:
 Chisto è ncantato, e Ciommo và npresone.*

CANTO QVARTO.

E Ra già notte, e la Luna loccua
 Chiù de l'osato nmiezo de le stelle,
 Tutto lo Munno arreposato steua,
 E ronfauano l'huommene, e l'aucielle.
 Nchesto Scartocchia, pocche se credeua
 D'essere scotato, co l'ascelle
 Pare2 che ghiesse pe le scure cupe;
 Strellà sentenno coccouaie, e lupe.

Quanno

Quanno venne na nuuola, e scoraie
La Luna, tanto che niente chiù vede,
E dinto de lo vosco se trouaie,
Ne sape addoue mouere li piede:
Sente strellà li lupe, ed horamaie
Efsè da chille agliottuto se crede;
Hora, mentre se vota d'ogne banna,
Vede na luce dinto na capanna,
Subbeto dritto pe chella s'abbia,
Pe stare llà aspettanno la matina;
Ma, sgarrata trouannose la via,
Pe miezo a sepe, e scarrupe cammina:
Sente strille chiù brutte, arrasso sia,
Quanto chiù, ch'a la luce s'abbecina:
La capanna trouaie desedderata,
Ch'era na grottecella affommecata,
Nmiezo a cierte scarrupe de no montè
Era schiaffata chella grottecella,
Parea iusto la stantia d'Acheronte,
Addò Zeferno l'aneme martella:
Chella grotta de Norcia a chesta a fronte,
Me smaceno, che sia chiù lustra, e bella;
E' negra comme a stantia de crauune,
Nido d'aucielle triste, e sportegliune.
Sorrieffeto accòstatosse Scartocchia,
Na vecchia brutta cò na mala cera,
Che stea seduta ntrà la grotta adocchiata,
Ch'era chiù bella assaie de na Megera,
Hauea pe berga nmano na conocchia,
E steua scauza, e scapellata s'era,
Hauea no fiuro, ed allordata tutta
Era de fango, che pareva chiù brutta.

Li capille c'haueua erano argiento,
 La fronte riccia, e de neuve le ciglia,
 Era la facce pò d'oropemiento,
 Vocchie de rosa belle à marauiglia;
 Neanna na vozza haueua, e p'ornamientō
 Porta l'acchiaro, e à Bennera assemiglia,
 Laure de latto, e d'ebano li diente
 Chiù de Luna la fanno stralocente.

Scartocchia vedett'essa cò lo scuto
 De Tartarone, e le decette: ammico
 Pe ciento vote singhe ben venuto,
 Pocca sapiste ascire da sto ntrico;
 Mò si cà a Rotamarte dare aiuto
 Pozzo, pocc'haggio s'lo scuto cò mmico,
 Haggio pe fine chillo scuto nmano,
 Contra lo quale era onne ncanto vano.

Popa era chesta, ch'à la Zorfarara
 S'haueua asciata chesta scura grotta,
 Addò li ncante da Zefierno mpara,
 E stà co isso sempe, quann'annotta.
 Chesta è la chiù balente fattocchiara, (ta,
 Che sia a sto Mūao, ed a chest'arte è addot-
 Tanto che, sulo co dī doie parole,
 Fremma lo viento, e fà scorà lo Sole.
 Ne'erano ntrà la grotta attuorno appise
 Mille carrase, e mille scartapelle,
 Prete deuerze, e sango de l'accise,
 Tant'erue, tant'agniente, ed aruarelle,
 Cuorne deuerze, e chiappe de li mprise,
 Penne porzi ncè sò de triste aucielle,
 Ogliara, zurso, pece, ncienzo, e cera.
 O lciaurato chi a chello hà fede, e spera.

D

Pe-

Pegliaie lo liuro la Ianara, e disse
Certe brutte parole nfrocecate;
Ncoppa na carta negra pò nce scriffe
Cò sango certe lettere mbrogliate:
E ad honore de li scure Abbisse
Accise certe bipere arraggiate;
E pò co chillo sango, che nn'ascette
Cierte singhe ala facce se facette.
Pò lo pietto spogliaiese, ed a la zizza,
E propio da la banaa de lo core,
Na sangozucca arraggiata nce mpizza,
Chiammanno cierte nomme de terrore:
De chillo sango pò pegliaie na stizza,
La stipaie e pe dare a Pruto honore,
Co ncienzo, e zurfo le fece sproffummo,
E cera pò squagliaie cò pece, e chiumme.
Nmiezo à la grotta pò fece na fossa,
E co la verga no circolo attuorno,
E pegliate dapò de muorte l'ossa,
Le mettie cò chell'aute into a no cuorno:
Fatto chello dapò, se fece rossa,
E botatase addoue esce lo iuorno
Trè bote, e addoue cade n'aute tante,
Sciouze la voce, e fece chiste ncante.
Sentite ò vuie, che sottà de Protone
Obbediente ali commanne site,
Vuie, che iate tentanno le perzone,
Vuie, che li viente, co l'aria mouite,
Vuie, che facite cadere li truone,
Vuie che de l'acqua lo grà mperio hauite.
O vuie, che nò stemmate huòmene, e Dieie
Sentite sù chiste commanne mieie.

Via

Via sù ch'aspiette tù Spezzacatene ?

Fauza Pedata tristo, e Zorfariello ?

Nesciuno saglie chiu ? nesciuno vene ?

Fuorze volite vuie nciarmo nouiello ?

Ve saperraggio dà tromiente, e pene,

Si non biene Pecciuso, e Farfariello:

Appriello a lo sproposito parlaie,

E chiù de mille Demmuonie chiammaie.

Tornaie à dire, sbattenno lo pede

Scauzo nterra: via sù venite p'iesto,

Ancora nullo de vuie ccà se vede,

volite fuorze sentire lo riesto ?

Mentre a li ncante lo Nfierno non crede,

Aspè, aspè; volea chiù d'ì; mà'nchesto

Tremmaie la grotta, e la Terra s'aprie,

E no brutto Deiaschence n'ascie.

Pò vennero tant'aute Farfarielle

N'orma de nnaime cò li piede stuorte,

Ciert'aute nforma scettero d'aucielle

De varia spezie, e de deuerza sciorte;

Popa le disse: olà, pecche rebelle

Site vuie de lo Regno de la morte,

Habbetature fauze, à lo mio dire,

Ne mme volite subbeto obbedire ?

Lo ncanto ancora non era perfetto.

Vno decette, chiù gruosso de chille;

Commanna sù, cà li commanne aspetto

Da tè, cà songo ccà cò chiù de mille:

De fà zò che commanne te prommetto;

E l'autre accommenzaïeno cò grà strille.

A gridare: sù priello addò nce manna

Pe t'obbedire, commanna, commanna.

Voglio da vuie, che sorta de lo Monte,
Addoue stace chella grottecella,
Ch'à la porta d'Agnano è fraccefronte,
Disse: guardata sia chesta rotella;
Cò tuosseche, pò l'acqua d'Acaronte
Iettatece llà nterra; azzò che chella
Perzona, che trasì vò troppo ardita
Perda li sienze, subbeto, e la vita.
Farrimmo quanto tù nc'haie commannato,
Resposero li brutte Farfarielle;
E chella grotta subbeto lassato,
Vierzo d'Agnano schiecaieno l'ascelle.
A nò chiuouo lo scuto hanno mpezzato
Ntrà la grotta li spirete-rebelle.
E da allora, chi llà dinto trasie
Perdiè li sienze, e subbeto morie.
Scenne dapò, che chisto ncanto hà fatto
Co Scartocchia ad Agnano la Ianara:
A scia lo Rê, e le decette: affatto
Sì liberato da sta guerra amara,
Mò sì cà potarraie dare lo sfratto
Alo nemmico, cà la vermenara
haue ncuorpo, cà già Rê Foreione
E sorreiuto senza Tartarone.
E stato fatto Tartarone schiauo,
Rita non ce stà manco ntrà lo campo,
E mpresonato Smasara lo brauo,
Ch'era dinto à la guerra, e truono, e lāpo,
Mò sì se ponno mpennere a no trauo,
Ne ponno chiu da nuie trouare scampo:
Iesce, e commatte, lascia sù ste mura:
Cà la vittoria mò proprio è sicura,
E mò

E mò cà n' hanno chiù chillo grà scuto,
Cà corteiato l'hà Scartocchia nuosto;
Quanno a fà guerra cò chillo si sciuto
Io farraggio no ncanto accossì tuoſto,
Che s'haie pe sciorta la guerra perduto,
Farraggio, che no ſingo nce ſia puoſto
Addo, traſenno li nuostre Sordate,
Non ſiano chiù da chille ſecòtate.

Tale, che non ce pierde ſi mò ieſce;
Cheſto sì, che l'aſſauto ſia ſecreto.
A l'anemuse ogne coſa reieſce;
Commanna a la Fortuna hommo deſcreto;
A' l'hammo ncapparrà comme a lo peſce
Lo nemmico, cà ſtace mò coieto,
Ne crego ch'iſſo maie pozza penzare,
Che nuie l'haggiammo da iì ad aſſutare.

Chello voglio far io, che me commanne,
Rotamarte le dice: io voglio ijre,
Cà ſaccio cà tu ſi femmena granne,
Saccio cà de li guaie tù nne ſaie ſcìre:
Non ſenza cauſa la famma ſe ſpanne
De le bertute toie: Prieſto venire
Faciteme mò ccà lo Cennerale,
Cà mporta a lo ſeruitio mio Reale.

Venne, e lo Rè le diſſe: che s'alleſta
Ogne ſquatrone, che ccà dinto hauite,
Cà voglio pe poſtraie, che ſenga leſta
La guerra, e voglio ſcompere ſta lito:
Io voglio proprio ſcompere ſta feſta:
Prieſto le ſquatte, che ſengano aunite;
Lo Cennerale lo banno iettaie,
E l'arme onne Sordato apparecchiaie.

Ntrà tanto, che sò childe affaccemate,
E allestano lanzuottole, e spontune,
E chi songo a commattere inmezzate,
S'hanno porzì allordate li cauzune;
Tornare voglio, cà v'haggio lassate
Fatte già schiaue li duie smargiafiune:
E ghiuano li pouere scontiente
Co li sospire crescenno li viente.

La Fortuna, che maie non accommenza
Pe poco, ne de chello è satia maie,
Nà grà borrasca cò grà beiolenza,
E co grà biento subbetò mannaie;
Ogn'vno resta de colore senza,
Cà s'ascia catacuoto ntrà stì guzie:
E lo viento accossì de furia venne,
Ch'a primmo cuerpo le rompìe l'antenne.

Ncoppa li Munte mò le pare ijre,
E mò le pare iì nfunno à l'arene;
Mò pare, ch'à lo Cielo vò saglire,
E mò scenne a lo Regno de le pene.
Aspetta ad hora ad hora de morire
Ogn'hommo, e becco, ch'a scurare vene.
Occà te voglio, cà chiù lo temmore
Lo scuro cresce, e chiù te dà terrore.

La matina dapò lo Sole ascette,
Mì stea annascuso de nuuole sotto:
Quanno d'attuorno chiù non se vedette
L'Arraise la compagna galiotta;
Ch'era annegata ogn'vno se credette,
E che la notte fosse stata rotta
Da lo maro: e chiagnette Tartarone,
Becche nemmico, l'auto smargiafiune.

No

No poccorillo se coietate lo Maro;
Mà non sapeano addoue iì de piette,
E na notte, e no iuorno cammenaro,
Senza speranza de trouà arrecietto.
Quanno l'aura matina pò trouaro
Tunnese patria lloro a lo cespetto.
E tanno chille Arraiese gargiubba
Accomenzaïeno à fà tubba, catubba.

Iettero nterra, e Tartarone scese
Cò lo fierro a lo pede lo scurisso:
Vedenno chesso à chiagnere se mese,
Cà ntrà sti guaie Fortuna l'hauea misso.
Corrette a la marina lo Paiese
A bedere la presa, e resta ammisso,
Quanno vedette ogn'vno, cà non c'era
Cò la compagna chell'aura galera.

Ad accattare schiaue onne mercante
Vene, e nfrà l'autre no Moro nce venne,
Ch'era Prencepe granne, e bede nnante
A Tartarone, quanno nterra scenne:
A la postura, e cammenà galante,
Che sia hommo de ciappa lo comprenne.
Fece lo patto, e lo schiauo accattaie,
E duciento docate lo pagaie.

A la casa lo porta allegramente,
E pò le spia: di, ch'arte saie fare;
Isto responce: non faccio fà niente
Faccio lo Michelasso pe campare.
Pecche canosco, cà tu sì balente,
Ed haie na bona schena pe zappare,
Le disse lo patròne, haggio golio
De te fà fà lo ciardeniello mio.

Tartarone pegliaie nmano la zappa:

O negrecato ed à che si arreddutto,
Maro chi nmano de sti cane ncappa,
Ed haue d'agliottì st'ammaro frutto.
Mprimmo lo moro la capo l'arrappa,
E le dace à magnare pane asciutto,
Co acqua; e mentre zappa lo meschino
Cò le lacreme adacqua lo ciardino.

Non s'annegaie, comme chille penzaro,
Chell'auta varca; mà iette de chiatto
Chjù de cenquanta miglia pe lo Maro,
Ed a no scuoglio se rompie de fatto:
Lì Turche tutte quante s'annegaro;
Mà chillo smargiaffone comm'à gatto
S'appececaie a lo scuoglio, e tanto aiuto
Se deze, nterra nfi che fù benuto.

Mà lo Maro l'hauea proffedeiuso

Sbattuto a chille scuoglie tanta vote,
Tanto, che d'acqua, e sango tutto nfufo,
Manco da terra sosere se pote.
Mà lo Cielo, ch'a nuie sempe è piatuso,
E da soccurzo a le gente deuote,
Tanta forza le deze, e tanto ardire,
Che chiano, chiano se potie sosire.

Iette pe cammenare pe na via,

E no cauallo nante le compare,
Che lo nerinaie, e cò na vezzarria
Parea, che lo nmitasse a crauaccare,
Iffo decette: si la sciorta mia

Me l'hà mannato, lo voglio azzettare,
Mà no vracone ncuollo se lo ntorza,
E l'accrauacca; pocca n' hauea forza.

Ve-

Venette pò na scigna tanto bella,
E cò no panno nmano l'asciuttaua
La facce, e bedde pò na cacciottella,
Che cò duie piede nnante l'abballaua:
N'auto cane dapò la ciaramella
Cò crouette, e daienette accompagnaua,
Dinto no lago cierte cacciottielle
Semmozzauano appriesso de l'aucielle.

Dapò vedette no gruosso alifante,
Che cò lo naso pegliaua le cose,
Dapò no gatto maimone galante,
Che smorfie le facea reddicolose:
Na tigrà manza pò le ieze nnante,
Cò aute cose assaie marauigliose,
Quanto chiù nnante lo cammino piglia.
Vede animale de chiù marauiglia.

Le prete, che scarpisa sò deuerze,
E de bellezzetudene, e colure:
L'erue che pe li prate stanno sperze,
Varie de forma sò, varie d'addure:
Vusciole, laure, parme, citre, e cerze
Nce sò cò frutte de tutte sapure.
Nzomma addonca se vota, è ccà onne cosa
Varia, ricca, assaie bella, e bertolosa.

Quanta à Napole songo ciarlatane,
Che teneno animale vertoluse,
Gatte maimune, scigne, crape, e cane,
Che fatte fanno fà reddecoluse:
Tutte vanno pe ccà, tutte sò ccane
Le prete, l'erue, e frutte prezeiuse:
Nfrutto addoue se vota, p'ogne banna
Nce scorre latte, mele, ambroseia, e manna.

Vedenno st'isce cose de bellezza
 Tutto alliegro sagheia lo smargiassone,
 Nfrà isso non capeua de preiezza,
 Vedenno tanta cose belle, e bone.
 Nc'era nmiezo no largo co grannezza
 Marauegliosa, comme a torreione
 Tunno no gran Palazzo frauecato,
 Co porfeto, e co marmora aornato.
 S'accosta, e bede quanno è chiù becino
 Quatto statue de marmora assaie belle,
 Che cò lauore bellissimo, e fino
 Vna teneua nmano doie lancelle,
 Che temperaua l'acqua cò lo vino:
 E n'auta la valanza hauea, e l'ascelle:
 N'auta dintò no schiecco se mmeraua.
 N'auta cò na colonna s'abbracciava.
 Nc'è no cartiello ncoppa de la porta,
 E ntoscane se dintò nce stà scritto:
*O tù che trauagliato da la sciorta
 Sei stato fin ad hor misero, afflitto:
 N fine ccà trouarraie, chi te conforta:
 Lascia ch'ogni trauaglio vaga à mitto,
 Chè quincila VERTY stà ausiliata
 Da tutte le Cetate descacciata.*
 Teneua mente chillo, quann'ascette
 Na femmena vestuta de scarlata;
 Tale bellezza chillo maie vedette,
 Ch'era assaie bella a l'ucchie de na Fata.
 O ben venuto, chella le decette;
 E chillo le respose: ben trouata;
 E d'apò pe la mano lo pegliaie,
 E bierzo de lo Tempio lo portaie.

Nprim-

Nprimmo, le disse: comme è sta venuta
A st'Isola, addò nullo maie nce vene,
Addoue la Vertù stà forasciuta,
Pocca lo Munno cunto non ne tene ?
Responne chillo: ò femmena saputa,
Maie mme crediette d'hauè tanto bene,
Pocca credenno d'essere annegato,
Songo da la Fortuna ccà portato.

Bè vago, disse chella, cà nesciuno
Vene à sto Tempio, si nò pe desgratia.
O bella antica citate, addoue ogn'vno
De vertù n'hàuea maie la panza satia;
Ogn'vno mò de chella nn'è deiuno,
E sulo lo denaro stace ngratia,
O che tiempe, e costumme sgratiate,
Cà sò li vertoluse stratiate!

Hora sù mentre ccà la bona sciorta,
E li costumme tuoie t'hanno portato,
E pocca la vertù pe l'aute è morta,
E solamente rù l'haie forzetato:
Viene cò mico, disse, e pe nà porta
Lo portatte, addò steua storiato
Lo caso mprimmo, quando cò l'ascelle
Astrea lassai lo Munno, e ghie a le stelle.

Dinto sto Tempio non ce stà ricchezza,
Mà solamente hà l'affacciata d'oro,
Che se facette cò grann' allegrezza,
Quando Vertù stemmata era tesoro;
Mà mò, che la Vertù nesciuno apprezza,
E spartì casatiello cò Dio Poro;
Sulo de vierze, e de descrittione
E scritta, e frauecata è de mantune.

Nce stà de preta marmora n'autaro,
 Che lo teneno neuello seie alifante,
 E col auore assaie famuso, e raro
 Na statua ncoppa nc'è, ch'è de diamante,
 Mecenato antemmonio d'onne auaro
 Allhora la vestette assaie galante
 De tela d'oro; mà stà mò stracciato.
 Lo vestito, e stà tutto arrepezzato.
 Haue npietto no Sole resbrannente,
 Ed à le spalle nce tene l'ascelle:
 Tanto chiù luce, quanto chiù è pezzente,
 E sotto de li piede haue le stelle:
 Hà nmano na corona stralocente,
 Che fatta è de smiraude lustre, e belle
 De lauro a muodo, e cò chesta ncorona,
 Quanno ricca de groleia è la perzona.
 Li Feluosoche tutte da no canto,
 Haue, e nfrà l'autre nc'è lo gran Pratone:
 Aristotelo pò, che sapea tanto
 Stà co la varua de no caperrone:
 Heracreto nc'è appriesso, che de chianto
 Hauea chino no gruosso carrafone,
 Iettanno l'oro stea pegnuto Crate:
 Chisse mò da lo Munno sò sgriate:
 Democreto schiattato de lo riso,
 Appriesso cò Anassagora, e Cresippo,
 Ntrà na votta Deigene stea miso,
 E Biantè lo pezzente, e Menalippo,
 Seneca appriesso ntrà lo vagno acciso,
 Petacora, Senocrate, e Spenzippo:
 E scritton grieco hanno sto mutto autiero:
 Μετ' ἑμὲ πάντα αἰχμαλώτῃ φέρω
 L'Astro-

L'Astroloche nce sò puro scorpite,
 E li Dotture, e li Miedece addotte :
 Chille a le robbe , chist'aute a le bite
 Fanno, che l'hommo dica: bona notte.
 Li Poiete nce sò pò colorite,
 Che de lo Grieco veppero a la votte, (to:
 Homero è primmo, e no scritto hà mpizza-
O quanto tenne mente sto cecato?

Appriesto nce stà Pinnaro, ed Arseo,
 Ed Archimio, ed Asiedo, ed Arato,
 E Basilede , Amulio, e porzì Arceo,
 Da na Cestunia Eschilo ntommacato,
 Isedoro, Semmonede, e Moseo,
 Andronio, che l'hà spralefecato.
 Sta sententia hanno scritta assaie descreta:
De sto Grieco è mbretaco onne Poeta.

De li Latine sò a lo natorale
 Pegnute li retratte: e lo Marrone,
 Che de l'aute castagne è caporale ,
 E da dereto a isso nc'è Nasone:
 Ed Horatio, e Locano, e Giouenale,
 E Cornesicio dereto a Barrone,
 Ncapo de lista Statio, co' Marullo,
 E Propertio, Tebullo, co' Catullo.

Martiale, e na berbia nce stà penta
 De chiù de mille Poiete Latine,
 Pocca n Parnaso sguiglia sta sementa,
 Comme a le faue agongole, e lopine.
 Nce nne sò chiù de mille vote trènta,
 Ch'a parlà letterummeco sò fine :
 Dice lo scritto: *In primis sunt state*
Qui venit post , annumeret pedate.

Vec-

Veccote li Toscani: ò ben hagg' hoggi,
 E addoue trouo parole abbastante,
 Che bastasse à cantarece l'aloggi
 A sti mmitte Poiere tutte quante?
 Mia Musa, se tant'alto hoggi non poggi,
 Te puoie fare na cura co li guante:
 Autro nce vole, che qualunque lei,
 Pe cantà de sti mmitte Semmedei.
 Hora spapura sù pocca nce fimmo,
 Non te schiantare Ranonchiella Crio,
 E beccote l'Addante, ch'è lo primmo,
 Che comme patre pe ghiodicio mio,
 Lo primmo luoco, che le tocca io stimmo:
 E lo Petracchio appriesso canosc'io,
 Che chiù de l'aute assaie se stimma, e bale,
 Comme no Capetanio Cennerale,
 L'Alemanne, Tanfillo, e Sannazzaro,
 Voccaccio, ed Ariosto lo Devino,
 Lo Brettonio, Rosciello, Casa, e Caro,
 Fracastoro, Anguellarà, Bernia, e Cino,
 Grotta, Doce, Boiardo, e lo Vaiaro,
 Nardo, e Torquato Tasso nciegno lino.
 E lo mutto: *Vidiamo noi docezza,*
Pengaci appriesso chi vorrà l'antezza.
 Li chiù nnicà sò appriesso, e a primmo vene
 Chi la zampogna soia fece trommetta,
 E cantaie de Mertillo le gran pene:
 Appriesso corre Campeggio a stasietta;
 Mmereta laude Testi chiù ch'arene,
 E ncarcare se pote la barretta
 Bonarello: Gratiano appriesso venne,
 E Bracciolino poie schiecaie le penne,
 Nce

Nce stà Sempronio, e Bordone da dire;
Mà de carta na refema non vasta,
Ch'ogn'vno canta cose da sfordire,
E cò lo tiempo, e la Morte contrasta:
NParnaso ogn'vno è buono pe saglire,
E cò le mano soie la Groleia mpaista;
Ma lo Marino non boglio lassare,
Che fù de Poesia propio no Mare:
Marò addoue nce pesca onne gnorante,
E nne caccia le perne straluciente:
Maro, che l'acqua dona à tutte quante:
Maro, ch'ad onne ncosa fù azzellente.
Nesciuno penza de passà chiù nante,
Nesciuno haue la Musa chiù parente:
Cà buono, e poco scrissè vno, derraie:
Chisto lo buono accompagna a l'assaie.
Derria cà venerrà Ciro, e Cosano,
Ed Artale, e Muscettola, e Battista,
Lottiero, Crasso, e Riccio chiù decano,
C'hanno fatta la Parca negra, e trista;
Mà manco ciento penne, e ciento mano
Poterriano vastare a fà la lista.
E lo mutto: *Linciogne hanno nnauzate,
De facce nterra becche sia l'aietate.*
D'onne linguaggio Poiete nce stanno,
C'hanno hauuto scommertio cò le Muse,
Disse la Fata; mà chiste sarranno
Da lo bell'ùono de Napole schiuse:
Che cò la propia lengua parlarrauno,
E sarranno co essa groleiuse:
Chisto primmo sarrà Ciullo Cortese,
C'honorrarà de foglia lo paiese.

Chisto

Chisto cantanno cò no doce canto
 De Micco, Ciullo, e Rosa li tromiente,
 De lo Cerriglio lo famuso ncanto,
 E de Parnaso la Groleia sbrannente :
 De le Baiaffe pò sonanno tanto,
 De Marrone farrà luoco tenente.
 Dice lo scritto : *Pe sto Giulio è bona*
E de lauro, e de foglia la Corona.
 E l'Abbattuto a chillo tiempo stisso, (se,
 E nprosa, e a rimma CONTARRA grã co-
 Tanto ch'Apollo restannone ammisso,
 No chirchio ncapo le farrà de rose;
 E pe groleia soia vasta ca isso
 Cantanno. cò le MVSE belle cose,
 Porrà fare, che sia cò muodo raro
 N'Alacona porzì lo Lauenaro.
 E n'auto nciegno da Scafato asciuto,
 Sonarrà na TEORBIA accolsì doce,
 Che Napole restanno asceuołuto,
 Lo chiammarrà grann hommo a biua voce;
 Mà n'auto , da la Morte ohimmè feruto,
 A lo meglio cantà morerrà nfoce,
 Tanto, che le Padule leberate
 Morerranno nfeglianza; mà seccate.
 Chillo che llà tù vide, è Balentino,
 Che de li tiempe suoie dice grà male,
 Scontrafatta la Patria pe Destino,
 Derrà, dapò ch'è stata no Spitale;
 Dapò d'arraggia, e de despietto chino,
 Vencenno a lo cantare le Cecale,
 Cò chella Mezacauna, c'hà zeccata,
 Fà a la Baggianaria na mazzeiata.

Non

Non mancarranno nciegne puro appriello,
 Che non facenno chiù li pappagalle,
 A chi Febo la Cetola ha conciesso,
 Mmitarranno le Muse a nuouo abballe.
 Nce stà quarcuno, che morerrà cieffo
 Sulo contra Dohana hanenno balle:
 Basta canfi, che durano le trapole,
 Non mancarranno maie Poiete a Napole.

Lo ncogneto dapò, che canna apierto,
 E de tutte le scientie, e tutte l'arte
 Vedette li grann'huommene: pe cierto,
 Disse, io sò stoppa fatto sì pe Marte:
 Addonca dintò sto luoco desierito
 Sr'huommene, ch'enchiarranno tãta carte,
 A l'annascuso stanno sebbellute,
 Nè da lo Munno songo canosciute.

Tù no le bide, dissele la Fata,
 Comme stanno stracciate, e brenzoluse,
 La Vertute sarrà poco stemmata,
 Pezziente sempe sarranno le Muse:
 Peche l'aietate sarrà così sgrata,
 E chiena de gnorante, e presentuse,
 Che facennole sulo stratie, e tuorto,
 L'hommo canoscerrà tanno ch'è muorto.

Ma de lo tenè mente già si satio,
 Viene a peglià no poco d'arrecietto:
 Core mio bello, disse, io te rengratio
 C'haggio hauuto no piezzo de delietto;
 Mì vedenno la sciorta, cà fà stratio
 De chiste nciegne, nn'haggio grà despietto:
 Addonca fatta sulo è l'abbonnantia
 Pe la baggianaria, pe la gnorantia?

Pe no poco de vita, ch'è no viento,
 Disse la Fata, cà l'hommo patesce :
 E poco, pocca lo chiù gran tromiento
 A l'huòmene la Groleia affaie chiù cresce.
 E quanto l'hommo chiù non haue abbiêto,
 Se face chiù mortale, e se ngrannesce :
 Hora viene cò mico a repofare,
 E da me sentarraie zò, c'haie da fare.
 Mâ mentre chisto ncogneto arreposa,
 Vedimmo nterra mò Ciommo, che face,
 Vânnante a Foreione, ed onne cosa
 Le conta, e dice: sù non sia chiù pace,
 Nctrunno vò, che guerra sanguenosa
 Se faccia, pe che chiù nn'otio se stace ?
 A l'arme sù, nò state chiù coiete:
 Quanno l'acqua arreposa ammorba, e fete.
 Le piace a Foreione lo conziglio,
 E dice : affè ss'apenione è braua :
 Ecco cà nprimmo lo la spata piglio,
 E ntanto onne trommetta se sonaua:
 Già siente lo remmore, e lo greciglio,
 correno li sordate , comme à laua ,
 E cò na preffa d'vno, c'hà le ghiute ,
 Correno vierzo Agnano arresolute.
 Erano sciute d' Agnano porzine
 Le gente, pe se fare n'ammaccata;
 Mâ sentenuo sonà li tammorrine
 De lo nemmico, l'vna, e l'auta armata
 Fanno grann'armo, e fattese vecine,
 Se salutaïeno co na preteiata. (ca,
 Che chi ammatōta, chi azzoppa, chi sciac-
 Chi scommia a fango, chi accide, e chi am-
 macca . Da

Da peccerille mmezzate a le botte,
Non tirano pretata, che non coglia,
Non coglie, che non siano capo rotte,
Non rotte da chi Parma non se scioglia:
Fanno dire a chiù d'vno bona notte,
Addio vruocceole, addio cappucce foglia,
Pocca a le botte de na preta dura
Resistere non pò la ncornatura.

Horà dimme Ranonchia bella mia,
Tù che fuste presente a lo streuerio,
Chi fù lo primmo forte n guapparia,
C'hauesse nprimmo n capo nò cauterio:
Luccio lo primmo fuie, arrasso sia,
C'hauenno lo scurisso defedderio
De passà nante, taffè cò na botta
De na vrecchia le fuie la capo rotta.

Couze appriesso porzì l'vossò pezzillo
De Ciccio nò gran piezzo de mantone,
Che ghiettannose nterra cò no strillo,
Lassaie d'essere forte openeione:
Pò na grasta de piatto couze a Millo,
Che l'azzoppaie, coglienno lo tallone;
Becche nce stace quaccuno, che dica,
Che Dio Marte non fù, ma fù l'amica.

Na preta a l'auta banna coura a Ncicco,
Le fece n'occhio comme a molegnan;
A lo stommaco n'auta coura a Micco,
Sputà le fece sango na sommana.
Volenno nante farese Pacicco,
No culo de pegnato, ò cosa strana,
Le cogliette a lo vico de le tozzola,
E le facette ascì tanto na vozzola.

Abbu-

Abbusca Arroccchia na botta a le ghionte,
 E fù cò grà raggione la pretata,
 Pocca si a l'arrobbà le mano ha pronte,
 Vna lo Cielo mò nce nn'ha cioncata.
 Nmiezò a le coscie hauea quāto a no mōte
 D'acqua Mase la guallara abbottata;
 Ma vno llà na preta le nzertaie,
 Che l'ernia le rompette, e lo sanaie,
 Azzeccatose pò l'armata rento,
 Meseno mano a le potiente sferre,
 E le spate rompennose lo viento
 Sonano iusto comme a zerrezerre;
 Cadenoli sordate a ciento a ciento,
 Pareno fatte de magra le Terre:
 Ioca porzine quarche smargiaffone,
 Pe parte de la spata, lo spatone.
 Chi haue ntiso maie le Fonnachere
 Fà greciglio pe spannere li panne,
 Zie, nepute, marite, cò mogliere
 Aprire comm'a chiaueca le canne,
 Comme a papare, puorce, e bacche vere
 Fare confosione accossì granne,
 Che te stordesce: accossì appunto face,
 Mentre l'armata appeccata stace.
 Da la banna d'Agnano Lanzafora
 Coglie cò no scennente ncapo a Tonno,
 Che lo lassae storduto passà n'horà,
 Pocca lo cuorpo fù propio à lo suonno.
 Valerio, e Cicco sò ferute, e ancora
 Reterà da la guerra non se vonno;
 Ma lassate le spate a buone chiune
 Se sò afferrate a punia, e a secozzune.

Schi-

Schiroffo t: faceua pe cenquanta,
Ne perdeua la coppola a la folla,
Comm'a bruoccolo Pippo nterra chianta,
Ed a Razullo fà la capo molla.
Da Stracqua Pizo ha la cocozza franta;
Ma vene Cola Iacouo, e lo zolla;
Pocca dannole nmocca nò scennente,
Le fà cadè no tummolo de diente.

Smafara non potenno stà npresone,
Hauuta de commattere lecientia,
O che streuerio, ò che destruttione
Fece cò na sbracata veiolentia!
Ciullo vedенno la confosione,
E non fà li sordate reselientia,
Cò Smafara tozzaie, ò negrecato,
Cà fuie a primma botta smafarato.

Stea Rotamarte de no monteciello
Ncoppa, cò no squatrone de li meglio,
Vedenno de li suoie fare maciello,
Disse: che beo ohimmè, io dormo, ò veglio!
Chiù de la vita lo morire è bello,
Primma ch'auto vedè la morte io scoglio;
Iammo, ò compagne, contra li nemmice,
Scapizzammole tutte comm'alice.

Comme a frugolo scese, e tricchetracche
Parze a le botte, ch'a no tiempo dette,
Rompe li scute, e spertosa li giacche,
E chiù de cinco à la lista nne mette;
Luccio allordare se sentìe le pacche,
Quanno co chella face lo vedette:
Tremmanno comme a ghiunco pe lo vièto,
L'ascie lo shiato pe lo fonnzimento.

Peppo

Peppo lo scartellato se credie
 A Rotamarte dare lo malanno;
 Ma pe che chillo sulo lo mmeffie,
 Comme a palla isso iette vrociolanno;
 A Micco pò peche nterra cadie,
 Riennete, disse, a mme, ò ccà te scanno:
 Isso le disse: oh tu quartiere damme;
 Ma pò sòfuto nn'appellaie à le gamme.

S'arraggia, e pare iusto Rotamarte
 Na vufara gelosa campanara,
 Nce mmatte Ciccio, e la capo le sparte:
 Cò no reuierzo pò Mineco sbarà.
 Foieuano le gente d'onne parte;
 Ma la foiuta Smafara repara;
 Negrecato pe te meglio farria,
 Ch'ancora stisse ntrà la presonia.

Isso cecato de n'ùocchio è lo scuro,
 Tanto ch'a muodo de no cacciatore,
 Pigliaie la mmira npietto, e stea sicuro
 A Rotamarte de spercià lo core;
 Ma sgarra, & asseconna, e sgarra puro;
 Ma l'ùocchio buono l'è cacciato fore,
 Tanto ch'isso pareva che cò la spata,
 Ioquà volesse a la gatta cecata.

Ma Ciommo, e Foreione non potenno
 Chiù sopportare tanta accesiune;
 Comme a liepere scelerò ncorrenno,
 Parenno ntrà le pecore Liune:
 Lo schiuoppo chi pò dicere tremenno,
 Che fecero sti fuorte smargiasune,
 Trasenno nguerra cò allucche, e cò sische,
 Co le libarde parzero Todische.

e credea de fà ponta co na schera
De Sordatune anemuso Carella,
Ciommo tira no cuorpo, e la chiomera
Le fà cadere, e mosta hauè la zella.
Auza Schiroffo na tale carrera,
Che parze de la Caua palominella.
Tanto che, perza de la guerra l'arte,
Mmefteno Foreione, e Rotamarte.
La l'Agnasise auzaieno tale corza,
Che Rotamarte è portato pe l'aria,
Tanto, che non potettero la forza
Nsieme nfrà loro spremmentà contraria;
Ma chiste a botta de pretate, e torza
Ieano ncauzanno la gente auèrzaria;
Ma de la Fattocchiara lo designo
Le fà fremmare a lo ncantato signo.
Comme a pollitro mpastorato a punto
Cò li sordate Foreione resta;
Mà Ciommo de lo signo non fà cunto;
Ma secota la gente, e fà tempesta:
E nmiezo ali nemmice sulo iunto:
Che granne magari, decette, è chiesta!
L'arnie farate rompieno lo ncanto;
Ma mpresonato resta issò nfrà tanto.
Comme a no ioquatore, che la posta
Perde, che la teneua ntrà la mano.
Foreione iastemma, e de ragosta
Chiù è russo, pocca ha commattuto nmano,
E tanto chiù, ca no fratele costa:
Tanto che ghiura de struiere Agnano,
Ne maie se vò partì da chillo luoco,
Si tutte nò le manna a sango, e a fuoco,

Scompetura de lo Canto Quarto.

L'AGNANO

ZEFFONNATO

CANTO QUINTO.

ARGOMENTO.

*Troua nTunnese Pimpa Tartarone :
 E Peppo da Maiure haue l'aiuto .
 Scatozza leua Ciommo da presone:
 Spoglia Scartocchia, e descanta lo scuto.
 Aiuta Pimpa n'auto smargiaffone
 Cò Tartarone, e dapo canosciuto
 Pe Rita, li guzie loro ogn'uno dice.
 Se commatte, e sò binteli nemmice.*

CANTO QUINTO.

D Into de lo Ciardino stea no iuorno
 Stracquo de lo zappare Tartarone,
 E faceua chiagnenno no taluorno,
 Ch'onne preta nn'hauea compaffione :
 Chiagnea co lo selluzzo pe lo scuorno,
 C'haueua de trouarese mpresone,
 E pareua sirellanno ntrà l'affanne
 Na Ceuttola, n'Ascio, ò Varuaianne.
 Quan-

Quanno auza l'ùocchie, e da nante se vede
 Na bella, e aggratiata Torhecella;
 Isso se voze auzà; ma statte, e siede
 E dimme che cos'haie; decette chella.
 Tartarone, e che bide, e chi lo crede,
 E non canuscie chiù la giouenella,
 Che ntrà lo vosco se flea gualianno
 Pe la quale haie patuto tanto danno?
 Chesta è essa gnorsì, ca Pimpa è chesta,
 E chella, che lo core t'ha sciccato,
 Chella che ghianca è chiù de la rapesta,
 C' ha le masche chiù rosse de scarlato.
 Comm'a na mummia Tartarone resta,
 Comme a n'hōmo de paglia mmortonato.
 Parla, spapura, piezzo de n'anchione,
 Ca dela Cerra pare no Pacione.

Armo Pimpa le dace, e dice: sbotta
 Chesta postecoma; perche te lamiente,
 Pe quale viento, sio pietto s'abotta?
 A me puoi scommoglià li sentemiente.
 De la varda de guaie si staie mò sotto,
 Fuorze te pozzo alleggerì li stiente:
 Sù lo segreto tuio famme palese,
 Comme sì bello figheme cortese.

Spara cò no sospiro, che feteua
 D'arzo, che nne mpestaie treciento miglia
 Isso, e disse; sta sciorta addoue steua,
 Cōme, e da quale terra hogge me sguiglia?
 Vh quanto stà lontano mme credeua
 De te pe chi sto core arde, e squaquiglia;
 Io stongo summo, e sta credeua a funno;
 Hora vedite comme vā lo Munno!

E

Pimpa

Pimpa mia, core de sta coratella

Sacce, cà schiauo sulo pe te songo,

Pe te zingara, mora facce bella

Co lo fierro a lo pede affritto stongo:

Hauerrà addesa n'anno, ch'ogne stella

Mme contrarea, e mò propio te dongo

Rellatione comm'into a no vosco

Te vediette, t'ammaie, e te canosco.

Gabbato da no guitto zappaiuolo,

Che m'arrobbaiè na tareca ncantata,

Correnno appriesso de lo mareiuolo

Dinto a no vosco perdiette la strata.

Senco nfrà tanto, comm'à rescagnuolo,

Gualeiare na voce ancelerata,

Chiano chiano m'accosto, e bego, e sento

De te l'habbeto, nomme, e lo lamiento.

Io lo confesso, ca fuie n'acqua cauda,

Che comm'a puorco me spennaie ssa vista,

Nela ferita a lo core se fauda,

Pocca la botta è precolosa, e trista;

Già l'arma s'accostaua fauda, fauda,

Cò lo cuorpo; ma ohimmè tanno m'abbista

S'ùocchio, ch'è de farcone, e te l'assiarpe,

Ed io appriesso à te struio le scarpe.

Te strillo appriesso, e tù chiù alliccie, e fuie:

E becco ch'vno cò la spata nmano

Me dice: ferma, tanto che nfrà nuie

Commattenno, cadettemo a lo chiano;

Eramo addeuolute tutte duie

Dinto a no vosco vecino d'Agnano;

Nce trouano li Turche, e forzerate

Simmo da chille schiaue ncatenate.

Ma

Ma na borrasca po da la galera

Nce spartìe, ne n'hauettemo chiù noua:
Tanto ch'io chianze de mala manera,
Ne lo ncogneto faccio addò se troua;
Sta sfatione addonca sulo spera
Tartarone date, bella, che moua,
Cò li lamiente mieie, co li mieie chiante
Ssò core, ch'è durissimo diamante.

Respose Pimpa: Tartarone io faccio

Chi sì, quanto si buono, e cà sì bravo,
Saccio ca de nemmice faie scafaccie;
Te compatesco pò, ca mò sì schiauo.
Perdoname pe te s'io mò non faccio
Chel'o che deuo; pocca puro io lauo
De chianto ch'esta facce addolorata.
E chiù de tene songo nnammorata.

Sulo te prego, che bienghe co mmico,

Cà pe la via pò te contarraggio,
Comme pe lo destino, ohimmè, nemmico,
Io chiù de tene mme sruio, e m'arraggio;
Io suije da ccà voglio còtico,
Fuorze chella bellezza trouarraggio,
Che quanno tù le Turre attorno Agnano
Pegliafte; se pegliaie sto core nmano.

Stà iotte quanno li Lupi menare

Soleno ascire, e tù trouate le sto,
Ca io nfrà tanto faccio patteggiare
Na varca pe foije da ccà priello:
A no creiato mio farraggio fare
ogne cosa, e a partire già m'allesto;
Iammo, mà pe trouare, maramene,
La lebertate tù, io le catene.

Quanto meglio farria, respose chillo,
 Non t'haue visto, pocca ditto m'haie,
 Ca io a lo spropofeto mò strillo,
 Pocca tu d'auto ncrapucciata staie;
 Addonca chisto affritto speretillo
 E nato sulo pe sopportà guaiè?
 Ma pocca ch'io fuia cò tico, vuoie,
 Legge mme songo li commanne tuoie,
 Se dissero, partenno, bona sera
 A reuederce quanno e mezzanotte;
 Ma Tartarone restaie cò na cera,
 Comme hauesse magnate nnarauuotte;
 Cò tutto chesto de rompere spera
 Sta preta tosta cò deuerze botte.
 Ma n'auta vota pò sto cunto scompo,
 Ed a Maiure co no fauto zompo.
 Portato da la varca, maremare
 Addoue erano brutte farfarielle,
 Peppone venne a Maiure a sbarcare,
 Ed arreuato rengratia le stelle:
 E lo Rè de Maiure v' a trouare,
 E zeremonie facenno assaie belle,
 Conta d'Agnano lo stato nfelice,
 Le da lo fuoglio, e la mmasciata dice.
 Lo Rè Tufolo all' hora mme despiace,
 Disse, che pata guerra Rotamarte;
 Ma sì mò isso assedeiato stace
 Io pe lo lebberà farraggio ogn'arte:
 Ccà lo nteressio mio puro nce vace,
 Cà sò nemmico a Foreione: a Marte
 Io iuro, cà de tutta chella armata
 Fare proprio nne voglio na frettata.

Olà ghiettate banno pe sse Terre;
Cà voglio aunite ccà li battagliune,
Sù priesto, che s'allesteno le sferre
Cà tutte hauite a fare a costeiune.
Caude, caude vonno essere le guerre;
Comme zeppole magne, e maccarune:
Sù priesto, e tristo; cò sta sordatesca
De li nemmice voglio fà mesesca.
Dinto ad Agnano mò tornammo a Ciommo,
Che sta schiaffato dinto na cantina,
Faceua comme a Toro, e nō comm'hommo
Promettenno de fare grà roina;
Si t'haggio nmano, disse, e non te scommo
De fango, e non ne faccio ielatina,
Pozza morì nseglianza, ò Rè cornuto,
Si tù la scappe, portanne lo vuto.
Mentre se lamentaua, a lo canciello
Se sentette chiammare de Scatozza,
Che le decette da no cammariello:
Lassa, co tico che sfocare io pozza:
Sacce la pace peche io pueriello
Consiglià vuoze; lo Rè m'haue nuozza,
E tanto, che stimmato no shiashucco
Li peccerille mme fanno l'allucco
Io non pozzo passare pe na via,
Ch'ogne bastafo non me dia l'abbaia,
E senza rispettà la scientia mia,
Io sò trattato comme a coccouaia.
Quanto a lo conzegliare io buono sia
Defiddero che fratet o me nzaia;
E cacciare te voglio da presone,
Si tù me miette ngratia a Foreione.

Laffa fà a mene, Ciommo le respose,
Ca io canosco buono quanto vale,
Fratemole perzune vertolose
Le sà stemmare, e nne fa capetale;
Scatozza disse: quanno sò le cose
Scordate, e stà dormenno onne anemale,
E fà la percopia n Cielo onne stella,
Te cacciarraggio pe na portesella.

Alliegro Ciommo de sta sciorta bona,
Ogne tantillo le pare mill'anne,
E l'hore conta, che l'arluoggio sona,
Aspettanno de scì da tanta affanne;
Venette l'hora, e na voce le ntrona
Decenno: viene smargiaffone granne,
Ed azzò che la sciuta sia sicura,
Veccore ccà la spata, e l'armatura.

Se veste Ciommo, e Scatozza le toie,
Disse, sò st'arme, cà l'haggio arrobbate,
Pocca le chiaue hauea de l'arme soie
Tutte a me Rotamarte conzegnate;
Sù non tricammo chiune, potta d'hoie,
Cà essere potimmo scommogliate,
Trouano n fine d'Agnano à la porta
La sentenella ntrà lo suonno morta.

Chiste da mè porzì fuieno sera
Addobbeiate cò no buono vino,
Ascimmo Ciommo priesto de carrera,
Cà chi sà che pò fare lo Destino?
Ma vede Ciommo, cà Scartocchia era
Lo dormegliuso, e de despietto chino
Disse partire da ccà non me voglio,
Si chisto latro a la nnuda no spoglio.

Sca-

Scatozza: non è tiempo, disse, chiste:
E Ciommo le respòse: hora mò sona,
Lassa fà a me, sto mareiuolo ntisto
Io voglio propio, che la conta bona;
A Tartarone io scuto sto tristo
Ch'arrobbaie, mme decette na perzona,
Cò desfedarlo, e mò dorme a la mmuollo;
Ne nsape, che Destino le stà ncnollo.
La spata caccia, e nce l'appeia ncanna,
E scetate, le disse: hommo valente;
Isto se sceta, e tremma comme a canna,
Cà la morte accossì vede presente.
Che se spogliasse dapò le commanna,
No lassannole ncuollo manco niente,
Pò l'ammarra la vocca, e lo lassàie
Propio comme la mamma lo segliaie.
Era fredda la notte, ed a lo scuro
Pe lo friddo afferraie lo tremmolese;
Tanno cò Ciommo Scatozza sicuro
De la porta d'Agnano abbascio scese;
Ma vecco cà vecino de lo muro
No rommore, e fracasso Ciommo ntese;
Disse a Scatozza: che rommore è chisso
Chillo respòse: è de Demmuonle aggrisso.
Dinto stà grottecella stà guardato
De Tartarone lo tremmenno scuto,
Pe lo peglià chiù d'vno s'è prouato;
Ma trasenno, chiù fora non è sciuto:
Pocca chillo terreno è mmeninato;
Si animale nce vace, puro è ghiuto.
La proua cò lo cane face ogn'hommo,
E de grotta de cane haue lo nommo.

Io nce voglio trasire, si sapesse
De restà muorto, e perdere la vita;
Disse Ciommo; e Scatozza, ch'auertesse.
C'haue na voglia, ch'è sopierchio ardita;
Sta sperientia a fà non se mettesse:
Sulo chi è pazzola morte nterrita:
Vedenno pò, ch'arresoluto stace,
Cò Ciommo dinto de la grotta vace.
Nuolè trasire, da la grotta scieno
Tanta mmorre de sierpe, e de lacerte;
Ma contra Ciommo niente resestieno,
E da ccà, e da llà iettero spierte.
Dinto a la grotta tutte duie trasieno,
E Scatozza le disse: affè la nzierte;
Ma comme Ciommo la tareca adocchia,
Asceuoluto Scatozza sconocchia.
Ciommo fora lo porta, e pò de nuouo
Trase, e scompere vò mò che nc'è miso,
Decèno:io mò che aspetto mme nce trouo;
Ma de l'arme ncantate isso è defiso:
Scippalo scuto nfine da lo chiuouo,
Da li scazzamaurielle niente affiso;
Ogne Demmonio frugolo, che spara
Parze pe l'aria, e bà a là Zorfatara.
Esce a la luce lo smargiasso mmirto
Co lo scuto ncantato groleiuso;
Ma pò vedenno Scatozza l'affritto,
Comme lo pozza aiutare è confuso.
Ma perche hauea voglia de fà mmitto,
Quanno l'hauette cò l'aurina nfuso,
Abbecche fosse no poco fetente,
Puro tornà lo fece nsentemiente.

Alliegro

Alliegro Ciommo dice iammuncenne,
Ed arreuaieno all'vtemo a lo campo;
Lo sentie Foreione, e se nne venne
Volanno a isso iusto comme a lampo:
E Ciommo le decette: gratia rienne
A sto vecchiotto, cà pe isso campo;
Pocca lo manco piezzo mò l'arecchia
Sarria, hauenno perza la pellecchia.
La Tareca porzì veccote ccane,
Ch'a despietto de Popa, e delo Nfierno,
La pigliaie da la grotta de li cane,
E foijre haggio fatro lo Zefierno:
Hora via, frate mio, fruscia sse mmane,
Farrimmo che destrutto sia nnaterno
Agnano, e Foreione: mò senz'auto
Apparecchio pe craie l'vtemo assauto;
Da Tunnese ntrà mente s'è partuta
Pimpa, e cò essa Tartarone porta,
E da hommo de nuouo s'è bestuta,
O negrecata cà p'ammore è morta.
Ma a bele chiene na varca ha beduta,
Che le veneua ncuollo, e disse: ahi sciorta,
Addoue m'annasconno, e che farraggio,
Cà nTunnese de nuouo tornarraggio?
Tartarone decette: n'haie paura,
Cà chiù priesto ccà nzième morarrimmo;
NTunnese chiù non tuorne stà sicura,
Si commattenno non sò acciso io primmo,
Se vestie Tartarone l'armatura;
Ma già la varca arriua a bela, e a rimmo,
Strillano ammaena li More arraggiate;
Ma chiste sò co l'arme apparecchiate.

Hora che ponno fare doie perzone
Co no delluio de Turche, e de More?
Facea comm'a Demmonio Tartarone,
E pe la mano soia chiù d'vno more;
Pimpa spencea la despetatione,
E fà fracasso, e non hauea terrore;
A Garciumma, ad Ali rompe lo musso;
Ma Tartarone fà taglia, ch'è russo.
Ma Frettasse strellaua comm'a cuotto
Decenno: che facir, o Mustafà,
Ciafer, Amet; fare chiauàr sotto
Da chisti sulì Mahamet, Allà?
Tartarone decea: se chiù bescuotto
Tu magne, affè cà te puoic groleia,
A Frettasse la zella buono ammacca,
Ed a Ciaferro lo tuppo le spacca.
Ma che poteano, si fossero state
Tutte frugole, e tutte tricche tracche,
Da tanta banne li nigre assautate,
Pe lo troppo commattere so fiacche;
Già songo tutte de sango allordate,
E tutte spertosate hanno li giacche:
Ma veccote na varca co fracasso
Vene improuisa co no grà smargiasso.
Dace ncuollo a li More, e fà benaccia
De chille senza fede Maumettane,
Feresce, stroppia, sinafara, spetaccia,
E na salata fà de chille cane;
Ma non votaua Tartarone faccia, (ne,
Ne Pimpa a shianco manco hauea le mma-
A maro già lo sango auza la scumma,
E li More iattemmano Mahumma.

A l'vte-

A l'vtemo foiettero, e lassaro
Li nueste leberate da sospetto;
Co lo ncogneto Pimpa s'abbracciaro.
E se leuaueno a no tiempo l'permesso.
Che bide Pimpa? si chisto è lo caro,
Che r'allummaie lo fuoco ntrà lo pietto.
Ma lo ncogneto resta ascevoluto,
E fuie da Tartarone canosciuto.

Pimpa decette a Tartarone: ammico
Chisso è chillo, che l'arma m'arrobbaie,
Pe chisso so ntrà l'ammoruso ntrico,
Sulo pe chisso haggio patuto guaie.
Tù non canuscie l'aglio da la fico,
Decette chillo, mo ncarrata l'haie,
Non canusce sto ncogneto chi sia?
Haie pegliato Vaiano fore mia.

Tornaie chillo nse stisso; e disse: gioia
Te vego, ccà te trouo, e no so morta.
S'agghiaia Pimpa scura, e affanno, e annoia
Chesta voce de femmena l'apporta:
E dice: a chisto la Fortuna toia,
O Pimpa negrecata, mo te porta. (na,
Ohimmè ch'Ammore pe mè spine femme-
Che nnamorato m'haue de na femmena.

Tartarone decette: manco male;
Rita chesta che bide è comm'a tene,
Ss'ammore vuosto non bà manco sale,
Si no tierzo, e no quarto non ce vene;
Senza lanza la tareca non vale,
Vacca cò bacca maie se vole bene,
Sì cà non ponno fà luce la notte,
Si doie lanterne n'hanno cannelotte.

Pocca femmena sì , comme songh'io,
Pimpa le disse: te voglio pe fora,
E Rita le respose: bène mio
Si tù fust'hommo, meglio pe mè fora;
Ma pocca è bano lo nuosto golio,
T'abbraccio comm'a fora a la bon'hora.
Decette l'auto: ò Pimpa mia galante,
Mò che sì asciouta , azzettame p'amante.
Pimpa le responnette : mme contento,
E a Tartarone proiette la mano,
E becco mpoppa pigliano llo viento,
E botano la proda verzo Agnano.
Tartarone pregatte, ch'onne stiento
Pimpa contasse, ed essa chiano , chiano
Accommenzaie a dire : ohimmè na farma
De stiente , e guaie haue patuto st'arma.
Pimpa io mme chiàmo, e a no Barone figlia,
C'hauea la Casa soia rente Refina,
Che lontana de Napole è trè miglia ,
E nata propio comme a na Reggina .
Hauea quatt'anne, quanno se la piglia
La Fortuna cò mico ; a la marina.
Cò la nottricia , mentre a spasso staua,
Na selluca de More mme fà schiaua .
Me venneno a Maumetto , che bedenno,
O le parze vedè ch'era sbellotta,
Mme crescìe còm'a figlia, e ntanto attenno
A l'arme sulo , e mme nce faccio addotta;
Ncagno de fuso, e aco, io sulo ntenno
Cò la spata de fà na bella botta;
Da Tunnese cresciuta auzo pe fine
Vestuta d'hommo, li sette carrine.

Arriuo

Arrivo a Cumina, e pe ghì a lo paese ,
Mme mecco à càmenare a buonne chiune;
Ma sgarraie, mara mè, la via carrese,
E ntrà li vuosche trouome d'Astrune.
Nchesio de cane n'abbaiare ntese,
E no granne alluccare a li vallune,
E secotata veo na Signorella
Da no puorco saruateco, affaie bella.
Io, ch'a cacciare fango era mmezzata ,
Corrette cò no core affaie anemuso,
E da lo shianco caccianne la spata,
Fice a lo puorco tanto no-pertuso .
Resta la sdamma, comm'a na ncantata,
E dice : ò gioucnello valloruso
Cierto cà tù non m'aiutaste nuano,
Sacce cà la Regina io sò d'Agnano.
Io le decette: mme groleio Segnora
De v'hauere seruuto, auto non voglio ;
Ma la Regina de me se nnammora (glio!
Quanno nfacce me vede , vih che mbruo!
Ohimmè, decette, è forza ch'io mò mora ,
Si a le ferute non refunne l'ùoglio
De la corrispondenzia, nò lo bide
Cà dannome la vita ohimmè m'accide?
Segnora, io disse , haggiate da sapere
Cà comm'a buie femmena songh'io ,
Da la desgratia costretta a patere
Mala sciorta, e a cagnà lo stato mio .
Tanto chiù, essa disse , lo piacere
M'è caro ; e mentre cò nò grà golio
M'abbraccia, senco dire: io sò perduto ;
Vego cò l'ùocchie mieie cà sò traduto.
E becco.

E becco n'hommo a la ncorrenno vene
Vierzo de nuie; ma io la spata afferro,
A la Regina cò na mano tene,
Cò l'auta ncuorpo le schiaffa lo fierro,
E botatose a mè mme disse; a tene
Io contento non sò , si non t'atterro.
Io le decette: fremma tanta pressa ,
Non bì cà songo femmena comm'essa.
Chillo se fremma, e c'haggio fatto? dice,
Io le decette strate sfo vraccio;
Rotamarte, respòse isso, nfelice,
E perche nò m'accigo? ohimmè che faccio?
Na pecora haggio acciso, ohimmè, che fice?
Comme ste carne no spertoso , e adaccio?
Ma tù, pe chi sta cosa è succeduta,
Comme si ccà, da doue si benuta?
Passanno a caso, io disse, cà la via
Sgarraie, da no puorco secotata
Sta sdamma vègo, e cò la mano mia
Lo puorco accise, e l'haggio lebberata;
Ed hauennole ditto pò chi sia,
Comm'a femmena essa m'ha abbracciata,
Tanto fite venuto arraggiaticcio,
E hauite fatto sfo bello pasticcio .
Se nnamora de mè pe chiù desgratia
Rotamarte: e cò isso vò che бага,
E pe la via mme dice: cò sta gratia
La perdeta, che fice Ammore paga:
Io lo desprezzo, e isso, si mme stratia
Sfa bellezza, mme dice, e sì m'ammaga,
Ne mme vò contentare ; e io pe forza.
Farraggio che nce vaga pe le torza.

Ncòsto

N tosto comm'ùouo a lo calore suo,
Tanto che isso se sceruella, e affanna,
Ed hauendo paura, ch'io non fùio,
Dinto na Torre presone mme manna.
Hora mentre d'arraggia llà mme struio,
Ch'a sti guaie la Fortuna mme connanna,
Sento cà Foreione face guerra,
E d'Agnano lo Rè dinto se nzerra.

A Foreione fore la moglie
Era de Rotamarre, che fù accisa;
Tanto che chillo cò l'aunite schere
Mmiero Agnano venette a la mprouisa;
Vò fà vennetta de tutte manere,
Ne contentà se vò, si no scarpisa
Atterrato lo Rè, cò la Cetate,
E che siano le case scarrupate.

Tartarone nfrà tanto dà l'assauto
A chella Torre, addoue stea mpresone;
E già sagliute li sordate ad auto,
Se rennette la Torre a Tartarone:
Io scappà da nò male, e trouà n'auto,
Credenno, a trouà morte mme despone
La voglia desperata, commattenno
Ntrà l'arme de morì sulo pretenno.

A te Rita bellissima mme rist,
Essenno stracqua, e pecche tù cortese
Mme te mostraste, e pe hommo te crise,
Ammannote lo tiempo nuano spese:
Pò carcerato a foijre mme mise,
E stracqua nñe gualeià me ntese
Tartarone, e da pò mme secotaie,
Ma vno ch'io non faccio lo fremmaie.

Maie

Maie votannome a reto, io fuio tanto,
 Ch'arriu a la marina, e llà nce trouo
 Li Turche, e fatta schiua io sò cò chianto
 Negra portata nTunnese de nuouo;
 Ma lo Patrone mio, che m'hauea chianto,
 M'azzetta n'auta vota: ma lo chiuouo
 D'Aiñore hauèno npierto. Zò ch'appriesso
 Vuie lo sapite buono, ch'è focciesso.
 Sentite li guaie mieie, decette Rita;
 Dapò che Pimpa a mè tù te rennistè,
 A Smasara cercaie leuà la vita,
 E presone tù n'auto me mettestè;
 D'arme vestuta presentosa, e ardita
 Lassaie lo Campo, e cò mè commattistè
 O Tartarone quanno secotaue
 Chesta, che de sto core hauea la chiaue.
 Mme credeua, che tù fusse nnemmico,
 E perzò a chisso fusse iuto appriesso,
 Commattettemo nziemme, ed io cò tico
 Nterra cadiette asceuoluto, e cieffo.
 Schiaue fuiemo pò, potta de nnico,
 Venette la borrasca; ma focciesso
 Siente che m'eie dapò; la galiotta
 Fuie da lo maro a cierte scuoglie rotta.
 Lo Tempio llà trouaie de la Vertute
 Io sola da lo Maro lebberata,
 Gran cose mme mostraie, e le ferute
 Subbeto mme sanaie na bella Fata;
 Mmarcate pò mme disse, cà scompute
 Songo li guaie, ed a la cosa amata
 Và dà soccurzo; e sarua chi vuoie bene,
 E scomparranno llà tutte le pene.

Tra:

Traſcorrenno accoſſi li trè contiente,
Teneno mmſero Agnano lo veiaggio,
De reto le ſhioſciauano li viente:
Ma zo che Peppo, fà mo contarraggio;
Erano aunte tutte li valiente,
Che de Tuſolo hauea lo vaſſallaggio,
E Peppo tutte le bedea mmarcare
Ncoppa de li varcune, e ſperonare.
Hora vedimmo quale è lo foccurzo,
Che dace a Peppo lo Rè de Maiure.
D'Aierola ſeiciento porta Turzo,
Ch'a li nemmice sà menà li ture;
Ma perche goſſo, e deſtro è comm'a l'vrzo,
N'vrzo a lo ſcuto mmiezo a cacciature
Porta, e comm'hommo letterummo fino
Iſſo ſiſſo nc'ha ſcritto: *Sò Chiappino.*

Streppone porta mille de Praiano,
E na tareca porta de ceſtunia,
Treciento, e ſette sò de Paſetano;
Che non cedeno a mille a fare a punia;
Dociento vinte sò chille d'Atrano,
C'hanno la capo toſta com'ancunia,
Mimmo le porta, che nguerra ſe ſcarfa;
E Buſciolo hà ſeiciento de la Marfa,
De Praierola pò ncè nne sò mille,
E Stantaro nn'è capo de ſta mmorra,
Sò ſcarze d'arme, e liegge comm'a grille,
De loro non ſe troua chi ſchiù corra.
Ciento ſettanta de Conca sò chille,
Mautone è capo, ch'a la guerra mmorra;
Truglio nn'hà de Forone quattrociento,
Ch'a lo foijre fanno cò lo viento.

Chiochia-

Chiochiaro lo Scazzato de Menure
Na caternia nne porta tutte scauze,
Sordate fatte so da zappature,
Buone a saglire pe ballunc, e sbauze.
Li reto songo chille de Majure,
Ne nc'è de loro chi chiù nnauto s'auze;
Scure gialle, e sto scritto hanno a li scute:
Nuie lo mese de Mai fimmo shiorute.

Li reto a se imbarcà l'Arrante fuieno,
E so Cuosemo, Ambruoso, co Streuillo,
Che li nemmice co la spata struieno;
Giangratio, Ciullo, Pacione, e Nardillo,
Mineco, Aniello. e Sguinzo, che nō fuieno
Si non so desperate, co Petrillo;
E de la mmorra de chiste animale
Streuerio a lo Rè figlio è Caporale.

Iate Tufolo, disse, o gente meie,
Ca cogliarrite le Bettorie a tommola,
Cà vedarrite, si vonno li Dieie,
A li nemmice fà na capotommola;
Chillo porta lo palio. che chiù reie,
Votate li nemmice comm'a strommola,
Peppo le mano le vasa, e se mmarca,
Sarpa da Maro lo fierro onne barca.

Già pe dare l'affauto a la Cetate,
Pocca lo scuto hauca lo ncanto tutto,
S'apparecchiano tutte li sordate,
Azzò ch'Agnano rommanga destrutto:
Chille da dinto so fortefecate,
E stà a le mura lo Puopolo tutto;
Peppo non vede de nulla manera
Rotamarte lo Rè, e se despera.

E già

E già le scale d'onne massaria
Hanno pegliato li Napoletane;
Se vanta ogn'vno cò smargiassaria,
D'esse lo primmo a ghiocare le mmane,
Miniero dè la Cetate già s'abbia
Lo nemmico, ma leste li Paisane
Na salutata de prete se fanno.
Che s'è delluio, ò chioppeta non fanno.

Tif ccà, taff llà, e da llà tuffe
Le prete schiasseiano onne scionnea
Fanno; a l'auta cauzune te l'affusse
Luccio lo primmo tù, chi lo credea!
La chioppeta de chelle prete muffe,
Na caduta de grannene parea;
Ma quanto le pretate da llà chioueno,
Tanto verzo de llà chiste se moueno.

Ma quanno fuieno sotto la moraglia,
Iettano chille vollente lescia,
De chille ardite nesciuno, che saglia
Nc'è, che sporpato, e scaudato non lia:
Chille che songo de l'antica maglia
L'acqua cauda no stimmano pe crìa,
E puro che la grolia se guadagne,
D'acqua vollente pigliano li vagne.

Vene na spia, e a Foreione dice:
Signore, mo è sbarcato a li vagnule,
Lo foccurzo, ch'è bene a li nemmice,
Ed ammolate so comm'a rasule;
Foreione votatose a l'ammice,
Iammo disse a chiarire sti cetrule,
E tornarrimmo ccà dapo sti mpiccie;
Pocca nce so chiù ghiuorne, che sauciccie.

L'azer-

L'azerzeto facette co doie corna,
 Ciommo haue lo mancino, isso lo ritto;
 Decenno: si nce mmarte che nce torna
 Pe lo riesto sto Tufolo mmarditto:
 Và ca io si non faccio, che se nfora,
 Me tengo pe berrillo, e pe nò guitto,
 Iammo vedèno a buie sti gnàme gnamme,
 Faceranno palillo co le gamme.
 Streuerio, e Peppo co lo stisso muodo
 Facettero l'azerzeto cornuto;
 Peppo decette a ogn'vno: non t'allodo
 La Famma, cà pe chesto si benuto,
 Dico lo vero, non saccio dà vruodo,
 Saccio ch'ogn'vno de vuie è arresoluto;
 Co lo spruoccolo l'aseno, che zuoppo
 Non è, ma corre, tellearlo è troppo.
 E becco Ciommo, che primmo accommenza,
 E fà fracasso co la spata foia,
 E comm'a palla, che bota la renza,
 Co nò core venea propio de boia.
 De lo ghì contra Peppoe non penza,
 Che d'accidere vo sfocà la foia,
 E chillo cuorpo, che non vuole, te cagna,
 Parenno Abbate Cesaro ncampagna.
 Chiechiere, annicchie, rechieppe, e mäscone;
 Serrapoteche, ntronamole, e ntose,
 E tafare, e tammurre, e sbettorune,
 Pacche, vottate, sceruecchie, e refose,
 E cauce, e muorze, e punie, e ntōmacune,
 E sciacquadiante, foche, co bentose,
 E mmo mmerze, parapiette, e scoppole,
 Lelle, e, scese, schiaffe, e scaracoppole.

Se

e danno li sordate spisso spisso,
Scordatefe le spate da na banna;
NTroia maie se vedette tale aggrisso,
Vh quante Ciómo nne stroppeia, e scanna.
Peppo da l'auta banna fà lo stisso ,
Li pariente a trouà quanta nne manna.
E pare, mentre che cuorpo no sgarrà,
No nuouo Berlechenche, o Marco Sciarra.
e mouette perzì nguerra Streuerio,
E Foreione puro issò se moue ,
Chillo c'hà de fà sango desedderio
Nne caccia comm'a laua quanno chiove;
Ma Foreione ha moderato mperio,
Cà l'auerzarie sò sordate nuoue ,
E bò de li nemmice fà guadagno,
Comme a la mosca sole fà lo ragno.
beramente grà Streuerio fece
Streuerio, e a primò nce ntorzaie Masulio;
Vedenno spertosate passa dece
A te mm'arrenno, voze di Ciantrullo:
Te puoie mo fare nigro comme a pece,
Streuerio disse, non canosco a nullo ;
Non faccio, sì morette de Streuerio
Si pe la botta , o pe lo vesentierio .
balanza Fonzo da rasso no miglio,
Taglia lo naso, co lo musso a Biase,
E sfrisa Lollo, che pareo coniglio ,
E ncuorpo a Cola po la spata trase;
Corre ncuollo d'Antuono, comm'a uiglio
Lo scatozza, e la capo couze a Masc,
Che da lo ciuccio lo fece cadere;
E chiù nn'accide de mille manere .

Stea mpierno la Vettoria, e non chiecaua
 Niente da chesta banna, ne da chella,
 Comm'a cornuto ogn'vno contrastaua,
 E buono s'ammaccauano la zella;
 Ciommo da desperato cuorpe daua,
 Turzo lo primmo perdette la pella,
 Che da cauallo cadenno no turzo,
 Fece, e morette co no turzo Turzo.

La furia chi vo dì de Foreione?

Dapo che fatto nn'hà na chiusarana:
 Accide Mimmo Vusciolo, e Streppone,
 Ed a Truglio dapo carda la lana,
 E mentre pare iusto no leione,
 Che spetaccia, scapezza, squarta, e sbrana,
 Traseno ntrà lo campo trè lordate,
 Che parzero trè gatte scatenate.

Non se sapeua ancora addò mme stessero
 Li compare terribbele smargiasse,
 E chiste, e chille sperano che gh'essero
 Nn'aiuto lloro, ma mò sò li spasse:
 La gente de Maiure se sorressero
 Vedenno ncoppa a lloro li fragasse;
 Songo venute a fà destrozzeione
 Mo propio Rita, Pimpa, e Tartarone.

Rita la primma ferette a Streuillo,
 E Pimpa spertosaie lo core a Nardo:
 Sauta Masturzo comme fosse grillo,
 Contra de Pimpa anemuso, e gagliardo:
 Mmocca a la gatta, comm'a forecillo
 Lette, ne chiù pò fare lo mmasardo.
 E pe Rita Giangratio a mittò vace;
 Ma Tartarone sentite che face.

Sbara

bara Meo, pesa Stafo, e Sguinzo ammacca,
Toro struie, Fusco sbetra, e Mauro ammallo,
Lillo sfrie, zolla Rito, leframo spacca,
Spercia Luca, apre Pone, e Rafo sballa.
Schiffo affoca, auza Ciacio, e Paolo sciacca,
Sfrisa Pico, Ascio cionca, Arrico spalla, (ra,
Nino azzoppa, Aino sgorgia, e Mone acciar-
Strippa Micco, sfà Minco, e Nùtio sguarra.

Era sciuto d'Agnano Rotamarte,

Credenno se lo chiaieto de scompire,

De la Vittoria spera hauè la parte,

Nè nsà cà porta la gente a morire.

Comme a mellone la cocozza sparte

A Lello, e Cola non se pò sofrire;

Ma strilla st'arbaschia, che multe è bana,

Haie tutto chillo, che balea sei rana.

Appila, non parlà cà nn'esce seccia,

Và stipate sta vocca pe le ficc;

Iette lo nigro, dice, comme a seccia,

Lo Rè, mentre commatte mò cò mico.

Cola nterra se vascia, e cò na vrecchia

Cogliette nfronte de lo Rè nnemmico,

Te sia data cionchia frabutto, guitto,

Lo Rè le disse, e comme cieche dritto !

Mà te lo schiaffa sotto lo cauallo;

Ma Pimpa a la ncorrenno llà venette.

E dicette a lo Rè: si non t'ammallo

Pozza morire, e na botta le dette ;

Illo respose: vih si faccio fallo

Co stò corpo, e lo shianco le ferette,

Lo vede Tartarone, e corre, e bola,

Comme a nennillo, ch'esce da la scola.

Rota-

Rotamarte lo scanza, e se neaforchia;
 Tanto che Pimpa Tartarone sarua;
 Ciommo ntrà tanto li nemmice sporchia
 E co la spata ioca a sarua a sarua;
 Non ce ne fà restà manco la sporchia
 Foreione de chella gente alarua:
 Già de Maiure, e d'Agnano la gente
 A sfelare accommenzano perdiente.

O bene mio, e Rita che faceua,
 Ascia Scartocchia, e se lo schiaccia sotto,
 Peche cò isso arraggiaticcia steua,
 Tutto lo sdisgno, e lo venino sbotta;
 Chillo agghiaiato chiù non resesteua,
 Tanto che Rita sulò cò na botta
 Le taglia le doie mano, e a muorze poie,
 Se vennecatte de l'aggrauie suoie.

Non resisteno chiù li Maiurise,
 Ed a mmarcà se tornano a le barche,
 Fuieno a l'auta banna l'Agnanise
 De sango, e lota tutte tinte, e chiare;
 Streuerio strellaua: fiate accise,
 E potite lassareme catarche,
 Piezze de mmumma, schesienzie tornate,
 Vediteme morire, e appalorciate.

Co Foreione se scontra Streuerio,
 Ed a la primma botta acciso resta;
 Muorto Streuerio, fecero streuerio
 Li nemmice pe scompere la festa.
 Peppo haue de morire desedderio;
 Ma le disse lo Rè: che pressa è chesta,
 Saruate, desperare non me voglio;
 Pe s'ch'a la lucerna nce stac' uoglio.

Stril-

Strillano tutte Vettoria, Vettoria,
E pe tanto strellà tutte s'abbrocano,
E tutte quante l'arraggia, e la sboria
Co scamazzare li nemmice sfocano;
Tanto che chille, che nn'hanno cecoria,
Pe raggia dinto lo mare s'affocano,
Fuieno chille, che ghiettero à Maro;
Mà l'aure dinto Agnano se nzerraro.

Scomperura de lo Canto Quinto.



D E

L'AGNANO ZEFFONNATO

CANTO SESTO, E RETO.

ARGOMIENTO.

*S' Tartarone cò Pimpa contiente
Zite, e fanno la razza che farranno.
Agnano proie à Baccoli lamiente,
Quale cò Marte sceruecchie se danno;
Vedeno Bacco, e Giove da pezziente
Dinto Agnano le mbroglie, che se fanno:
Da l'acqua è zeffonnata la Cetate,
E le gente nn'aucielle straformate.*

CANTO RETO.

H Ora chi porrà dire l'allegrezza,
Che facette vedенno Tartarone,
Lo Rè, cò Rita; pe tanta preiezza
Io creo, che se n'anchiette no cauzone;
Ma de Rita vedенno la bellezza
Ciommo, remmase comme à no cestone.
E Tartarone à l'ammice norate
Na storia fece de li guaie passate.

E man-

E mannaie à chiammare pò la Fata,
Ch'à l'Isola npassà de la Vertute
Ncoppa la varca l'haueano pegliata,
Pe essere da chella soccorrute;
Venette, ed è da tutte salotata,
Ed essa rese à tutte li salute;
Ma Forcione le fece chiù nore,
Pe ch'isso à la Vertù porta chiù ammore.
De lo chiù, e de lo manco nò trascurzo
Fecero co la Fata li valiente:
Dapò disse la Fata: sto soccurzo
T'haggio portato pe te fà vemente;
Mò de me nne tornà lo tiempo è scurzo,
Cò buie non c'haggio da fare chiù niente:
Sulo pregà te voglio na cosella,
Ch'accucchie Tartarone, e Pimpa bella.

Me contento lo Rè decette, ed'io
Si lo bolite ve tengol'aniello;
Tartarone decette, ò frate mio,
Te vasoli pedale ò core bello.
Votatose pò à Pimpa; hai tù golio,
Disse, de m'azzettà pe maretiello?
Voglio, essa respose cianciosella,
E tenze de premmonc la faccella.

Ciommo se fèce à Tartarone nnante.
E decette: la tareca ncantata
Eccote, ch'à despietto de li ncante
Io la vencette, e te l'haggio stipatà;
O Ciommo, chillo decette, galante,
Vero Cardascio, e vero Cammarata,
Si pagà tanta gratie non porraggio,
Obrecato nn'aterno te sarraggio.

Hora sentite, disse la Mbreiana,
De Tartarone, e de Pimpa li figlie,
Che da sta cocchia comm'à na fontana
Scorrarranno, e farranno sempe sguiglie.
Stentaie Vorcano chiù de na settimana,
E quaze nce strodie tutte li stglie,
Peste fegure, che de Tartarone
Fanno à bedè la gnenetatione.

Lo primmo figlio se chiammarrà Titta,
Ch'essenno cò la spata assaie vezzarro,
Farrà comm'à lo strummolo na fitta,
Crauaccanno de trotta no sommarro;
Ma de la sciorta dapò la desditta
Lo farrà ciunco ghire, si nò sgarro:
Ma pe mostrà, che fuie hommo de maglia,
Sempre se chiammarrà Titta Vattaglia.

Da chisto nasce Rienzo capo tosta,
Che da li portarrobbe, e peccerille
Accramato farrà, doues'accosta,
Còm'hōmo granne cò allucche, e co strille,
Sarranno vertoluse fore iosta
Duie fegliule de chisto arditolille;
E la lloro vertù, vih ca le manna
Mprubeco à stà cò li tesune ncanna.

Cresceno, e Lollo, che bon'attione
Hà sempre fatto farrà ncoronato,
E ghienzo co la musca d'attone,
Cennerale de Marò è dechiarato;
Hà de cenquanta parme no bastone,
E lo Rè casa franca l'hà donato:
Lo magnare, e bestire hà senza pena,
E fatto Cavaliero de catena.

L'au-

L'anto Petrillo, che tutta la scientia
Haue à la lengua, sarrà Ammasciatore,
E fatta de chest'arte sperientia,
Vih ch'ogn'vno lo stimma, e le fà nore;
Ma pò non saccio pe quale scaientia,
A l'ammasciata pecchè hà fatto arrore,
Nò saccio pe che mbruoglio, ò pe che sdigno
Nfacce lo nigro nn'hauerrà no figno.

Chisto hauerrà na figlia, e bertolosa
Sarrà l'aria ncantà de la sfacciata,
Tanto che fatta Musca famosa
Venerrà da lo prubeco norata;
E perche eie n'isce bella cosa,
Da li Puopole tutte sarrà ammata:
E perche co denare ogn'vno smacca:
Lo nomme tene de Cacapatacca.

No Dottore da chesta pò nne nasce,
Che chìnò nfi à la canna è de dottrina;
E perche leierrà de liure casce,
Nn'hà preueleggio ncarta pecorina;
Pò de scetture mbroglianno li fasce,
Non saccio che desgratia l'arroina:
Tanto che po non troua chiù arrecietto
Lo negrecato Cacapozonetto.

Da chisto no buon'hommo po nne vene,
Che p'hauere no core accoierato,
E pe d'essere troppo hommo da bene,
E da tutta la gente accompagnato;
Vide ca la mogliere à canto tene
Ca la ntrata de Foggia l'hà portato:
Tanto che isso, co sta dota bona
Se pò chiammare no Rè de corona.

Marcone sguiglia pò , e à la Casa honore
Farrà, e starrà sempe co la Corte,
Che de lo tierzo, e lo quarto è Audetore,
Li fatte d'auto sentenno à le porte ;
Lo figlio è Pizo, hommo de valore
Buono à pigliarefella co la morte,
De Capetanio la pitente tene,
Facenno leua pe li magaziene.

De chisto farrà medeca la figlia,
Che dà remmedio d' Ammore à lo male :
De ligno santo, e de sauza pariglia
Sà le bertute à che sia bona, e bale ;
Carcerata la Corte pò la piglia,
Pe cierto mbruoglio, ma non faccio quale:
Ogn'vno le vò bene comm'à mamma ,
E Catarina Papara se chiama.

Ma lasso tutte, e piglio Rafaniello,
Che farrà no Poeto, mà de ciappa,
Che à Napole farrà Febo nouiello,
E bierzo onne parola, che le scappa;
Mà perche pò farrà no brutto appiello
Comm'à Poeto, à la trapola ncappa,
Tanto che co la carta lauriato,
Accossì morerrà, com'hà campato.

La Mbreana parlaie de chisto muodo,
E conzolate li zite nouielle,
Che se nne vanno d'allegrezza mbruodo,
Penzanno d'hauè figlie tanto belle ;
Decette a Foreione: io non t'allodo
L'antechetate de stì duie zitielle ,
Pocca tu buono saie de quà streppegna
Songo, e de quale cippo sò ste legna.

Saie,

Saie che la descennenzia lloro vene
Da chillo Grieco, che Marte ferétte,
Ed à Vennera puro dette pene,
Quanno chella lo figlio defennette;
Cà la mogliere femmena da bene
Pe effere, còrnuto lo facette:
Lo quale nPuglia venne desperato,
E la Cetà de Foggia hà frauecato.
Isto da tanno npò fece la Fera
De piccore, de crape, e caparrune,
Pe marmoria, c'hauealo la mogliera
Fattolo caporale de montune.
Vuie lo sapite, de quale manera
Scettero da sta razza smargiaffune,
E vno fatto fuie pò Cennerale
Co no bastone de chille anemale.
Tanto che pe portarene na mmorra
A Napole, quann'era Carneuale,
Le fecero na Casa de saurra,
E fuie chiamato Pastore reiale;
Lo figlio Sciacqua hauette pò na Torra
Pe guardà à la marina, da lo quale
Nn'ascette Struppio Chiàchiero maggiore,
Ch'accrescette à la Casa Famma, e nore,
De lo Ciardino de lo Rè fò fatto
Petacco guardeiano, e zappaiuolo,
Figlio de chisto, c'heppe pò lo sfratto,
Ch'à la caccia de pile sparaie mbuolo.
Ma nce lassaie viuo lo retratto
A no figlio, che fuie no trippaiuolo,
E chisto fece gnenetatione
De Tartaro, che fece Tartarone.

Chesto che v'haggio ditto lo sapite;
Ma sulo ve lo torno à la marmorìa.
De Pimpa li pariente le bedite
A Refina cà sò chine de gloria.
Mmeretan'onne laude stì duie zite,
Digne de se cantare p'onne storia.
Accossì propio la Fata parlaie,
Ed à l'Isola soia se nne tornaie.

Pe fare festa se corze l'aniello,
Le papare, e fò Ciommo vencetore,
Ch'a Rita soia pa farse bello,
Voze tutto mostare lo valore.
Tartarone rompiè lo carosello,
Quanno io quatte à lo iuoco d'Ammore;
Chiù gialle hauenzo pe li tanta abbracce
De C....de focetole le facce.

Pigliano l'arme scomputa la Festa,
Pe dà ad Agnano l'vtema roina;
Ogn'vno stace cò la voglia lesta
De farenne chiù piezze, che tonnina;
Ammice la iornata reto è chesta,
Foreione decea, de st'ammoina;
Sù menate sse mmescole compagne;
Chisto è no iuoco de se fà guadagnè.

Nzerrato Rotamarte cò Peppone
Non fanno che resoruerè, e che fare,
Hanno vecina la destrottione,
E non fanno nche muodo reparare;
Potta de mè, decea Peppo, Protone
M'haue mprommisso de m'aiuto dare,
E Mamma m'haue ditto, cà sta Terra
A perdere non s'haue pe la guerra.

E mò

mò veccote lloco lo nemmico,
Che m'e benuto à fà lo spartegiaccio,
E mpizzo mpizzo stà, potta de nnico,
De dare à sta Cetà lo reto sacco;
Ma le disse lo Rè: viene cò mico,
Iammoncenne à pregare lo Dio Bacco,
Iammo à lo Tempio, ca sto core spera
De trouà lumme dintò à la Lummera.
Vanno appriesso à lo Rè tutte le gente,
Sulo pe fare à Bacco pregarìa:
Commenzaie Rotamarte: ò Dio potente
Patrone d'onne vigna, e massaria:
Vottagliuommaro mio, e corpolente,
Perche n'aiute sta Cetate mia?
Che mia; tù nò lo saie cà tù protiegge?
Tutte chiste Agnanise, e le daie legge.
De chiste non c'è nullo, ch'acqua veue,
E tutte, saie, cà songo otre de vino,
Addonca dare ainto, à te se deue
A chisto affritto Puopolo meschino:
Si gratia ntra stà guaie nullo receue,
Tu perderraie stè Tempio pe destino;
Manco à le bigne, restaranno spruoccole,
Ca sò le bite nemmiche à li vruoccole.
Sò li nemmice manciune de foglia,
E ogn'vno d'isse lo vino sparagna,
E maie de mbreiacarese hanno voglia,
Perzò lo turzo ogn'vno d'isse magna:
D'honore addonca si lo vino spoglia,
E si enchie de foglia la Campagna;
Struiele, cà mpromette sta Cetate.
De te scannare seiciento crastate.

Pe mò pigliate chiste quattro ainielle,
Che t'arrostimmo ncoppa de la vrasa,
E te donammo sti seie carratielle
De vino arrecogliuto p'onne casa;
Scanzane, ò Bacco, da sti felatielle,
Che mò nce face sta gente maruasa:
Te restammo obrecate si tù strippe
Chiste, che fanno ste gatte felippe.

Accossì lo Rè disse, e de l'arrusto
Bacco nfi à n Cielo sentette l'addore,
Ed azzettaie l'addore de lo musto,
Sentennoné à la vocca lo sapore;
Lassa fare, decette, à chisto fusto,
Sse cose m'hanno smuosseto lo core;
Tanto ch'à tutto lo Puopolo dice:
Agnano non sarrà de li nemmice.

Lo Rè se parte. E Bacco se nne vace,
Ed à la quarta sfera Marte troua:
Addio, le disse; isso respose: piace,
Che buoie da mene frate mio? che noua?
Bacco respose: io vengo ccà pe pace,
Siente lo fatto, chè fà, che mme moua,
Tù faie, cà sò protiette da sta mano
Lo Rè, cò tutte le gente d'Agnano.

La Lamera llà dinto frauecata
M'hanno, addò sempe nce tenno la lumma,
La statua mia llà dinto è spreffommata,
E llà dinto mme portano la mpumma;
Da tutte chille sò chiammato tata,
E cò l'ainielle lo fuoco s'allumma;
Addonca io voglio che tù da sta Terra
Mò propio puorte lontana la guerra.

rate mio sì benuto troppo tardo,
Non pò essere chesto, ch'addommanne,
Marte disse, l'azerzeto gagliardo
La vò affautare da tutte le banne;
Hà propìo da chiantare lo stannardo
Lo Rè nemmico, e Tartarone granne;
Si tu desienne Agnano, e Rotamarte,
Sò l'aute sotto lo imperio de Marte.

Non te facisse male bene mio,
Decette Bacco, che gran cosa è chesta!
Te vastarria sapere, cà songh'io,
Che te lo cerco cola vocca stessa;
Te douerria passare sto golio,
E fà sta guerra leuare à la mpressa;
Si nò piacere non me faie de niente,
A che mme serue, cà te sò parente?

Sì sona, sona, nò la vò sentire,
Marte decette, non pozzo de manco
Fare, di comme te l'haggio da dire?
Me farrisse schiattare pe lo shianco;
Che nce vuoie na sonata? hà da fornire
Agnano, e io, non pozzo venì manco
De parola; non fare, che chiù smanio;
La vò sentire lo Sio Capetanio?

Bacco decette: te tengo à lì bene:
Nce schiaffo zò c'haie ncapo, Marte disse,
Bacco disse: non faccio, chi mme tene,
Che ccà non faccia nascere l'aggrisse;
Fotente la farraie potta de mene,
Cà sì giouane, vih che non facisse,
Marte decette, e Bacco fatto russo,
Disse: vuoie che te ntommaca lo musso.

Damme de naso addò me sputaie mamma ;
 Marte respose, e Bacco: potta d'hòie
 Siente, si tu mme tilleche na sdramma
 Da donne viene contare nne vuoie ;
 Và figlio mio , cà s'iscopierro a ramma,
 Marte arresonne, facce de no voie ,
 Figlio de no Cornuto ; Giove à nuie ,
 Bacco asseconna, è patre à tutte duie.

Tù cierto sì pe mè tentatione,
 Marte strellaua, lassame coieto,
 Vih c'haggio troppa fremma nfin'à mone ,
 Tù nò la scumpe si non vene à fieto ;
 Nò lo vedite bello smargiaffone ?
 Non mme darrisse de varua dereto,
 Decette Bacco, Marte non pò chiune,
 E s'afferra cò Bacco à secozzune.

Se pesano li mussie, ò cosa bella
 Era vedè li Dieie puro allottare !
 Bacco non fà, deceua, l'ancarella,
 E Marte responnea non mozzecare ;
 A Marte Bacco sceccaua la zella,
 Quale se defennea cò rascagnare,
 Vno l'acconcia buono li morfiente ,
 E l'auto fà shioccà li sciacquadiante.

Marte acciarratte Bacco pe no cuorno:
 E Bacco ncanna le schiaffa na foca,
 Chillo lo fà botare à tuorno, à tuorno:
 E chisto poco nce vole, e l'affoca;
 Se songo ncepollute pe lo scuorno,
 E l'arraggià, c'hà ncuorpo ogn'vno sfoca ;
 Ma mentre l'loro se stanno vattenno;
 Giove, e Mercurio veneno ncorrenno .

Gio-

Gioue à botte de furgole, e de truone
Le bò spartire; e cò lo Cadoceo
Mercurio, e llà perzì corre Gionone
Cò lo trapanaturo; mà fà peo.
Corze Hercole perzì, cò lo bastone,
Decenno, che se fremma onne chiafco;
Saturno corze puro co la fauce;
Ma chille chiù se danno a muorze, e cauce.

Co la conocchia Vennera le sparte,
E Giove le decette, che d'hauite?
Sempe no presentuso fuste Marte:
Bacco tù staie mbreaco; che facite?
Pigliate hauite sopierchio le carte,
O pe la coda la scigna renite,
State giurge, lo lupo hauite visto,
State a binella, che remmore è chisto?

Tata, Bacco le disse, sto frabutto
Cò tutto che m'è frate, è presentuso;
Marte decette, tù vuoie buono tutto
Io musso, e che t'ammacca lo caruso;
Hora chisto è taluorno; addonca nfrutto
Zitto non te vuoie stà, disse, mmerduso
Giove e Bacco contaie comme la cosa
Era foccessa, e fattese la ntosa.

Giove decette pò: stateue zitto,
Vuie non sapite chello, che ve dire,
Ch'Agnano sia da tanta guerra affritto,
da nesciuno de vuie se pò mpedire;
Vuie non sapite sto Puopolo guitto.
Quanta nne face, e nò la vo fornire;
Chillo, che le desgratie addonca chione
Ad Agnano, non eie auto che Giove.

Io manno sulo guerra addoue voglio
Pe castecare,chi vole fà male;
Marte niente nce cape à chisto mbruoglio,
E si non voless'io,niente isso vale:
E chi mme ne fà troppo, io nce lo coglio
Quann'isso non ce penza manco sale.
Hora sù via trà vuie facite pace,
E lassateme fà zò che mme piace.
S'abbracciaieno li frate,e se vasaro,
E botatose à Bacco, disse Gioue:
Quanto male fse gente se portaro
Cò mico,mò nne vedarraie le proue:
Viene cò mico; e nziemmo s'abbijaro,
Dicenno a Bacco Gioue:viu che truoue
Dinto d'Agnano,e bì cò che ragione
Io l'apparecchio la destrottione,
Già Bacco, e Gioue lassaieno le stelle,
E mmiero Agnano hanno louolo fitto,
E parettero iusto rennenelle
Quanno nn'Italia veneno d'Agitto.
L'hauea Mercurio mprestate l'ascelle,
E già scomputo lo cammino ritto,
Se posattero ncoppa à Monte Spina,
E llà cagnaieno la forma Deuina.
Giuoe piglia la forma de pezzente,
Cò la capo spennata,ed arrappato,
Cò l'ùocchie de scazzimma,e senza diente,
Cò lo cuollo de banna,e scartellato;
Tutto peducchie,liennene,e ferente,
Cò no cappiello ncapo sbernacchiato,
E lo vestito cò doie milia pezze,
E pe cauzette a le gamme doie rezze.

A lo shianco hà de ligno na scotella,
E pe zaieno na pella senza pile,
E se vace appoianno à na stanfella,
Ch'assaie chiù de no stantaro è sottile;
Scarpe a li piede nc'hà de fonecella,
Arragamate de spago, e de file.
Ma Bacco, perche gruosso è de natura,
De n'auto muodo pegliaie la fegura.
Pe la gran panza idruoppeo se fenze,
E na cammisa hà schefenzosa adduosso,
Na pezza lorda ncapo pò se strenze,
E storzellato hà no vraccio scommuosso.
De zaffarana la facce se tenze,
Nmano hà na mazza, c'haue mpōta n'vosso,
le scarpe cò l'riunche arragamate;
E ghiettero accossì ntrà la Cetate.
Becche le porte llà fossero chiuse,
Comm'à Dieie nucsibele trasieno,
E cò li strille, e lamiente piatuse,
Lemmosena a cercare se mettieno:
Horauì, che pezziente presentuse:
Pe la primma lemmosena sentieno:
Li tentille slizzauano li cane
Ncuollo a li Dieie, che boleano panco.
Senga ssa primma caccia, disse Giove
A Bacco; e pò strellanno pe le chiazze
Deceuano: piatate nò ve moue
De Nuie; ma chille diceano: à li pazze;
Ogn'vno le stazeia, e nzomma addoue
Credeano d'hauè pane, haueano mazze,
E na pretata mmiero de la panza
Vno de Bacco tira, issò la scanza.

Lema.

Lemmosenà a na femmena cercaie
Giose, decenno cà steua affamato;
Aspetta, disse, cà mò l'hauerraie,
E Giose p'aparà s'era accostato;
Ma chella pe lemmosena menaie
No mortaro de marmora sfonnato;
E si Giose mmortale non foieua,
Cierto cà no mortaro l'accedeuà.

Bacco, eh'era no poco cannaruto,
Cerca la caretà a no fruttaiuolo;
Chillo respose: facce de cornuto!
Zappace comm'a mene, mareiuolo;
Bacco partì non se volea speruto;
E non te nne vuole ii, decette, e a buolo.
Chillo tiralo ruotolo, ch'acciso.
Bacco hauerria, si iusto era de piso.

Ma Bacco canoscìe che recattiere
Erano chille, che benneano frutte,
E ch'arrobbanq de mille manere,
Venneno contr'assisa li frabutte;
Sò betiate valanze, e statere,
Pe ruotolo trè quarte danno a tutte:
Scarzo è de piso, ed è nigro lo pane,
Che non è buono a darese a li cane.

Venneno li chianchiere pe bitella,
Chella che de vetelle è la vauessa.
Na gatta morta pe na Ciauarella
Te venneno: hora vii che cosa è chessa!
Contrafatto lo pepe, e la cannella
Hanno li speze ale; hora confessa,
Decette Giose, si raggione nn'haggio,
Si stà brutta Cetà zeffonnaraggio.

De cafe, e d'ùoglie pò non ne parlammo,
Chello che piace a loro dà te vonno;
mbrogie de verdummare non contammo;
Che contare pe cierto non se ponno;
Si à truffe de polliere, Nuè penzammo,
Cierto cà manco ponno accadè nzuonno;
Metteno a forza l'oua a le galline:
Dinto a l'oua nce sò li pollecine
Razze de Turche sò li Pesceuinnole,
Cheli pisce te venneno fetiente,
Nfracetate le cocciole, e tonninole,
De contr'assisa pò, non dico niente;
Ma sempe songo peducchie pollinole,
Cò lo tanto arrobbà sempe pezziente;
Pocca la robba comme vene vola:
Tutto lo stuorto nne porta la mola.
L'arruobbe pò de li Cetrangolare,
A quanta cose venneno nc'è mbruoglio,
Sò tutte mariuole l'Ogliarare,
E cò la magra te mmescano l'voglio;
Si sanguenacce pò ncappe a acattare,
O negrecato tè, cà ccà te ùoglio,
Sango de Toro accattanno ntostato,
Da Temistocre muore ntossecato.
Si te vencesse voglia de vestire,
Accommenza da capo a trouà mbrogie;
T'haie cò cappielle retinte a coprire,
Le zegarelle fatte d'arrauuglie;
La tela cierto è cosa da sfordire,
Ragnatela farrà vuoglie, ò non vuoglie;
E te nzauorra te mbrogia, e te ceca,
Dannote robba fraceta npoteca.

Voze Gioùe cercare à no Mercante,
 Che steua mesoranno cierte panne
 La caretate; ma chillo forfante,
 Pe primmo le mannaie mille malanne;
 Mentr'era coreiulo vede quante
 Cò mesorare l'arrobbaua canne,
 La meza canna aruoleià vedette,
 Mà perche era scarza, non cogliette.
 Passano nante, e pe che songo Dieie
 Vedenò comme so propio le cose,
 Ne a l'ùocchie lloro nulla cosa nc'eie,
 Ne mmentiuone, che stiano annascode:
 Gioùe so ghiuste li penziere mieie?
 Disse; Bacco, haie ragione, le respòse;
 Vide chillo Scarparo mo de fatto,
 De quanta mbrogliè chelle scarpe hà fatto.
 Vih chillo cauzettaro, ch'arrepezza,
 Che benne robbe co li traienielle;
 Vih chillo Crauonaro, che monnezza
 Te venne pe crauune, e crauonelle;
 Sulo pe l'arrobbarè ogn'vno mmezza:
 Vih tutte pezze chelle caudarelle,
 Vì a dritto a chillo dito, o Patre Gioùe
 * Chillo, che fierre vecchie dà pe nuoue.
 E' tù vide, decette Gioùe à Bacco,
 Chillo Arefece llà, che beramente
 E arefece, ch'arrobba chiù de Cacco,
 Vide cà tutte ramma so l'argiente!
 Ma a chillo presentuso spartegiaccio,
 Che mo passa da llà, vih tienemente,
 Non te pare, che sia no grà smargiasso?
 Chisso ioca d'ancino, ch'è no spasso.

Sacce cà chissè songo na scoglietta ,
Che te schiaffano mmiezo li pacchiane ,
E te fanno iocà netta paletta
Na prubeca, ò na palla cò le mane.
vìh chillo , che se carica la barretta,
E caporale de li roffeiane,
De chisso sò le gratie, e li fauure
Honorato da tutte li Segnure.
E chiste pe campare le guaguine
Solenò scortecare li vassalle:
Vengano le mognoles, e li zecchine,
Che de Iostitia non c'è trè caualle.
Destenato ad Agnano haggio pe fine
Fà scompere le feste, cò l'aballe ;
De lo vrachiero la cegnìa haggio rotta,
E la polletra comm'otra m'abbotta.
E confarsato cò li Spetiale
Onne Miedeco, e face le ricette
De medecine, e de scruetiale,
Che non saie si t'allurde, o si t'anniette;
E pe non fà vedè quanno fà male:
Scriue torchisco, quanno mbrogliè mette.
Ma à la Iodeca dissero li Dieie ,
Che fede se pò hauè da li Iodieie !
Passaieno n'fine pe li Trebonale,
Ch'erano chiuse, e Gioue, lloco dintò,
Disse, non se ce fà niente de male ,
Che de mbrogliè, e de nganne è labo into;
Chi non hauesse à dare manco sale ,
Te lo fanno trouare bello pinto:
E pe bia de denare, e de presiente;
Lo tristo nn' esce, e mpiso è lo nnozente.
Ho,

Hora lassammo ijre l'aute vitie,
Ch'à sta Cetate d'Agnano se fanno,
Che si volisse vedè le militie,
Sulo pe le contà non vasta n'anno;
Songo troppo cresciute le tristitie,
Si no la scompo,manco scomparranno.
Stracqua de lo bedè la cocchia aterna,
Se vace à recreiare à la tauerna.

Nce vedeno llà dinto,nzanetate!

O quante mbroglie;metteno de cane
Carne,e de ciuccio dinto à le pignate,
E cannele de suo a li teiane;
E Gione,e Bacco se sò stommacate,
E nfacce se metteuano le mane,
Gione d'arraggia se nzorfa,e s'adafa;
Ma Bacco l'addemmanna na carrafa.

Venne a Bacco lo vino,e non sapeua
Si era acqua,si er'acito, o s'era vino;
Nzì a mò soperchia frèma hauuto haueua
Bacco,ma vò sbottà mò lo venino;
Corze a lo Tauernaro, e l'accedeua,
Chiammannolo frabbutto,marranchino,
E dì voleua de l'vua lo Dio;
Chi hà mmaftarduto lo lecore mio?
Gione lo trattenìe, fremma,decenno,
Si tù mò te scommuoglie bona notte;
Si tù non te faie ijre annasconnenno,
Nce nne iarrimmo co le capo rotte;
Vedarraie,si chiù buono vaie vedenno,
Cà le stoppate fanno ad onne botte,
E si tù mo vuoie fare na frittata,
Puro hauarraie bisogno de stoppata.

A la carrafa rompette lo cuollo
 Bacco arraggiato; ma lo Tauernaro
 Iusto comm'vrzo le fautatte ncuollo,
 Paga, disse, lo vrito, o ccà te sbaro;
 O paga la carrafa, o ccà te zollo;
 Veccote, Gione disse, lo denaro.
 Saie che buoie fare, le dicette chillo,
 Spertosalo, e po ncanna appiennetillo.
 Che cos'è, disse Bacco; niente vale,
 Lo Tauernaro disse, sta moneta,
 Và viue l'acqua comm'à l'animale,
 Si denare non haie, e fà dieta;
 Veccote l'auto, e bì si puro è tale?
 Gione decette; mà comme se vera,
 Che corra sto denaro à sta Cetate,
 Addoue a tutte cose è fauzetate!
 Scettero da llà dinto; tù lo bide
 Peche la guerra haggio mannata a chiste?
 Gione decette, non saccio si cride
 Chiste Agnanise quanto songo triste?
 Sì la zeffonno, e si la struio ride,
 Mò che cò ss'òcchie tanta mbroglie hai vi-
 Lo bego, Bacco disse, cà si ghiusto; (ste.
 Ma non vorria, ch'à Marte disse gusto.
 Io sò contento, ch'Agnano zeffonna,
 Cà mmereta assaie peo de zeffonnare,
 Che se struia, se sfaccia, e se sconfonna,
 Cà non se pote assè chiù sepportare;
 Ma voglio c'haggia zò che non se nzonna,
 Cà pe bìa d'acqua la puoie castecare.
 Si lo vino adacquaie, dà à lo nemmico
 Sì peccaje d'acqua, d'acqua lo castico.

Te voglio dà ffo guſto; iammoncenne,
Giove decette a lo figlio, e ſagliettero,
E già vattenno pe l'aria le penne,
A tronare Gionone ſe nne iettero :
Chiammano lo Scerocco, e chillo venne,
E facite venire, le decettero,
Le nuuole, eche facciano cò l'onne
No delluio, ed Agnano ſe zeffonne.
Se ntreuolaie lo tiempo de maniera;
Ch'era de meza notte aſſaie chiù ſcuro,
Abbecenato Foreione s'era ,
Pe dà l'affauto a lo nemmico muro;
Ma accoſſi prieto vedенno fà ſera;
Fà le gente ſaruar a lo ſecuro
Shioſhia Leuante, e Scerocco, e ſe fece
Lo Cielo aſſaie chiù nigro de la pece .
Le tronola accommenzano a dà ſigno
De chella potentiffema borraſca ,
E pe moſtrare de Giove lo ſdigno,
L'acqua da Cielo già dellouia, e caſca;
Credeano l'Agnanife, cà benigno
Bacco l'hà ntiſe, o n'hanno niente abba ſca
Pocca credeano, cà foſſe venuto
Chillo delluio pe le dare aiuto,
Non facette ſeie iuorne auto, che chiouere,
E à butte, e à fuſte, à barrile, à lancelle,
Già le mura accommenzano a ſcommouere
Li viente a l'Agnanife pouerielle;
Ma Foreione non vedенno ſchiouere,
E cà faceano già li paparielle,
Commanna, che li ſuoie de la Campagna
Se ſaruaſſero ncoppa à la montagna.

No

No tantillo de chiuere non lassà

Lo Cielo, e quãto stà l'acqua chiù ncauza,

E già lo viento le Case sfracassà,

E de na canna chiù l'acqua se nnauza.

Da le cantine a li Palazze passa,

E pe li ponte, e pe le case sbauza,

Le negre gente, pe non s'annegare,

Se vanno ncoppa à l'astrache a saruare.

Ma da la banna de la Zorfatara

Comm'à no shiummo scenne na grà laua,

E da lo Vuolo pò n'auta shiomara,

Pe zeffionnare Agnano già volaua;

E n'auta laua da Sartania spara,

Che de doimilia laue se mprenaua:

Forcione a li Munte già bedeuà,

Cà pe issò lo Cielo commatteua.

Lo Rè, e lo Figlio songo già confuse,

Scure non fanno addò dare de pietto.

Songo da capo a pede tutte nfuse

Ncoppa na Torre chine de despietto;

Ne se ponno chiù aprì le porte chiuse,

Ch'accoppate l'hà l'acqua, e ntrà lo pietto

Senteno grà dolore, ch'annegate

Le gente tutte sò de la Cetate.

Chi crede ntrà na cascia ghire summo,

E chi se schiassa ntrà na mezza votta;

Ma s'affonna la cascia comm'à chiummo;

Chiena la meza votte vace sotto.

Chi crede contrastare cò lo shiummo,

E co li vraccie crede fà l'allotta;

Ma pò stracquato a l'vtemo se chiega,

E beue l'acqua, e forza è che s'annega.

Chi

Chi se vacè a faruà ncoppa a li titte,
Chi a no cauallo, che nata s'abbraccia;
Ma l'vno, e l'auto pò da l'acqua affritte,
Lo papariello abbefogna che faccia.
Che sconciure li spirete mmarditte,
Azzò venga no poco de bonaccia,
Disse a Popa lo Rè, che se credìe
De reparare cò le magariè.

Ed essa accommenzaua a sconciurare,
Azzò lo tiempo se facesse buono;
Ma mentre stà lo Cielo a ghiastemmare,
Gioue da Cielo le menaie no truono;
Che facette no fuosso, e semmozzare
La fece dinto, e le rompìe lo suono
De l'incante; e dou'essa è zeffonnata
Nn'esce fuoco, e la stufa è frauecata.

Saglie già l'acqua ncimma de la Torre,
E già le cimme de Palazze auanza,
Onne laua da ccà, e da llà scorre,
E s'enchie de la chioppeta onne stanza,
Ed acquaticcia già la Morte corre
Non concedenno a nullo perdonanza,
Cadenno le moraglie, e pettorate:
E se và annasconnenno la Cetate.

Sfonna de la Cetate lo terreno,
E sotto Terra nc'è lo tremmoliccio,
Tanto ch'essendo de lo viento prieno,
Sbottà aprenno la vocca arraggiaticcio;
Zeffonna onne Palazzo, e magazzino,
Fatto onne muro forte cadeticcio;
Zeffonna tutta da le sonnamenta,
E da Cetate no Lago deuenta.

Papareianno ancora ncoppa a l'onne
Steano lo Rè, lo figlio, ed aut a gente;
Bacco vede da Cielo, cà confonne
La Morte li chiù ricche, e li scontiente:
E muòppeto a piatate iette adonne
Stà Gioue, e le decette: ò Dio potente,
Agnano è zeffonnato, e li chiù forte
contrastano natanno cò la Morte.

Sì satio; ma tù faie sì fù gagliardo
Lo Rè cò Peppo, e l'aut a lo mmacare
Non me fare restare da bosciardo,
Pocca mprommise io de l'aiutare;
Straforma ogn'hōmo ò nfolleca, ò nmallardo
E fà l'huommene a ucielle addeuentare;
Và, disse Gioue, e fà chello che buoie,
Straforma tutte a li commanne tuoie.

De Rotamaste lo corpo se stregne
L'esce lo musso, e traseno le mano,
Ncolore verde la capo se tegne,
Paparea cò li piede lo pantano;
De varia sciorte lo corpo se pegne,
E deuenta mallardo, ò caso strano!
E perche era Rè, mò comme tale
Puio è chiamato mallardo reiale.

Peppo se fece no gruosso moretto;
Tutta la razza straformata vola;
Chì è capo lionato, e chì hà l'aspetto
de farfara, anatrella, ò mazzarola;
E onne Capetanio perfetto,
Che fò balente de Marte à la scola
Ncoruasto se straforma; e ngallenielle
Li peccerille; e l'aut nn'aut a ucielle.


Sommozzariello Arroccchia pò se face,
E perche ancora de Rita hà paura,
Se vede nullo sotto l'acqua vace,
E semmozzanno chiù dell'ante dura;
Mà la gente Ceuile, peche stace
Vestuta negra, pegliaie la fegura
De folleca, e perzò quanno sò a mmorra,
Creo cà se fà conziglio, e se trascorra.
Foreione da coppa stea vedенно,
Ste smatamorfie, e ste fegure noue,
E disse à li Compagne: già lo ntenno
Le mennette de Marte hà fatto Gioue;
Tornammoncenne à le Case ncorrenno,
Vecco ca Zeffonnato Agnano, schioue,
Tornaieno tutte à Napole le schere;
E Ciommo hauette Rita pe moglieere.
Ma lo sdisgno, c'haueano n' è passato
Ntrà l'Agnanise, e li Napolitane,
Che a caccia ad Agnano Zeffonnato
Veneno co scoppette, e co li cane.
Anze lo lino llà nc'è ammaturato
Pe le fare morire dintò llane,
Co la mal'aria, e lo vierno si iate,
Sempe nce sentarrite scoppettate.
La State lloro quanno è la mal'aria
Lassano lo pantano; ma lo vierno,
Chiù non penzanno a la sciorta contraria,
Vanno à bedere lo nido patierno,
Mà ch'esta gente pe che l'è auerzaria
Le vò nemmica essere nn'aterno;
Tale che puro mone à chella Terra
Parè ch'ancora nce dura la guerra.

Cadette Agnano propio comme Troia,
Sulo pechè se nce faceua male,
Pe castecare la soperbia soia,
Tutte le gente songo mò anemale;
Agnano è Zeffonnato, che na gioia
Era de le Cetate prencepale.
Da Troia defferentia nc'è sto poco,
Chesta l'acqua strudie, chella lo fuoco.

S C O M P E T V R A :

THE
LIBRARY
OF THE
MUSEUM
OF
COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.

RECEIVED



D' A P O L L O .

I D I L I O

D' ANDREA PERRVCCIO.

CHe triuole, sciabbacche, e che streuerie
Nce sò ncoppa Parnaso!
Non cantano chiù Cigne,
Ma co allucche, e co baie
Strillano l'Ascie cole Coccuazie:
Sò li Poiete cè tanto sfrellare
Fatte Lupemenare:
Scorre pe parte d'acqua,
La fonta d'Alecona sulo chianto:
E' lo monte de Pinno già seccato,
E' lo lauro sfronnato:
De Lebetro, e de Cirra
Sò li palazze tutte
Apparate de lutte:
Lo Pegaseo non vò chiù ùorgio, ò paglia;
Anze pe parte de cantare arraglia.
Crio pe sto schiuoppo, che l'è socceduto,
Scaffato hà lo leuto:
Calliope chiù all'Arpa
Non vò grattà la rognà:

Ed Euterpe hà crepata la zampogna:
Hauè cacciata Talia regnelosa
La chiù negra tragedia, e sanguenosa.
Onne Musa, e Poeta haue scassato
Cetola, Lira, Teorbia, e Cbetarra,
Naccara, Calascione, e Tammorriello:
Pinno casa fatt'è de farfariello.
E sapite da che nasce sto triuolo?
Sapite perch'ogn'uno sta marfuso?
Ch'Apollo s'è scopierto guallaruso.
E ch'è lo peo è mmescata la guallara,
Pe le dà chiù tromiento,
De sanguigna, d'aquateca, e de viento.
Hippocrato, Escolapio, cò Galeno.
Se sciccano la faccia,
Li liure ogn'uno straccia;
Cà non hanna remmedio azzò s'ammoscia,
Tanto grossa abbottata è la paposcia.
O scerocco mmarditto
Sempre nemmico s'è de li poiete;
Pocca quanno tù shiushie,
Faie ammolli le corde:
Faie ammoscià li nierue,
Ma mò scortese viento.
Faie crepare ad Apollo le stromiento.
Comme pretienne de fare annegare
Ntrà li tromiento Apollo?
Deu arriaghire summe,
Pocca vuoi che lo dica,
Mentre porta abbottata la vessica.
Febo scuro, pe causa de li viente,
Già da poeta astroloco deuiente;
Mentre cò scura sciorte

Mmiezò

Mmiezò le gamme l' Astrolabio puorte.
O marauiglia, che lo Dio che bede
Cò l'ùocchie lustre suoie tutto lo munno,
Haggia da studià lo mappamunno?
De remmedie amoruse
Hà Nasone lo liuro stodiato,
Ne remmedio à la guallara hà trouito.
Mò si capote dicere da vero:
Ehu mihi quod nullis
Guallara est medicabilis herbis.
Oratio, Abate, Ariosto, e Giouenale
No vrachiero de satere hanno fatto,
Ne seruuto hà nò zero,
Sta guallara tenè cò sso vrachiero.
Sbotta Si Apollo mio:
Cà la guallara spisso cò sbottare
S'è soluta sanare:
Ch'è sia materia, che cò beolenza
T'baue abbottate l'arme de Shjorenza?
Songo deuerze hommure, Apollo dice,
Che d'acqua rossa, e gialla
M'hanno fatto ngrossà l'arme de Palla.
Comme pozzo zoffrire,
Chen'abbotta, e non crepa;
Se beo la Poesia,
La cara figlia mia cò scura sciorte
Cercare la lemmosena à la Cortè?
E tutta vrenzolosa,
Comm' à fico ammaturo hà lo vestito,
Le lagreme haue d'ùocchie,
Porta stuerto lo cuollo:
Chesto abbotta la guallara ad Apollo.
Arrobba chiane, e cacapozonetto

Non

Non s'orgo zanniate à chillo mudo,
Ch'è stratiata la figliola mia.
Chi le schiaffa na scoppola,
Cò direle: E' fatica senza frutto;
Chi le dà vessicate,
Decennole, ch'è pazza;
Chi le tira cetrangole,
Comm' à pierde ghiornata;
Chi le tegne la facce,
Chiammannola bosciarda, e schesenzosa.
Chi la chiama mbreaca;
Ma chello, che me face chiù crepare
E' cà le prete de le male lingue
Puro m'hanno sciaccata
Sta pourrella figlia, e negrecata.
Comm' à palla de fatio me la vatteno:
Comm' à l'auciello nmano de nennille,
La negra da li principe è trattata:
Comm' à la carne nmano à passecciare,
La scura tretoleiano:
Comme lo rafaniello,
Mmano de lo Spagnuolo se l'agliotteno:
E nzomma è fatta necessario prubeco,
Addoue (chesto obimmè me fà crepare)
Nce vanno le desgratie à bacoare.
E' chiù maletrattata
Da guitte, portarobbe, e peccerille,
(Obimmene cà de raggia stongo cbino)
Dell'urzo, che chiammano Chiappino,
Chesto è lo primmo homore,
Pocca è lo sango de la figlia mia,
Ebe mme dà co la guallara tracuollo;
Chesto malato face stare Apollo.

Eie

Eie lo seconno bomore
Na materia peccante
De cierte poetastre,
Che banno co li vierze ncimma all'aruole,
E brociolanno pò zuffete à bascio.
Fanno cierte pallune,
Che benno da Sant' Ermo.
E poie, à barua de poiete vecchie,
Da pallune deuantano vesseccie.

Certe parole, che l'hanno trouate
All' ente de ragione chemmeritio;
Certe pallune, che sò mmottonate
Comme so chille che se f. i pezzillo,
O de fiero, o de paglia;
Certe pallune gruosse, e bestiale,
Chel' h'abbottate no seruitiale.
Comme a ruosse l'abbottano,
Ma pe l'abbottà strappo spisso crepano:

Pallune, comme fanno li nennille
Co sapone, e leschia de poco gniegnio,
Che pareno crestelle stralociente;
Mà s'afferra le bucie le truoue niente;
Li conciette accossà de li qualisse,
Credenno nce troua cosa che baglia,
Sparesce, affuffa, sparafonna, e squaglia.
Siente di: carmentar, arcigolante,
Tremebondo liur, gran sinopeo,
Argonautico arcier, cannon dirceo,
Clauigerante, argolico, Ecatombo,
Mitimneo, arcinfanfaro, ribombo.
Che ve pare de chesso?
No ve pareno truone, e cannonate,
E po che nce trouate?

Cheste

Che se fanno nò bù, che se stordefce:
Ma de ste botte pò no viento n' esce;
S'io viento, se bolite che lo dica,
M'haue fatto ntorzare la vessica.
E lo viento de chisse foreiuso,
Pe parte d'abbottiare pe fà suono,
O streuerio, ò vregogna!
M'haue guastato affatto la zampogna.
L'alta materia è pò n'acqua fetente,
Acqua de le palude nfracetata,
Acqua d'Agnano torbeta, e molesta,
Ch'auza cierte vapure, che t'appesta,
Sò cierte Poietielle,
Che non hauenzo scale pe saglire,
Vennegnano da terrà; e ch'è lo peo,
Ch'essenno l'animale,
Che lo patre Noe cacciaie dall'arca,
S'auantano scolare alo Petrarca,
O che poiete asciutte!
Sequetano lo Petrarca li sciaurate,
Et hanno chià a besuogno de pretate,
Diçeno: obibò la Musa
Amar non può l'altexxa,
Perche nemmica ell'è con la dolcexxa.
Chi lo sopporta? addonca ca Vergilio
Parlaie tant'auto, n'è poeta buono:
Nafone, addonca è Antuono.
Non vonno dire st'acque de Pantano,
Buone pe nfracetà sulo le carte,
Cà non fanno alo canto da la porpa,
E alo Petrarca pò danno la corpa.
Se bonno sequetà l'antechetate,
Perche non sò scolare de lo Dante?

Chillo

Chillo è lo patre abbate,
E pure le parole antiche soie
Sò state refotate.

Addonca comme lo Petrarca sfisso
Hà l'antico parlare annobeluto,
Puro lo stilo suio s'è arrepoluto.

Vecco l'asempio mprimmo lo magnare
se facea nzapetito; e mo li cuoche,
Conoue cose hauennolo connito,
Lofanno chiù galante, e saporito.

Erano li palazze de mautune
Nprimmo; e mò vecco li fraueature
Le fanno cò chiù arte, e chiù lauure,
Poccale fanno aterne

Co porfete, comarmore, e pepierne.
Accossì porzì è la Poesia:

Quanto lo nciegno s'apre essa chiù esce,
Quanto lo munno auanza essa chiù cresce:
Sò tanta bestiale,

Chillo mmereta lauda, cololauro,
Che trouanno na bella, e bona voce,
Sà mmesclare l'autezza co lo doce.

Chisto addōca è l'homore, che mme stracqua,
Chienal'otra portanno de ches'acqua.

Ohimme, quale remmedio nce è à sto male?

Li Poiete chiù buone,

Pare onn'uno de loro lo straccione,

Quanno lo beo estatico rimango:

Onde à quest'Ernia mia cresce più sango.

e beo li Poetastre pe l'autezza

Ire all'Isola d'Eolo à trouà viente,

Perche chiù biento agliotto,


Chiù de viento la Guallara m'abbotto.

Se

Se beoli Poieticchie, acque stagnate
 figlia certe ranonchie de soniette,
 Ch'auto non fanno fà che te sfordire:
 Nn baggio tanto dolore,
 Ch'ala guallara mia crescel'homore.
 Tanto ch' hoggelo Munno
 Me fa portà tre munne;
 Focca non sà trouà la via de miezo:
 • Onne Poeta al'astremo s'afferra,
 O va tant'auto, ò fà de culo nterra.
 Non saccio da che nasceno sti grille!
 O sò nterra lacerte, ò so reille,
 Ie lacerte, che banno terra, terra,
 E li reille, che bolano sulo,
 Cò le scelle dell' aute nzi alo Cielo,
 Che sia Parnaso n fine io mò nnetremo,
 Perch'onne poesia corre all'astremo.
 Musa tù stài mbreiacca se pretienne
 Ia guallara sanare à messe Febo:
 Sfo male è ncancrenuto,
 Se tanta Poietune
 Sò rommase cefiune;
 Che pò fare ssa lengua,
 N'essere capo tosta:
 Ssa lengua po seruire te sepposta.

SCOMPETURA.





2535 - 306



